


UKWĒNE KO

KUPĀNDA KWA LISÙBA

 Unko uswe twīnamisye i mitu gītu. Ntwa, bo uswe tubūngēne apa ulu ulununu ulubūnju lwa Pāsa, ukukēta utumela utunini tukuguta injila yābo pānja, i njuki sikupululuka nkati nu kwēga akayabo kābo, i njuni sikwimba ngati i ndūmbūla syābo syābagile ukupufuka nu buhobofu, panongwa yakuti alipo u Paasa. Uswe tukwitika ukuti Ugwe gwāfyusisye Yeso ukufuma ku bafwe, ifyinja fingi ifi fikindilepo, umwisyugu, kangi uswe tukusekela ilisiku lya likumbusyo ili.

² Kangi unko pala pīsēge u Paasa pakati pa uswe twesa, umwīsyūgu. Tuliyaaga uswe, ukuya babombambombo Bake, pilikisya i Lisyu Lyake, ukuti uswe twaali mbwinake Bwake akabalilo kala, kangi ukuti lilino ukuti uswe tusyukile nu Mwene nu kwitugasya palikimo mmabuyo Gakumwanya.

³ Sayaga ulukomano apa mu kipanga, kangi ukukilania ikīsu kūko ikyēne kikubūkāko, ni telefoni iyi.

⁴ Bumbulusyaga ababine bosa na bonywa. Akene kabagiile ukuya Paasa kuli abeene, ukongelelapo, kangi ukusoka ukufuma ku bubine ukubuka ku maka. Kangi bala baabo bafwiile mu butulwanongwa nukukilania, baliyaga abeene nu buumi umwiisyugu ukwisila mwa Kristi. Kangi uswe twisakukutūfyāga Ugwe, kabuno uswe tukusuma ikyene mu Ngamu Yake. Amen.

⁵ Une nalolilololi ngwēga ulusako uluswīgisye ulu, ulubūnju ulu ukuya ngomokile kuno mu Jeffersonville, Indiana, ni kilūdilo ikikulumba iki, i kipānga kīswile kangi kikwīma, kangi ukusyūngutīla na pānja, kangi mu fiyabo na kulikōsa. Kwa umwe bāndu pa foni ukukilania ikīsu, ikyēne kyo lubunju lumogi apa.

⁶ Isala ya buhano ulubūnju ulu, umwīnāngu unnini ni kipāmbāga ikikesefu alinkupululuka kula pi dirisha nu kunsumusya une. Kwabonekaga ngati indumbula yake innini yābagile ukupufuka, yikuyoba, “Umwene asyuukile.” Une bwila ninogonaga isya njuni innini iyi ukuya mwinake kwa une, panongwa yakuti une nunganile umwene.

⁷ Bo mūmo akapāngo kakuyoba isya umwēne, “A kanini akanjuni ka bulauni kālimbwēne Umwēne ikukubilwa pa kipīngika, kūko ubutulwanongwa bwālimbīkīle Umwēne.” Ena, injuni innini yikali nu butulwanongwa nabumo. Umwene akāfimbilisigwe ukufwa kuli injuni innini. “Lōli umwēne alinkupululuka mu kipīngika nu kugela ukusopola imisumali,

na kalomo kâke akanini, kangi umwêne alinkuya nakyo ikipâmbàga kyâke kyôsa môsa kikeseфу.” Kangi iyo yo njila une ngulonda ikyângu, nîne, ukuya kikingo, ukugela ukupa i Kindu ikyalwimiko iki iki Umwene âfwilife.

⁸ Ukusyagania ukuti akabalilo kîtu kafyēnyesigwe apa, fiyofiyo ku binangu aba bikupilikisya mu telefoni iyi, Une ngulonda ukukôlêla ku butego bwînu ulubûnju ulu ku i—i kibonekelo iki akalilo kamo aka kakîndilepo kyâlyēgigwe ni kamera, iya mboniboni iyi une nâli nayo apa ku kipanga, ukusôka kwa Indiana, kwa Arizona; kûko une nâyâga pakwâgâna, mu bubûmbe bwa piramidi, a Bândûmi bahano-nababili. Kisita kumanya iki kikubonekaga pabutasi, akabalilo kako une nâfikile kula, ngwînogôna ikyêne kyâli bumalikisyo bwa bûmi bwângu, ukuti nayumo âbagile ukwikasya u bulûndume; kangi une nsisimikisye mwesa ba umwe mwîsibile na kapango. Kangi polelo mu Sabino Canyon, ulubûnju lumo bo ulu, bo ndi mu lwîpûto, pala lwâlipo ulûbo lubîkigwe nkiboko kyângu, kangi alinkuti, “Ili Iyo Lisyu, kangi u Lûbo Iwa Lisyu.”

⁹ Pankyēni pâke, u Gwândûmi alinkuoneka bo mûmo kyâsololigwe. Kangi pa kabalilo kalakala, ikibugutila ikikulumba ikya Lumuli kilinkuleka apa une nâlimile, kangi ukwenda amamailosi malongo matatu mmwanya mu mbepo, kangi ukusyungutila kyakusyungutila, ngati amapiko ga Bândûmi, nu kusimba nkati mmyânya u bubûmbe bwa piramidi mu kilakila ikubûngânie kya Bândûmi aba bâbonike.

¹⁰ Sayansi yilinkwêga ipicha, injila yosa ukufuma ku Mexico, bo iyene yikugutigwa ukufuma ku Arizona, kûko u Mbepo Mwikemo âyobile une mbagile ukwîma, “mamailosi malongomana kululu-kwîngililo kwa Tucson.” Kangi ikyêne kinkubûka mu mbepo, kangi kalatasi ya *Life* yâpîmbile i pîcha sila, “Ikindukimo ikisitakulinganisigwa kubutali mu fisyungutilo, kûlo kukâbagile ukuyako ububûndâle, kûko kukâbagile ukuyako nakumo umûyi gwa kalikôsa; mamailosi malongo matatu mmwanya, kangi amamailosi malongo-mabili-namahano-na-mabili mbukilanie,” nukwisa itolo ukufuma kuko a Bandumi bala bâli.

¹¹ Lilino, abêne basûmîle, ukumanya. Sayansi, yumo mwa bêne mu Tucson, âlônda ukumanya ikyakulôndigwa kilikyôsa, lôli une ngâbabûlile abêne. Umwe mwêsa mwakimenye ikyêne, nababûlile ngânîla. Lôli ikyêne kikâli kya bêne; ikyêne kyâli kya umwe.

¹² Kangi polelo pala Umwene alinkuyoba kwa une, kangi alinkuti, “Ifîmyatiko Fihano-na-fibili fisakwîgûka. Ifyâkubutîtu fihano-na-fibili, isyambutîtu isyapabuhano-na-pabili sya i Bângéli, ifi fîgaligwe môsa ukufuma ku lwâlo Iwa kîsu, fisakusetuligwâga.” Kangi uswe, napâpo twe kabugutila akîyisye akanini, ukufwanikisigwa na kyôsa i

kĭsu, uswe twĭkyelĭle isayo isi, ukupilika isyambutĭtu sila. Bwĕgi, kusōka, luyĭngu lwa liyoka, gōsa aga amalālusyo amakĭndāne, nukumalisigwa gasetuligwe kwa uswe, komma ukwisila mu mĭndu, lōli ukwisila mwa Kyala, Mwēne, uyu ĭgwile ifyakubutĭtu fila fihano-na-fibili; isya iki i Kipanga kyāli, mumo Ikyene kyāli mwa Kristi ku bwandilo, kangĭ mumo Ikyene kikusetuligwaga mu lisiku ilyabumalikisyo.

¹³ Kangĭ lilino, bo iki kyābūkile mmwanya, uswe tulinakyo i kipĭcha pānja pa kibumba. Lōli, polelo, une ndinakyo ikipĭcha kila kilāmbalēle apa, linga umwe mukukētēsya, ukuya kalatasi gwa *Life* āli ni kyēne. Lōli une nguswĭga linga ikilundilo kyāngu, ikiboneke apa, kyo naloli kikētĭlĕmo siku ku kibonekelo, muketile, mu njila ikyēne kibagĭle ukuya.

¹⁴ Umwe mukukumbukila, une nālumbililāga akabalilo kako imboniboni iyi yālīsĭle, pa kimanyisyo kya Būku gwa Busetuli, kuko abalongi abaiyolo, kuko uswe tumbwene Yeso mu Busetuli 1. Akabalilo kāko uswe twālyāndĭle ukwĭgūla i Fungilo Sihano-na-sibili. . . pamo i—pamo i Ngulilo sya Kipanga, ndigi, itolo bo kukāli ukwigula kwa Fimyatiko Fihano-na-fibili. Kristi ālimile ni “nywili bo masapa, inyelu.” Kangĭ une nālĭngĕnie ikyo kwa umwe, ifi abalōngi ba Kingereza, kangĭ abalōngi ba iyolo, akabalilo kāko abēne bābūkile ku kigemo, ukufingisigwamo, ubulagili bwābo ubwāpamwanya bwāpĭgwe ku bēne. Abene bafwalaga ingiga inyelu, mumo ikyene kyāyilile, pamwanya pa mitu gyabo, ukunangisya u bulagili bwabo bwapamwanya.

¹⁵ Ena, linga ugwe kwisakukisyūmbutusya ikipĭcha bo *ulu* nukukĕta, ugwe ubagĭle lumu ukukikĕta ikyēne ukufuma ku kilundilo, ikyēne yo Kristi. Muketile amaso Gake gikukĕta *apa*, itolo mpelelesye mumo ikyene kikuyilaga; afwēle ingiga inyĕlu iya Bwākyaala Bwapamwanya kangĭ Ndongi gwa mōsa kumwanya na pakisu. Ngimba umwe mubagĭle ukuketa amaso Gake, mbulo, undomo Gwake? [Ikilundilo kikuyoba, “Ameni.”—Nsimbi] Itolo syūmbutusya ikipĭcha ukufuma ku *iki*, mūmo abēne bālinākyo ikyēne; injila *iyi*, mūmo ikyēne kibagĭle ukuya. Kangĭ ugwe. . . Ngimba umwe mubagĭle ukukibona ikyēne? [“Ameni.”] Umwēne yo Ndongi Gwapamwanya. Akayapo nayumo uyūngi lōli Umwēne. Kangĭ ikyo kyo kilinganio ikipelelesye kangĭ, ukusimikisya ukuti i Ndumi iyi yo Bwanaloli. Iki kyo Bwanaloli. Ikyene kyo kyabwanaloli. Kangĭ ukumpela Umwene akaya Mundu gwākĭtatu, loli yu Mundu mwene!

¹⁶ Ni nyelu, muketile, umwe mukete i ngisi, ikisyo Kyake, indefu Syake, na maso Gake. Kangĭ kētēsya, Umwēne ikukĕta. . . Ukufuma ku Mwēne bukwisa u Bwĕlu ubu bukumulika pa lubafu ulwakililo, ku iki Umwēne ikukĕta. Kangĭ pa kipĭngĭka, uko ko kūko Umwēne ākētĭle, ku kilĭlo, kūko Umwēne āhobokile u ntulwanongwa. Mu Lumuli lwa busyuke Bwake, uswe tukāli tukusōka panja mu Ngamu Yake.

¹⁷ Une ngunyonywa, ulubunju ulu, ukuti une nāli na kabalilo kīngi uku—uku taga pa fiswigisyo ifi ikyo kyo ukukinda unyungulu guligosa ugwa kwilamwa, kisisimikisigwe ku fyinja malongo matatu ifi fikīndile, pamo malongo-matatu-na-fihano, papapa apa pa kipanga iki; ukufuma kula pa kisōko, akabalilo kāko lula lulalula u Lumuli lwālisile pāsi kuno mu Jeffersonville, mu 1933, nu kuyoba amasyu gala, “Mumo Yohani u Mōsi ātumīgwe ukutalula ukwisa kwākwanwa kwa Kristi, i Ndumi yāko yisakutalula u kwākibili.” Uswe tuli nkabalilo ka bumalikisyo, kangi uswe tukukéta ikyene. Uswe tukuswīga utubalilo tumo nongwa ya fiki ikyēne kikabalanila pa kīsu; lumu utubalilo tumo uswe tukuyaga nu lusako ukulingania ikyo, linga Kyala ikwitikisya.

¹⁸ Lilino une ngulonda umwe musanuke mu—mu ma Bāngéli gīnu, mumo uswe akabalilo kosa tukwitika ukuti i Lisyu likufimbilisigwa ukwisa ikyakwanwa, ifya kubala kwa Lisyu. Une bwila ngubala Ilyo, panongwa yakuti Ilyēne. . . Amasyu gāngu lyo lisyu lya mūndu, ilyēne lisakutoligwa; lōli i Lisyu lya Kyala likabagīla ukutoligwa.

¹⁹ Lilino uswe tukubūkāga uku—uku bala ukufuma m’Masimbo Amikēmo, u busīmbe. Kangi uswe tukulonda umwe ukusanuka, ukwanwa, ku mabuyo matatu mu li Bangeli, ubu une nsalile ukubala ukufumamo. Bumo mwa bwēne buli mu Busetuli, untu gwa 1, kangi ilinandi lya 17 na lya 18; uko ko kuko Umwene aabonekile ni “Syake inywili inyelu bo masapa; kangi amalundi Gake gali bo ga kikuba.” Kangi polelo une ngulonda umwe kangi ukwega, mu Mabāngéli gīnu, Baroma 8:11. Une nsalile, ulubunju ulu, ubuyo butatu ukubala, ukufuma ku Masimbo Amikemo, ku Ndumi yangu umwisyugu, iyi u Ntwa abīkile pa ndumbula yāngu kuli u busyūke. Kangi poleli une ngulōnda umwe, kangi, ku Maliko 16:1 na 2. Pala une nisa kukwābapo ulwangu—ulwāngu ulwālo.

²⁰ Lilino mu Busetuli 1:18, uswe tukubala a Masyu aga, 17 na 18.

Kangi akabalilo kako une nalimbwene umwene, une ndinkugwa pa malundi gake ukuya mfwe. Kangi umwēne alinkubika ikiboko kyāke pa une, ikuyoba kwa une, Ulutende mma; kabuno une ne gwākwanwa kangi gwabumalikisyo:

Une ne umwēne uyu mūmi, kangi nāfwile; kangi, kēta, une ndi mūmi kwa bwilanabwila, Ameni; kangi ndinasyo ifungulilo sya bufwe na gehena.

²¹ Kangi mwa Baroma unto gwa 8 kangi ilinandi lya 11, uswe tukubala iki.

Loli linga u Mbepo gwa umwene uyu ansusisye Yeso ukufuma ku bafwe ikwitugasya mwa ugwe, umwēne yūyo ālinsyūsisyē Kristi ukufuma ku bafwe kangi

isakunyenyesya imibili gyĩnu igyākufwa na Mbepo gwāke uyu ikwitūgāsya mwa umwe.

22 Kangi lilino mwa Mariko untu gwa 16, untu gwa busyuke, untu gwa 16, amanandi ga 1 na ga 2.

Kangi akabalilo kāko u sabata ākĩndile, Maria Magadalena, u māma . . . na Maria u māma gwa Jemusi, kangi Salome, bābōmbile bātwele utulūngo utunyāfu, ukuti abēne babagile ukwīsa nu kumpaka umwēne.

Kangi fiyo ndubunjubunju ilisiku lyaakwaanda ilya ndungu, abeene balinkwisa ku lipuumba ku bupāndilo bwa lisuba.

23 Lilino, untu gwāngu ulubunju ulu, une ngulōnda ukwēga ubusĩmbe: *Ukwēne Ko Kupānda Kwa Lisuba*. Kangi kuli i kimanyisyo, une ngulōnda ukubōmbēla, “a Maka gakunyenyesya.”

24 Lilino, umwe mumenye, umwe lumo mwāpilikisyaga i rediyo na balumbilili abakindane bikuyoba. Kangi u gwitwa unjindikigwa u Nkundwe Neville ulubunju ulu ikuyoba akamanyisyo ka Pāsa, pa busyuke. Kangi une ndinkwinogona lumo une mbagile ukwega iyene i—i injila ingĩndane, komma ukuya nkindane, loli itolo ukongelela panandi, lumo mbusenda ubungi, kwa ugwe. A Masimbo, ubusendame bulibosa ugwe kubuka na Masimbo, Ilyene bwila likufumusya Yeso Kristi. Ugwe ukabagila ukusōkako ku kyēne, mu njila yiliyosa. Ilyene akabalilo kōsa likusasania Umwēne.

25 Lilino, bo i kīsu umwīsyūgu mu—mu bubōmbēlo bwa bukūmbusyo, pamo, pabunini fiyo, mu United States nu lubafu ulu ulwa kīsu, ulubunju ulu, mu fipānga kangi ukukĩndamo-mōsa, bikusekela i kikūmbusyo lwa—lwa bupōnjōli ubukulumba-ukukĩnda ubu u mūndu ālimo nabo siku.

26 Une ngwinogona, ukuya Mpoki akabalilo kako Umwene āfwile, pamo ukuya kāna akabalilo kako Umwene āpapīgwe, Umwēne akābagile ukuya apa pēne pāpo ukuya ikwīsa nkīsu. Kangi akabalilo kāko Umwēne āfwile, naloliloli Umwēne āhōmbile kuli u butulwanongwa bwītu. Loli, pōpe, balipo bingi a bāna banunu abanini abapāpīgwe, kangi bafumile pakuyapo abanyāmbala bingi aba bakubīlwe nu kufwa kuli i nōngwa yanaloliloli, loli akālipo siku yumo uyu ābagile ukwisusya mwene kangi mpaka i lisiku ili.

27 Lilino, ugo go ndungu unkulumba-ukukĩnda mu syāmbukūlu, ulusekelo ulukulumba-ukukĩnda ulwa tubalilo tōsa, uyu Pāsa ko kūko Umwēne āsisimikīsyē iki Umwēne āyobīle. Umundu abagile ukuyoba ifindu, loli pope ikyene kikaya katikati kībagile ukwitikīgwa, namosanamosa, mpaka ikyene kisisimikisigwe ukuya Bwanaloli. Kangi mumo Kyala, Uyu ayobile, “Sisimikisya ifindu fyosa; kolelela fiyo ku iki kyo kinunu,” Umwēne akābagīle ukubabūla umwe ukubōmba

ikindukimo iki Umwēne akābagīle ukubōmba Mwēne. Popāpo Umwēne āsisimikīsyē Yūyo uyu āli uyu āfwīle panongwa ya butulwanongwa bwītu.

²⁸ Kangi, lilino, likaya itolo ilyēne lisiku lya kikūmbusyo, ilya gōsa aga amakulumba amaluba ga Pāsa, kangi ifitili fya Pāsa, kangi abakalulu abapinki, na fyōsa bo ifyo, ifi uswe twīsilēmo, kangi ulusekelo ulwīkemo; iki kyo kili kanunu mōsa, lōli iki kikaya kindu kyanaloliloli mu njila yila.

²⁹ Mumo abandu umwisyugu bikugela ukuyoba, “Uswē tukufimbilisigwa ukusuka amalundi kamokene pa kyinja, pa—pa Kina, kangi pa Kihano uswe tukufimbilisigwa ukwegā umugonesyo,” kangi ifimanyisyo ifikindanekindane fyosa ifya . . . Abene bikukanikana ukuti kali ikylene kiyēge ilisiku *ili* pamo ilisiku *lila*, pamo kali ikylene kibagile ukuya lisiku lya sabata pamo ilisiku lyakwanda ilya ndungu; pamo . . . Ifindu fyosa ifi fyō itolo lwiho. Kyo kinunu nki āngali kalikōsa ka ikylene kakubōmba, kali ugwe gwāli na Lenti pamo komma Lenti, linga bukayamo nu Būmi mwa ugwe? Ikyēne kyo kyēne kikukūmbusyo. Iki, kikayapo nakimo ikyākulwana ni kyēne, lōli abēne bo naloliloli babōmbile inyīho syābo, lōli bakilekile pānja ikīndu ikinywāmu.

³⁰ Sētāno atikupāsya mūmo uyīlile ubwīputiputi ugwe uli, pamo mūmo ugwe uyīlile ntalusye mu Kimanyisyo kyāko. Linga ugwe kupōndwa u Būmi bula, ugwe utisakutupuka, mulimosa. Kali uli mwīputiputi bulebule, uli nunu bulebule, ifipānga filinga ugwe gwīngilēko pamo kwīsakwīngilāko, ikylene kitikubōmba ikindu kimokyēne pene pāpo ugwe upāpīgwe kabubili.

³¹ Polelo, linga Kyala āfyusīsyē Yeso ukufuma ku bafwe, ngimba Umwene āfyusīsyē Umwene kuli kukumbusyo? Kangi ngimba ulubunju ulu lwene i—i lisiku limo mu kyinja, pamo i lisiku limo ili uswe tukusekela iki? Pamo, ngimba uswe bīngilakilingo ba busyuke Bwake? Ngimba ikylene kikusanusya fiki kwa une? Ngimba ikylene kikusanusya fiki kwa ugwe? Lilino uswe tukwitika, nu lwitiko, ukuti Umwene asyusigwe ku bafwe, loli ngimba ikyo kyo kiliku iki kibagile ukubomba na une? Kila kyāli fyinja maelifu mabili ifi fikindilepo.

Lilino ukwaga ilisimbo ili!

³² Bo une nāli nkatale, ulukōngi lwāngu lukumbaba une, ukufuma ku sindano isi u nāsi ālimbēle une. Kabuno, ngusōkàpo ukuloboka-inyānja lilino, bo mūmo umwe mumenye, mu masiku manini, kangi une ngufimbilisigwa ukuya ni sindano isi, mwanundumiana na une. Kangi na kolera, sekema ya kiyīnja, na filifyōsa, une nāli naloli nkatale, ukumbela une mbine. Iki, Kaisale ikulōnda ukuya basyo i sindano isi bo ukāli ugwe ukubūka mu kīsu ikīngi. Kangi Umwene alinkuti, “Mpapo

Kaisale iki kyo kya Kaisale, loli polelo mpe Kyala iki kyo kya Kyala.”

³³ Kangi akabalilo kako une nitugesye pala, nguswiga iki une nguyobaga ku kilundilo ikyākugūlila ulubunju ulu; iki une ndi gwakupalisya fiyo panongwa ya, kangi unnyambala na bakikulu aba babagile ukubika ubumi bwabo pa lukindi lwa ifi ugwe gwābagile ukuyoba. “Ngimba une mbagile ukubomba bulebule ikyēne? Ngimba une mbagile ukwega fiki ukuya untu?”

³⁴ Kangi polelo bo une nālītūgēsye pala, kifuki ntulo, ikifigo kyāngu kilinkuywēga, panja pa lubafu lwa nkyēni mwa nyumba. Nayumo ukuya pala lōli nīmwenē, bo mūmo une nāmanyile. Une ndinkupilikisya. Une ngakipilikisye ikyēne itolo nubutalusye. Bo kakīndilepo akabalilo, i kyūmba kyāfinyamana, kūko une ngusanukila mu bufūnde bwāngu, ikyēne kilinkuywēga, kangi yumo alinkūmilisya ukuyugania i kifigo. Kangi une—une ndinkubuka ku kifigo nukwigula ikifigo, kangi, ku buswigo bwāngu, a—a kamogi, akanini, akanywīli-syayelo, akalindwana ka maso-ga-bluu kālīmīle pala, kabonekaga ngati kanini kaluba ka Pāsa; aka kītugesye apa kikungeta une lilino.

³⁵ Umwēne ālimbéle une ilikādi. Kangi iyēne yāli i... Ena, une ngusakikisya akabalilo kāko une ngufika ku kāya pisakuyapo amakadi ga Pāsa, na fyosa bo ifyo; lōli lyēne limolyēne, ukuya ngusōkapo pa nyūmba, ili une nāmbilile. Kangi umwene alinkuti, “Nkundwe Branham, iki kyo ukufuma kwa tāta na une.” Umwene ālondaga ukuya nsisimikisyi ukuti “une” āli mu kyene. Kangi u tāta gwāke gwambungo ya kwīsulafifupa, itūgēsya mu kikota-kya-magudumu, ātumile ilikādi lila. Akabalilo kāko une nālyēgile ilyēne nu kupālisya unganigwa unnini uyu, bo umwēne āsyūmbutukāga nu kusōkapo ukufuma ku kifigo, une ndinkwīgūla ilikādi.

³⁶ Kangi mu bubūmbe bwa kadi ili une ndinkukwāba ubusimbe bwāngu. Kabuno, pa likadi lya Mwikemo Mariko 16:1 na 2, ku bupāndo, ilisuba likufyuka. Polelo une ndinkwinogona isya ikyo, kangi polelo ikimanyisyo kya “u kunyenemusya,” kwa Yeso Kristi ukusyūsigwa mmwanya ukufuma ku bafwe, une ndinkukwābapo ikimanyisyo kyāngu.

³⁷ Lilino, ilisuba, ukufyuka kwa lisuba. Ena, kālipo akabalilo kāko ikīsu kyālāmbalēle mu ngīsi. Ikyene kyāli kisita bubumbe, kangi ngelebuno. kangi ikyēne kyākupililigwe na mīsi, kangi kyālāmbalēle pala mu ngīsi, kyangisi, ubusyūngutilo bwākifūnienie. Kangi u Mbepo gwa Kyala alinkwēnda pa mīsi gala, kangi alinkuti, “Unko kuyeko ubwelu.” Kyala āli ni nongwa ukubōmba ikyo, kabuno pāsi pa mīsi gala syālipo imbeyu iyi Umwēne ābyēle, kangi iyēne yafimbilisigwaga ukuya nu bwēlu bwa lisuba ukutēndēka iyēne ukuya nyūmi.

³⁸ Kangi u Lumuli lwakwanda lwapegigwemo siku nkisu lyāli Lisyu lya Kyala. U Lumuli lwakwanda ulu lwātikilēmo siku i

kĩsu lwáli Lisyu iliyōbígwe lya Kyala. Umwene alinkuti, “Unko kuyeko u bwelu,” kangĩ kulinkuyako u bwelu. Ikyo kyāsanwisye i ngĩsi ukuya bwēlu, ukutwāla pānja i kipeligwe kya buhobofu nu būmi pa kĩsu. Polelo, u Mbepo gwa Kyala, bo Umwēne ālyēndīle nu lugāno ni kibabilĩsi, ku lisiku ilikulumba lila, ilisiku ilyakwanda ilya kupānda kwa kupeligwa kwa kisu; ilisuba lilinkupānda nu kupyāgila ukukilania, imuli syāke, nu kūmisya lōsa amĩsi ukufuma ku kisu, nu kupela kumwanya pamwanya. Kangi, ku kabalilo kāke akakwanda, akēne kafimbilisigwāga ukutwāla ubuhobofu nu būmi ku kisu, ukwisila mu mbeyu. Iyo yāli sala ingulumba.

³⁹ Lōli, o, ikyēne kikāli nakimo, ukusōka kwa isuba kula, ngati ukusōka kwa isuba pa lula ulubūnja lwa Pāsa. Akabalilo aka, ni lisupa likunyēla mmyānya, ilyēne lyātwele pānja ukusōka kwa lisuba ukukulumbapo ukukīndamo siku; panongwa yakuti ilyēne lyālisile ni nōngwa ingulumbapo nu kusōka kwa lisuba uku, ukukīnda ilyēne lyābōmbile nu kusōka kwa lisuba ku bwāndilo. Ukusōka kwa lisuba uku kwātwele i nongwa, ukuti, “Umwēne asyūkile! Umwēne anyenyemusigwe ukufuma ku bafwe, bo mūmo Umwēne afīngile. Umwēne asyūkile ukufuma ku bafwe.”

⁴⁰ Akabalilo kakwanda ilisuba lilinkufyuka, mwa Bwandilo, ilyēne lyātwalāga i ndumi ukuti pisakuyapo u būmi pa kisu, ubūmi bwākufwa.

⁴¹ Lōli akabalilo aka, akabalilo kāko i lisuba lyāpāndile, kwālipo u—u kupānda kwa lisuba kwapabili; uyūngi, Mwanundumiana, ikupānda. Ikyēne āli u...komma mwēne l-i-s-u-b-a ikupānda, ikyēne āli u M-w-a-n-u-n-d-u-m-i-a-n-a āpāndile ukutwāla u Būmi Bwāsyēpwa ku lōsa lwa Kyala u Luyūngu ulufīngigwe ulu ukwīsila mu kumanyila-ngāni lwāfumile pakulāmbalāla pa kisu.

⁴² Nakamo kāngi mma bwābagile u—u būmi bwa fibyālīgwa ukwītūgāla kunyuma kula ku bwāndilo kisita u l-i-s-u-b-a ukutwāla ikyēne ku būmi; kisita kukindapo, umwisyugu, akabalilo kako abanabalumiana ba Kyala bali pa kisu, ikyene kikwega u Lumuli lwa M-w-a-n-u-n-d-u-m-i-a-n-a ukubatwala abene ku Bumi bwa Syepwa, Bāke abasalīgwa bala ukuti Umwēne āmēnye bo lukāli ulwālo lwa kisu. Umwene abasalile abene mu Mwene bo ulwalo lwa kisu lukaligwa.

⁴³ Kangi pa lubunju lwa Paasa, polelo, mu mfu ugu pabuyo bumo gyālambalele imibili gyītu pa kabalilo kala, kabuno uswe tuli lufumbi lwa kisu. Kangi ku Mwanya, aalipo u Buku gwa lukumbusyo, kangi ifyakumbagilila Fyake fyaali mwa Mwene, amenye ukuti panongwa yakuti Mwanundumiana gwa Kyala aafyusisye, Ikyēne āngāli kyōpe kikusyūsya ku Būmi u mwanundumiana aligwēsa uyu āsunguligwe-ngāni ku kabalilo akakulumba aka. Umwēne āmēnye ikyēne kikuyaga. Kangi ko

kuliku ukupānda kwa lisuba ukwālŵimiko kīngipo kula kwāli ukukīnda ikyēne kyāli ku bwāndilo, ku kabalilo pāpo ukwēne kyapāndile ikyākwānda!

Lilino, pa kupānda ukukulumba uku kwa Fūngilo ya Pāsa!

⁴⁴ Lilino, umwīsyūgu uswe tuli ni kikōsa ikikulumba, fūngilo ya Pāsa. Abāndu bikutuma i ndumi, yumo ku nnine, nu kutūla i kyakusāngūla ikikulumba iki pamo ubugute, ukuti abagānga na sayansi ya mikota ukubōmba pa kindukimo, ukuposya pamo ukutula u kikōso ikikulumba. Abēne bo kifūngilo, iki uswe tukukikōlēla i fungilo ya Paasa, akabalilo kāko uswe tukutuma indumi yumo ku nnine. Lōli akabalilo kāko uswe tukwāmbilila i ndumi, i fūngilo yila yikulepuligwa, panongwa yakuti i fūngilo yila yo iyi yili ni ndumi yipinyigwe mu nkati.

⁴⁵ Kangi lilino, i Fungilo iya Paasa iyabwānalōli, pa kupānda kwa lisuba uku, yabongotoligwe; kangi isyakusofu sya Būmi ukufuma pa bufwe syāsetuligwe. Bo kakāli akabalilo kala, uswe tukāmēnye. I kīsu kilinkubugutila mu ngīsī, kilinkwālangana ukusyūngutila, ubusakikisyo bwa mūndu. Ifisakikisyo fyāli pakati pa ndūmbūla ya mūndu, lwīho lwātigwe. Abanyambala bīputāga ififwani. Abene balinkwīputa ilisuba. Abene balinkwīputa uluko losa lwa bakyala. Kangi lōsa uluko lwa bāndu ulu lwāpela isyakwīyobēla, abēne bōsa balinkubūka mu lipūmba, kangi abēne bāsyēle mu lipūmba.

⁴⁶ Lōli i Fungilo iyanaloli yabongotoligwe, kangi Yimo Uyu akabalilo kamo ālimo nu būmi bo uswe tukuya būmi, āfwīle bo uswe tukufwa, āsyūkīle ukufuma ku bafwe. Lo lubunju luki! Nasiku lumo bo ulwēne, mu syāmbukūlu syōsa isya kīsu. Ubwifise bwatendekigwe ukuti Umwene āli fyosa-fibili busyuke nu Bumi.

⁴⁷ Kangi Umwene alinkuti, akabalilo kako Umwene āsōkaga panja pa lubunju lula, “Panongwa yakuti Une ndi mūmi, umwe muli būmi numwe.” Akali itolo Umwēne nkabi gwa busyūke, lōli bōsa bala Lusyungu aba bīgemekisigwāga mu lufīngo lwa Kyala ulukulumba bāli bakabi ba busyūke bula ku Būmi. Panongwa yakuti, Umwene alinkuti, “Panongwa yakuti une ndimūmi, umwe mwisakuyaga būmi nūmwe.” Uko kwāli ko kulepula kwa Fungilo. Panongwa yakuti Umwēne āsyūsīgwe, mōmumo isa aligwēsa yula uyu ali mwa Kristi isakusyūsīgwāga nu Mwēne.

⁴⁸ Ku ubu ubwalwīmiko ubupānde bwa lisuba, Kyala āsisimikisye pamo āfwānikisye, i Lisyu Lyāke. Fyōsa i fūnienie nu kwīlāmwa kūko kwalyēndēle mu minogono ga bāndu kyasōsigwēpo, panongwa yakuti apa ālipo Umwēne Yūyo akabalilo kamo āli mūmi, ukulya, ukunwa, kangi ukulilanila nu luko lwa bāndu, uyu āyobile, “Une ndi na maka ukulambalika ubumi Bwangu pasi; Une ndinago a maka ukugufyusya ugwene kangi.” Kangi lilino akaali itolo Umwene aatendike ubuyobelo,

loli Umwene aasisimikisye icyene ukuya Bwanaloli. O, kyo kindu kyalwimikonki iki kili!

⁴⁹ Une ndi nsisimikisyi ulubũnju ulu ukuti na nũswe, twe tukwĩtika icyēne, tukabagile ukupilikisya kyo kĩndu kikulumba nki icyēne kyāli. Panongwa yakuti Umwene asyusigwe ku bafwe, uswe nuswe tutalile tufyukiile ukufuma ku bafwe, kabuno uswe twaali mwa Umwene.

⁵⁰ Kētèsya lilino. Bo i ngĩsi yākupililāga i kĩsu, kangi i mbeyu silinkutoligwa ukuya nyũmi kisita i l-i-s-u-b-a uku pānda, kangi i ngĩsi yākupilile i kĩsu. Kangi lilino u M-w-a-n-u-n-d-u-m-i-a-n-a āpāndile, kangi i ngĩsi yōsa yāmasigwe nu Bwēlu, bo Ubwēne bulinkubalanila ukukilania ifisu, ku bāndu, ukuti, “Umwēne akaya apa, lōli Umwēne asyũkile!” Bo—bo buyobelo buki! Umwēne āsisimikĩsye i Lisyu Lyāke. Umwēne āsisimikĩsye Ilyēne ukuya, ukuya lyabwānalōli, kabuno Umwēne lilino āpōnjwile u bufwe, gehena kangi i lipũmba.

⁵¹ Ubutatu bwa mōhēsī: bufwe, gehena, ni lipũmba; kabuno Sētāno yo mwāti gwa bufwe, umwēne yo ndagili gwa gehena, kangi lyōpe i lipũmba. Kangi bula bwāli butatu bwa Sētāno, ukuya bwatēndekĩgwe ni kindu kimokyēne, ubu bwāli bufwe. Bufwe, ugwe kubuka ku lipũmba; kangi ukuya ntulangwa, ugwe kubuka ku gehena. Fyōsa kilakila ikĩndu kimokyēne, u butatu bwa Sētāno, iki kyo bufwe. Kila kyālinkolile u mũndu mu butumwa fyōsa ifyĩnja ifi.

⁵² Lōli lilino u butātu bwa Kyala, ukuya Yumoywene abonekile mwa Kristi, Uyu āli Bũmi, kangi ālepwiile i Fũngilo nu kupōnjōla u ndugu, kangi āsyũkile, yumoywēne Kyala ugwabwanaloli kangi gwābũmi. “Une ne Umwene uyu aafwiile, kangi une ndi mumi kwa bwilanabwila, kangi ndi ni fungulilo sya bufwe na gehena.” Kyala, mwa Yumoywene, āpelĩgwe Nnyambala, nukwitugasya pakati pitu, nu kupōnjōla undugu aligwesa. Kangi āsisimikĩsye ukuti ubutatu bwa Sētāno bwāpōnjolĩgwe, kangi ukuti ubutatu bwa Kyala bwātēndekĩgwe ukumanyigwa, panongwa yakuti Kyala mwene ali na maka ukutwala u Bumi ukugomokesya kangi. Umwene āli yula Imanueli. Kyala abonekile mu mbili.

⁵³ Yo nongwa Umwēne ābagile ukwĩyobēla pala, Matai untu gwa 27, “Amaka gosa ku Mwanya na pa kĩsu gapēgĩgwe nkiboko Kyāngu. Une ngutuma umwe ukuya bakēti Bāngu, ku kĩsu kyōsa.” Umwene aaponjwile fyosa ubufwe, gehena, ni lipũmba. Himma itolo fikuti Umwēne ābōmbĩle ikyo; nu sōka pānja, bupōnjōli, na maka gōsa ku Mwānya ni kĩsu. Kyosa iki kyāli Tāta, kyōsa iki kyāli Mbepo Mwĩkēmo, kangi fyōsa ifi fyālimo siku, fyāli mwa Umwēne. “Amaka gosa ku Mwanya kangi nkĩsu gapēgĩgwe kwa Une.” Kilikyōsa ikingi kyo kisitamaka. Umwēne āponjwile icyēne.

54 Lilino! Kangi polelo, komma kyène ikyo, Umwène âtumile i Lisyu ku bafündígwa Bâke, abakwitika Bâke. “Lutênde mma, kabuno Une yo Une ne nâfwile, kangi ndi mûmi kângi kwa bwila ukôngelelâpo. Kangi une ndi ni fungulilo sya bufwe na gehena; Une ndalile mbonjwile iyene. Komma ukutila kangi mma, kabuno lulilôsa ulupakigwa-ngâni, u lusünguligwa-ngâni u Luyûngu lwa Kyala bîsa kwîsa ku Bûmi akabalilo kâko Ulumuli lula lukubala pa kisu, ulwa Inongwainunu ya lwimiko. Mu ngulilo yiliyôsa, Ubwène bwîsakumesya ikibyâligwa iki Kyala âsayile Ubwène ukubômba.” Umwène âsyûkile ukufuma ku bafwe.

55 O, kyo kindu kinunu nki iki kili, “Une ndi mûmi, pamo nyemyemusígwe.” I lisyu likusanusya, i lisyu *nyenyemusígwe*, i lisyu lya kiGiriki likusanusya ikyo kyo kindukimo iki kyo “kitendekígwe ukuya nu bûmi ukufuma ku bufwe.”

56 Bo i—i mbeyu iyi yikubuka ku kisu, iyene yikufimbilisigwa ukufwa, akayabo kalikosa ka mbeyu. Ikyène kikufimbilisigwa ukubola, akayabo kalikosa ka mbeyu. Kangi akayabo kalikosa ka bûmi, aka kâli mu mbeyu, kakufimbilisigwa ukusôka pânja kangi.

57 Umwène âli “ânyenyemusígwe.” Kyene ikyo mma. “Kangi isakutuma u Bûmi bulabula ubu bwâlinyenyemwisye Une, a Maka aga gâlindwele Une ukufuma ku lipûmba, Une nisakutuma Ubwène pa umwe, uku nyenyemusye umwe, ukuti kûko une ndiko kula umwe mwisakuyaga nûmwe.”

58 Mwa Luka, untu gwa 24, amanandi ga 49. Umwene alinkuti, “Keta, Une ngutuma ulufingo lwa Tata pa umwe; loli u syâlapo umwe, pamo gûlila umwe, nkaya ka Yerusalemu, mpaka umwe mupegigwe na Maka ukufuma ku Mwanya.” Ukunângisya ukuti komma itolo Umwène âkwâbile ifyakukaba ukufuma mu kyène, lôli Umwène âyâbile ifyakukaba fila.

59 Umwène ikwîsa ukutabula, pamo ukutwâla ku Bûmi, bala u Luyungu ulusüngulígwe ngâni aba Kyala âketile bo u lwalo lwa kisu lukâligwa nu kubîka i ngamu syâbo mwa Bûku gwa Bûmi. Kangi apa abene bali pa kisu, kisita lusubilo; Umwene aalisile komma ukuya Lusayo itolo, lôli ukuyabania u Lusayo nu Luyûngu lulilôsa ulusünguligwe-ngâni. Lilino, linga i Mbeyu yikâli pa kîsu, Iyène yikâbagile ukuya nu bûmi. Iyène yâfimbilisigwâga ukuya pa kîsu, kangi kópe ukumesigwa. Kali bo butali bulebule Iyène yikyüngigwe mu ngîsi, Iyène yisakwîsa pânja akabalilo kâko u M-w-a-n-u-n-d-u-m-i-a-n-a ikumulika pa Yène. Kêtésya lilino, Umwène ikwîsa ku Iyène na uswe.

60 Yo nongwa i Nongwainunu yo nongwa inunu. I lisyu *Nongwainunu* yilayila likusanusya “i nongwa inunu.” Inongwa inunu, fiki? Linga u mûndu âfwile panongwa ya nongwa yîtu, iyo yo nongwa inunu. Linga Kristi âpâpígwe, iyo yo nongwa inunu. Lôli nasiku i nongwa, nasiku yâlimo i nongwa ngati i nongwa iyi,

ukuti, Umwēne Yūyo ātēndike u lufīngo asisimikisye u lufīngo, ukuti, “Umwene yo mūmi kwa syepwa, kangī ali ni fungulilo sya fyōsa-fibili u bufwe na gehena, nkiboko Kyake.” Yōsa i ngīsi yāyuganigwe ukusōsigwapo. Yikālipo kāngi i ngīsi ukukētigwa, kabuno u Mwānundumiana āsyūkile ukufuma ku lipūmba. Kukālīko nakimo, “Ena, Umwene isakwisa, pamo Umwene abagīle ukwisa.” Umwene ātalīle ālīsile, i Nongwainunu, i nongwa inunu!

⁶¹ Kētēsya, i Ndumi yilayila iya Nongwainunu, Yēne, ko kusisimikisya ku bāndu ukuti Umwēne asyūkīle. “Būka kababūle abafūndigwa Bāngu ukuti Une nsyūkīle ukufuma ku bafwe, kangī une nisakwāgāna na bēne, ukusisimikisya iki ku bēne.” O Kyala, mūmo mu lisiku ilyabumalikisyo ili pisakuyapo u Bwēlu kangī ukukilania ikīsu! “Kangī une ngusisimikisya ku bafundigwa Bangu! Būka kababūle abene ukuti une ngaya mfwe mma, kangī une ngaya lwiho, loli une ne Kristi gwabumi. Une ngwaganaga na bene. Ega i Ndumi iyi ku bafūndigwa Bāngu, ukuti Une nsyūkīle ukufuma ku bafwe,” i Nongwainunu, i nongwa inunu.

Ugwe kuyoba, “Ngimba ikyo kitalusye?”

⁶² Bahiburi 13:8 ātile, “Umwene yo yuyo mmayolo, umwisyugu, na bwilanabwila.” Uswe, ifyakukaba Fyāke, twe bākusisimikisya u Būmi Bwāke buli mwa uswe lilino, abākukaba ba Būmi ubu. U Būmi, pakālipo siku u būmi bwālītugaligwe ngati ikyēne; Umwēne āli Mwanundumiana gwa Kyala. Kangī Umwēne alinkufwa, kangī ikyo kilinkwīgālila ikyēne pānja; lōli akabalilo kāko Umwēne āsyūkīle kāngi ukufuma ku bafwe, pa lubunju lwa Pāsa, polelo uswe, ukuya babōmbi Bāke, tulagililigwe nu Mwēne ukubūks nkīsu kyōsa nu kutwāla i nōngwa inunu iyi ku mūndu aligwēsa, ukuti Umwene yo gwābumi. Kangī uswe tubagile ukubomba bulebule ikyene ukwisila mu Lisyu lyene? Kabuno ukwene kusimbigwe, “Inongwainunu yikālīsile mma ni Lisyu lyene, loli ukwisila mmaka kangī ukubonesya kwa Mbepo Mwikemo, ukusisimikisya ukuti Umwene ali nu bumi.”

⁶³ Lilino, linga yilipo i nongwainunu iyingi, bo Pauli āyobīle ku kimo mwa fibugutila, “Une nguswīga fiyo ukuti umwe mukusanukila ku nongwainunu iyīngi.” Iki kukuyako nayimo iyīngi, lōli i nongwainunu ya kwipela-kwītika, ku kyākwāta kyākipānga-kipāgūke, yikusanuka ukufuma ku nongwa innunu yila.

⁶⁴ “Kangī panongwa yakuti une ndimumi, umwe muli būmi numwe. Kangī une ngwitugasya mwa umwe, kangī imbombo isi Une ngubomba,” Yohani 14:12, “imbombo isi Une ngubōmba sīsakwīlīngānia Nimwēne mwa umwe.” Yo Nduminki! Yo nongwa, uswe tufumile ukuya ni kisu ikyangisi ikya bufundakyala, loli nkabalilo ka namayolo bukwisaga u

Bwelu kangi. Kwisakuyako u busyūke nkabalilo ka namayolo. Ukwène kwisakuyaga Bwèlu ku kabalilo ka namayolo.

⁶⁵ Lilino, ifyakulōndígwa filafila ifya Ndumi iyi yaatumigwe, ukuti, “Umwène asyuukile ukufuma ku bafwe,” uswe twe bakukaba Bāke, uswe twe tukuyabana u busyūke nu Mwène, tukukwāba ifyakukaba ukufuma ku iki, ukwisila mu kosisimikisya ku kīsu ukuti Umwène yo gwābūmi. Uswe tukabagile ukubomba ikyene ukwisila mu lisyu lyène mma. Uswe tukabagīla ukubomba ikyene ukwisila mu lwiho lumo lwa mundu. Uswe itolo tubonesya katikati iki uswe tukusosolako.

⁶⁶ Une ngutila umwisyugu ukuti bingi ba uswe tutikubafikisya abandu kwa Kristi. Uswe tukubatwāla abène ku kipanga, ku kyākwāta kimo. Lōli uswe tukufīmbilísígwa ukubatwāla abène kwa Kristi. Umwene yo Mwene ntiga, kangi yu Mwene ntiga uyu ali nu Bumi. “Umwene uyu ali nu Mwanundumiana ali nu Bumi.”

⁶⁷ Kangi linga u būmi bwa u mūndu uyu afwīle buyege bundalikigwe mwa ugwe, ugwe kwīsakwītūgala u būmi bulabula umwène alitūgele.

⁶⁸ Linga ililopa lya mūndu lyāli lya luko lumo, kangi ugwe gwālyegile ililopa ukufuma ku mūndu yumoywene nu kwāndūla i lilopa ilya yula umūndu yumo ukuya lya yūngi, umwène āngāli naloliloli ikuyaga luko lula lwa lilopa.

⁶⁹ Kangi linga u mbepo gwāko uyu ali mwa ugwe itikisigwe mfwāno, kangi ugwe upakigwe nu Būmi ubu bwāli mwa Kristi, buli pa ugwe! Baroma 8:1 āyobile, “Linga u Mbepo uyu āfyusisye Kristi ukufuma ku bafwe, ikwitugasya mwa ugwe, Umwene ikunyenemusyaga u mbili gwāko ugwakufwa,” bula u Būmi bulabula, gala amaka galagala, fila ifyakukaba filafila, ifi Umwène ālinafyo apa pa kīsu, ukufuma kwa Kyala. Umwène ātābwile ugwe, u Luyūngu ulu lwāmanyigwe-ngāni na Kyala, yūyo ingamu yako yābikígwe mwa Buku gwa Būmi gwa Kang’osi bo ulwalo lwa kisu lukaligwa.

⁷⁰ Kangi u Lumuli lwa Nongwainunu lula ulwa busyuuke, ukosisimikisya kwa Lisyu! Ngimba uswe twāménye bulebule Umwène āli Kristi? Panongwa yakuti Umwène āsisimikísye iki Umwène āyobaga ngapo. Ngimba une ngumanyaga bulebule i Ndumi ya sala yila? Kyala ikosisimikisya iki Umwene āfingile, kangi Umwene ikuyoba isya ikyene. Ikyo kyo kilīngānio, ukuti uswe tuli bakukaba nu Mwène mu busyūke. Umwène ikosisimikisya iki Umwène ikuyobelāpo.

⁷¹ Iki Umwene aafingile ukubomba mwa Kristi, Umwene asisimikisye pa busyuuke. Iki Umwene aafingile ukubomba mmasiku ga Mōse, Umwene āsisimikísye ikyene. Iki Umwene āfingile mmasiku ga Enoki, Umwene āsisimikísye ikyene. Mmasiku gōsa ga batūmígwa, Umwène āsisimikísye ikyène.

⁷² Lilino mu lisiku ili, Umwene ikusisimikisya iki Umwene áyobile, panongwa yakuti abène bo kiyabo kya Luyungu ulu lwālimilígwe pa Būku gwa Būmi ukuti Umwene aalisile ukutabula kwa Kyala kangi. O, yo Nduminki!

⁷³ Pa lubūnju lwa Pāsa, Umwēne akāsyūkile itolo mma, lōli abakukaba Bāke bāsyūkile nu Mwēne. Umwēne. . . Abène bāli mwa Kristi ku bukomelélígwe Bwāke. Abène bāli mwa Umwēne ku busyūke Bwāke. Uswe twe bākukāba Bābo, banyenyemusigwe ukufuma ukuya bafwāno mu ngīsi.

⁷⁴ I kīsu kya ngīsi kya busitakwītika, kūko ifipānga ni fipānga-fipāgūke, na fyōsa bo ifyo, fyātukwābile uswe pānja. Kangi kilipo ikindikimo mwa uswe kikukōléla, “O, uswe tukulonda Kyala! Uswe tuli ni njala ni kyūmīlwa kuli Kyala.” Uswe twālingīle abaMethodisti, baBaptisti, baPentekosti, baPresbeteri, kangi kiliku-ikingi, kangi pópe kyālipi ikindikimo ikisobi, uswe itolo twātólígwe ukukyāga Ikyēne tāsi. Kangi nakalinga itolo, akabalilo kako uswe twipūsāniāga mu ngisi, u busyūke ubukulumba bwālisile kwa uswe mu bubonesyēlo bwa Lisyu ilifīngīgwe lya Kyala.

⁷⁵ Bo, Umwene ali yo kubonekelapabwelu kwa Lisyu ilifingigwe lya Kyala. “Une ndisakuleka u moyo Gwake mu gehena, somma Une ukwitikisya u mwikemo Gwangu Yumo ukuketa ububole.” Umwene abonīsyē-pabwelu Ilyene, i Lisyu lya Kyala lililyosa ili lyafingiligwe ku Mwene. Umwene asisimikisye ikyene akabalilo kako Umwene āsyūkile pisiku lya Pasa kulubunju.

⁷⁶ Lilino, bala bābo bāli akabalilo kamo bīpūsāniāga mu ngīsi nukuswiga ukusyūngutīla, linga abène babagīle ukusuka amalūndi pa lisiku *ili*, pamo linga abène bikufīmbilisigwa ukukyūnga i lisiku limo, pamo ukubōmba ulubātiko lumo ulwa ndagilo, fyōsa ifndu fila fyākīlēnie. Kabuno, bwālipi u busyūke ubwalwīmiko ubu bwālwēne na kilikyōsa i kīndu ikitēndekīgwa-nu-mūndu iki u mūndu ābōmbilēmo siku, yilyōsa i nōngwa indendekīgwa-nu-mūndu.

⁷⁷ Akalipo siku, ku kabalilo kala, u nnyambala uyu ābagīle ukubika u bumi bwake pási nukusala mmwanya ubwēne kangi. Umwēne ātātikēne ubusisimikisye bula ubwasayansi abène bālinabo, ukwīsila mu kupānda kāngi.

⁷⁸ Akabalilo kako abene bikuyoba, ukuti, “Yeso Kristi akaya yo yuyo mmayolo, umwisyugu, na bwilanabwila,” ukuti, “A Maka Gake gakaya galagala,” ukuti, “Inongwainunu Yake yikaya yilayila,” akabalilo kako i Libangeli likuti Ilyene lyo lilalila! Kyala āpīkile ikipanga-kipāgūke kilikyosa, ikimanyisyo kilikyosa, kangi Umwene aasokile panja nu Mbepo Mwikemo Gwake, muno Umwene āfingīle, kangi āsisimikisye ikyēne kwa uswe, ukuti Umwēne yo mūmi.

⁷⁹ Uswe twe bakukaba ba busyūke Bwāke, banyenyemusigwe ukufuma pakuya bafwāna nkisu, mu butulwanōngwa ni ngilanio. “Umwēne atusūmwísye uswe palikimo nu Mwēne, tufyusigwe nu Mwēne, lilino itūgésye mbuyo Bwakumwanya mwa Kristi Yeso.” Gwāke twāla . . .

⁸⁰ Mbepo Gwake ikutwala u Bumi Bwake bulabula kangu pa kisu. “Linga u Mbepo gwa Kyala, uyu āfyusísye Kristi,” u mbili, u mbili umpakígwe; linga u Mbepo gwa Kyala āpakíle umbili gula mu njila yila, akabalilo kākō u Luyūngu lula lwāgwíle nkisu, Umwēne itolo akābagile ukundeka Umwēne ukutūsa pala. Umma. Umwēne ānyenyemwísye Umwēne nu kunsyūsa Umwēne. “U Mbepo yulayula,” ukwisila mu mbombo silasila, ukwisila mu Maka galagala, ukwisila mu fimanyilo filafila, “kiyege mwa ugwe, Ikyene kangu kisakukusyusya ugwe mmwanya.”

⁸¹ Une ngulonda ukubala i Lisimbo ilinini apa kwa umwe. Une ngulonda ukuti umwe musanuke ku Lisimbo ilingi une nsimbile pási apa. Ilyene libagile ukubatula umwe. Ilyēne lyo lyāgígwe mwa Būku gwa banyaLevi, untu gwa 23, amanandi ga 9 ku linandi 11. Pilikisya kifuki. Mu lulagilo, ululagilo lwa banyaLevi, Kyala ikuyoba kwa Mose. Pilikisya. Ifindu fyosa ifi fyakwegelela lilino, kangu uswe tukwimililaga apa pa kabalilo kanini ukwisa mu luko ulu.

Kangu u Ntwa alinkuyoba kwa Mōse, ikuyoba,

Yoba ku bana ba Israeli, kangu yoba ku bene, Akabalilo kako umwe. . . mukwisa nkisu iki une ngupaga kwa umwe, . . .

⁸² “Ku buyo, ubuyo, ubu une mbapēle umwe. Lilino ugwe yoba ku bāna ba Israeli, ukuti akabalilo kako ugwe kufika ku buyo bumo ubu une mfingile ugwe une mbagile ukukwega ugwe, akabalilo kākō ugwe kufika kula nkisu iki.” Lilino ukuyoba nkipeligwa apa, ukwēgelēla i kyamwambepo.

. . . kangu mwisakufūnja u mfūnjo ugwa-mula (umwe mwāmbilile iki une mbabūlile umwe ikya-mula), polelo umwe mwisa kutwāla ikikose kya filubukilo ifya mfūnjo gwīnu ku mpūti:

Kangu umwēne isakuyugānia ikikose pankyeni pa Ntwa, ukuti fitikisigwe kuli umwe: kilabo kyāke ukufuma pa sabata u mputi isa kuyūgānia ikyēne.

⁸³ Linga kubagile ukuyako ulwīho ulwīkēmo, ulwēne lukufimbilisigwa ukwisa pala pa lisiku lya sabata, ili lyāli lyo lisiku lya buhano-na-mabili ilya ndungu, ili lyo Mpyagilo. Lōli ngimba umwe mwākētesisye, mu kikūmbusyo iki, ukuyugāsya ilyēne pa lisiku lyākwarda ilya ndungu?

⁸⁴ “I kikōse, iki kyāli kyākwarda kya mbeyu yāko iyi ugwe gwābyēle, akabalilo kākō iyēne yikutupuka kangu yikutona,

ugwe kutumulako i kikose iki nu kukyēga ikyēne ku mpūti. Kangi ukumwītikisya umwēne ēge ikyēne nu kuyūgània ikyēne pankyēni pa Ntwa, kuli ubwītisigwe bwāko, ukuti ugwe gwītikisigwe. Ugwe kufĩmbilisigwa ukwīsa ni kikose kyāko, kangi umwēne yo gwakukiyugānia ikyēne pankyeni pa Ntwa, pa . . .”

⁸⁵ Komma pa sabata, ilisiku lya buhano-na-bubili; lōli pisiku lyākwānda, ili uswe tukukōléla Pandungu, P-a-n-d-u-n-g-u.

⁸⁶ Ena, ilyo lyo i—i lisyu lya kiRoma, ili abene balikōliile ilyene lisiku lya lisuba lya kyala gwa lisuba. Loli mumo ilyene lisanusigwe!

⁸⁷ Ikyēne kikaya l-i-s-u-b-a kangi mma. Ikyēne yo l-i-s-i-k-u lya M-w-a-n-u-n-d-u-m-i-a-n-a, i lisiku lya Mwanundumiana, ukuti ikilombe kila ikya Ngano (ugwākwānda Yumo ugwa Kyala ukufuma ku bafwe) yo gwākuyuganigwa pamwanya pa kilundilo, ukuti uswe yūswe Luyungu Lwāke; kangi ikyo kyo kyākwānda kya Luyūngu lwa bala bābo bāgonil’utulo, bāyuganigwe ilisiku lyākwānda ilya ndūngu. Pa Ndungu, Umwene āsumukīle mmwanya. Ukulaga syāla-kanunu, kangi āfyūkīle mmwanya pa Mwānya, mu kuyapo kwa bāndu.

⁸⁸ Kētésya, Ikyēne kyāli kilombe kyākwānda kya Ngano ya Kyala iyi yāsyūsīgwe ukufuma ku bafwe, ikilombe kya Kyala kyakwānda kya Ngano. Ukwīsila m’Maka gwākunyenyemusya ga Kyala, Kyala ānyenyemwīsye u būmi Bwāke, akusyūsya Umwēne ukufuma ku bafwe, kangi Umwēne āli yo Filubukilo fya bala bābo bāgonil’utolo, i Kilubukilo. Umwēne āli Kikose kila.

⁸⁹ Fyōbēne abēne bafĩmbilisigwāga ukuyūgània i kikose kila, kabuno ikyēne kyāli kyākwānda kila iki kyālīsile ku bukyāno. Kāngi ikyēne kyāyuganisigwe ukuya kikūmbūsyo kya kup’ulupālīsyo kwa Kyala, ukwītika ukuti ifisyāle fya ifyēne fikwīsāga. Ikyēne kyāli kimanyilo.

⁹⁰ Kangi, umwīsīyūgu, panongwa yakuti Umwēne āli Mwanundumiana gwa Kyala ugwakwānda ukwīsa ku bukyāno lōsa, ukuya mwa Kyala, Umwēne ālyāpigwe ukufuma ku kīsu kangi ayūganīgwe pamwanya pa bāndu. O, kyo kimanyisyo kyalwīmiko nki! Ukwīsila m’Maka gākunyenyemusya, u gwākwānda Yula! Palema nalinga, Umwēne ābōmbile—Umwēne ālyegeleligwe; kangi utubalilo twīngi, bo uswe twisakukēta pītāsipo, ukuti Umwēne ālyēgeleligwe. LōLi iki kyāli naloliloli Kilubukilo kya bala bābo bagonil’utolo. Umwēne āyugānīgwe pamwanya pa Luyūngu ulufīngigwe ulu lwāli nu lufingo lwa Būmi.

⁹¹ Umwene āyugānīgwe i Lisiku lya Pentekosti, “akabalilo kāko pala palinkwisa a kōgo ukufuma ku Mwanya ukuya bo u mbelo, ugwamaka umbopabopa,” kangi āyugānīgwe pa bāndu,

abāndu ba kipentekosti aba bāli pamwanya pa Pentekosti, ukugūlila panongwa ya Lusayo ukwisa.

⁹² Kangi ukuyugānigwa kangi, uswe tukusyagania, mu lisiku lyabumalikisyo, ukufwana na Luka 17:30, mu lisiku lya Mwanundumiana kāngi, “mu lisiku lilyo u M-w-a-n-u-n-d-u-m-i-a-n-a gwa mūndu isakusetuligwa,” pamo ikuyūganigwa kangi pamwanya pa bāndu.

⁹³ Lilino, Ywāni yo Mwanundumiana gwa mundu? “Ku bwandilo āli Lisyu, kangi i Lisyu lyāli na Kyala, kangi i Lisyu lyāli Kyala. Kangi i Lisyu lyapeliigwe ukuya mbili, kangi nukwitugasya pakati pitu.” Kangi linga ukumanyisya kōsa ukuti uswe tuli nabo, nukusisimikisya kwa Lisyu lya Kyala; ukwisila mu Lisyu lya Kyala, ukwisila mu fimanyilo, ni fiswigo, uswe tukukéta umwisyugu, ukuti mwa Buku gwa—gwa Luka apa, ukuti mumo uswe itolo twāndisyaga ngapo ukufuma, pamo u—u Luka untu gwa 17 kangi ilinandi lya 30; kangi Malaki 4, kangi a Masimbo amakindanekindane aga uswe twisibile, ukuti i Lisyu lila kangi liyūgānigwe pamwanya pa bāndu, ukuti inyiho imfwāno isya mūndu sifwile, kangi u Mwanundumiana gwa Kyala ali nu bumi kangi nu losyo lwa Mbepo Mwikemo pakati pitu, kangi ikutupa uswe u Bumi.

⁹⁴ Mumo Kristi āli Yumo gwakwanda ukusyuka, ukufuma ku basololi bosa, na fyosa; palema nalinga ēgeleligwa mmabuyo mingi, Umwēne āli Filubukilo fya bala bābo bāgonil’utulo. Mwa Nsīngiligwa, ukwisa kwa Kristi, ukusōka ukufuma ku kipanga, pisa kufimbilisigwa ukuyapo i Kikose kiyūganigwe mmasiku agabumalikisyo. O, mwe!

⁹⁵ Ukuyugānia kwa kikose! Ngimba i kikose kyāli fiki? Ikyākwānda kila iki kyālīsile ku bukye, ikyākwānda kila iki kyāsisimikisye ikyēne āli ngano, iki kyāsisimikisye ikyēne kya kikose.

⁹⁶ Aleluya! Une nsisimikisye umwe mukukibona iki une nguyoba. Ikyene kyāyugānigwe pamwanya pa bandu. Kangi akabalilo kākwānda bīsa kwīsa pānja, kuli i ngulilo ya Nsīngiligwa, panongwa ya busyūke pānja pa bupāgūke ubwāngisi, pisa kuyapo i Ndumi, ukuti ubukyāno ubufwāne bwa Lisyu busanwike ukugomokela kāngi mu Maka Gāke gōsa, kangi ukuya buyugānigwe pamwanya pa bāndu, ukwīsila mu filafila ifimanyilo ni fiswigo ifi Umwēne ābōmbile kunyuma kula.

⁹⁷ “Panongwa yakuti une ndimumi, umwe muli bumi numwe,” ukuyoba ku Nkasi Gwake. “Panongwa yakuti une ndimumi, umwe muli bumi numwe.” Bo busyuke buki ubu bwāli! Kangi bo busyūke nki ubu buli, ukuya nyenyemusigwe ukufuma ku bafwe, “ukutēdekigwa mūmi mwa Kristi Yeso,” ukwisila mu Maka ga Kyala agākunyenyemusa!

⁹⁸ Umwēne āyūganīgwe ku bēne. I Lisyu, ili Umwene āli, lyayuganiīgwe kangī ku bēne pi Siku lya Pentekosti, i Lisyu lipēlīgwe ukubonekela pabwelu. Lilino, kangī bo une nguyoba, Ilyene likuyuganigwaga kangī mu lisiku ilyabumalikisyo. Lilino, ukwegelela . . .

⁹⁹ Ugwe kuyoba, “Ena, lilino, gūlila panandi, Nkundwe Branham. Une mmenye i kipanga iki . . .” Ēna, une ngubomba, nīne. Muketile?

¹⁰⁰ Lōli lilino, ukwegelēla itolo, bule linga—linga uswe twābūkāga ukugomokela ku Tucson amayolo aga, lilino, kangī aligwesa gwa uswe āli ni . . . ābūkāga mu i—i Cadillac innunu, imbya naloli? Kangī fyōsa fya fikota fyātēndekīgwe ukufuma ku—ku kipapa kya mbabala, ikitōfu-ukukīnda fya kipāpa, kitōfu kangī kipepe ukwītūsyamo; kangī imitapwa gya kipālo gyāli mupuputīgwe; ikigudumu kya kipopotolelo kyāpakīgwe na nikelo kangī kyāli ni ndobya sya diamondi muli mōsa mwa ikyēne; kangī i ngino yāgelīgwe mbumang’nyi ukuya katikati i ngino indalusye; kangī i magudumu gāli . . . gōsa gāli na mabeyaring’i kangī gāmyātīgwe na girisi mōsa; kangī amatāyāla gāli gōsa kumasya-ifyākōkakōka kangī kumasya-ifyakupufuka; kangī gōsa gāgelīgwe mwasayansi.

¹⁰¹ Isyēne syāgutīgwe ukufuma pa lukīndi lwa bubūmbilo, syōsa-sibili sya isyēne, kangī syōsyā-sibili sya isyēne sīsūsīgwe lōsa na petulolo. Ago go mako gākubopēla, u petulolo, panongwa yakuti mkati mwa ikyēne yo okutene. Loli lilino akabalilo kako ugwe kwisakwandaga agene, palema nalinga syosa isya isyene sikufwana sifwene itolo, lōli yilipo yimo mwa syēne yikaya nayo ikyākwāsīyla, galigōsa a maka gākwāsīyla.

¹⁰² “Ena,” ugwe kuyoba, “a maka gali mu mafuta, Nkundwe Branham.” Lōli une ndikupāsya go maka malinga gali mu mafuta; pēne pāpo kilipo ikyākwāsīyla pala ukunāngīsyā a maka gala, pēne pāpo galipo a maka pala ukusisimikisya ukuti ago go mafuta, agēne itolo kyābagile ukufwāna na mīsi. Mpaka . . .

¹⁰³ Kisita kupāsya bo bwīngi buki abafūnda-kyala bikwiyobēla, bo bununu buki ugwe ulinakyo ikipānga kyāke kibātikīgwe, bo bumanyili bulīnga ugwe ulinabo, bo bwingi buki bo i Bangeli; mpaka iliyiga Umwene-na-bwila, mpaka u Mbepo Mwikemo ikwisa pa mundu yula ukusumusya i Lisyu lila! Amafuta gikwīmīlīla i Lisyu. Ikyēne kyo Bwānalōli; lōli, kisita Mbepo, Ikyēne kitisa kusema.

¹⁰⁴ Uswe tubīka ukusisimikisya fīyo pa Bumang’anyi kangī nakimo pa Lukino. Ikyene kikulondigwa a Maka gākukina ga Kyala, a Maka ga busyūke ga Yeso Kristi pa Kipanga, ukunāngīsyā kangī ukutwāla ukwīsapo kila *Uyu* yo petulolo. Ikyēne kibagile ukuya mu ndobo ya petulolo; ikyēne kyābagile pōpe ukuya mīsi, muketile. Loli ubusisimikisye bwene ubwa

ubwene, bo, bukubika u Bumi ubu pa ubwene, kangu Ubwene bwisakusisimikisya ukuti kali icyène go mafuta pamo mma.

¹⁰⁵ Kangu akabalilo kâko ugwe kugela ukubika u Mbepo Mwikemo mu kipanga-kipâgûke, ugwe uli fiyo bo kukugela... Ugwe ubagile ukuya na kupalapatika; ugwe kwîsa kônânga i ngino yâko, ukwîla mu kuya ni yène yîswile ni lyôsi.

¹⁰⁶ Loli, o, une nhobwike fiyo ukuti galipo a Maka ga okutene maelifu kalongo, i Lisyu lya Kyala nu Mbepo Mwikemo ukukikosya Ikyene, nukusyusya a Maka ga Kyalâ mbumi bwa nnyâmbâla, pamo ubûmi bwa nkîkûlu, pamo nkipanga. Kila kilinkuguta i Cadillac yila ukusuluka pa nsebwe kula, pâsi pa Maka gâkukina ga Mbepo Mwikemo aga gâgomokile kangu gayugânigwe pa bându pi Siku lya Pentekosti, ukumpela Umwene yulayula mmayolo, umwisyugu, na bwilanabwila.

¹⁰⁷ Pala kyalipo i Kikose icyâkwanda ukufuma ku basololi bosa, uyu âli Mwanundumiana gwa Kyala, u Mwalafyale gwa basololi bosa.

¹⁰⁸ Pafumile ukuyapo i fipânga, fipânga, basîngiligwa, basîngiligwa, fipânga, basîngiligwa, basîngiligwa.

¹⁰⁹ Lôli pabagile ukwîsa Yumo! Haleluya! Pikufimbilisigwa ukwisa u Nsingiligwa ugwanaloliloli! Pala pabagile ukwîsa Yumo uyu akaya itolo mma no u Bumang'nyi, lôli u Lukino lya Ikyène, kukupela i Kipanga kila ukuya nu bumi, ukwenda mu Maka ga busyuke Bwake. Mpaka uswe tukwisa ku buyo bula, mpaka uswe tukwaga u buyo bula, ngimba bununu buki icyène kikubomba ukupupûta amahâbu? Kyo kinunu nki icyène kikubomba ukupa ukuboneka ukufyûsigwe pamo i mbômbo yâkupuputa, napâpo lukayamo nabumo u Lukino mu kyène? Kisita kupâsya bo bunywâmu buki u Bumang'anyi bukusisimikisya ukuya butalusye, pabagile ukuyapo u Lukino ukupela Ikyène ukubomba.

¹¹⁰ Ikyo kyo iki Umwene âsisimikisye! Aleluya! Ikyo kyo iki Pâsa âsisimikisye. Umwène akâli itolo Lisyu, lôli Umwène âli Kyala Mwène, u Lukono, mu Lisyu. Kila kyâpelile u mbili gwa Yeso Kristi (ukutalale, nkafu, kangu mfwano, mu lipumba) ukuyûganika mu Bûmi nu kusumuka kângi, nu kubûngulusya ukusôsyâpo îbwe. "Une yône Umwène yûli âli mfwâno," mfwâno fîyo mpaka i lisûba lyâyobile Umwène âli mfwâno, u mwêsi gwâyobile Umwène âli mfwâno, i ndôndwa syâyobile Umwène âli mfwâno. Ikipeligwa kyosa kilinkuti Umwene aafwile. Kangu lilino ikisu kyosa kikufimbilisigwa ukusyagania ukuti Umwene yo mûmi kangu. Umwène akâli itolo Bumang'anyi, i Lisyu lya Kyala, Umwène âli Lukino ukusisimikisya Ilyène.

¹¹¹ Kangu bo Umwene, ukuya Ndume, u Nsingiligwa ikufimbilisigwa ukwisa panja, panongwa yakuti Ikyene kyo kiyabo kya Umwene. Kangu Ikyène kibagile itolo ukuya kibonelesyo kya kufwanikisigwa kwa syôsa isetuli bôsa balibôsa

bayobile isya Nsīngiligwa; Ikyēne kibagile itolo ukubonesya. Linga ikyēne kikubōmba ikindukimo ikikīndāne ukufuma ku Ndume, ikyēne kikaya Nsīngiligwa mma. Panongwa yakuti, Umwene yo mbili gwa mbili Gwāke, ififupa fya fifupa Fyake; Bumi bwa Bumi Bwake, Maka ga Maka Gake! Umwene yo Mwene! Mumu u nnyambala nu nkikulu bali yumo, kangi nkikulu ālyegīgwe ukufuma ku lubafu lwake, Umwene ālyegile u Mbepo, u Mbepo gwakikikulu, ukufuma kwa Umwene. U nyōfu ukufuma ku lubafu Lwāke, gwāpelile fyōsa-fibili u Bumang’anyi nu Lukino, u Nkasi. U Mbepo gwa Umwene nu mbili gwa Umwene, nu kububika ikyene palikimo, kangi āpelile Bumang’anyi nu Lukino. Mpaka i kipānga pamo a bāndu . . .

¹¹² Fyosa ifi aba kalulu ba Pāsa, ni sekelo, ni fipānga ifinywāmu, ni finyāfu, fisakutologwa nu kukīsanja ukusōkàpo.

¹¹³ Mpaka i Kipānga kila kikwīsa ukuya fyōsa-fibili Bumang’anyi nu Lukino; kangi u Mbepo gwa Kyala, uyu ammwendesyaga Umwene, ukubomba ifindu ifi Umwene aabombile! Linga Umwēne ātikile pa masilinda kalongo-nantādatu, momūmo isa u Nsīngiligwa. Amen! Kabuno Umwene aayobile, mwa Yohani 14:12, “Umwene uyu ikwitika mwa Une, imbombo isi Une ngubomba isakubombaga yope. Une nisa kūmpa umwēne ululagilo lwa Bumang’anyi Bwāngu, mu Lukino lwāke, ukuti i kisu kitisa kubagila ukwimikana ni kyēne; kangi une nisakusyūsyāga umwēne mmwanya kāngi ku lisiku lyabumalikisyo.” Iyo yo Ndumi ya Pāsa, u Bumang’anyi nu Lukino, palikimo! U Bumang’anyi kisita Lukino, nakimo ikinunu; nalōpe u Lukino, kisita u Bumang’anyi.

¹¹⁴ Ugwe ubagile ukuywēga nu kulāta, nu kunyēla mwanya-na-pāsi, fyōsa ugwe kulōnda, nu kupīka i Lisyu ili, ikyēne kitisa kubōmba na kanunu kalikōsa. Ugwe gwe itolo kutufuka ukusyūngutila a—a mapistoni ga...Ulinako ukwāsya pala ukup’umoto, lōli nagamo a mafuta ukwāsya ila ikyēne.

¹¹⁵ Ikyene kisakubombaga pene papo ifyēne fikwisa palikimo. Amen! Polelo, yumo isakwītūgāsya kimyemye, kangi uyūngi Yula isakubūkāga mmwanya. Ikyo kyo kindu kyēne iki kiliko ku kyēne. Loli, abene bosa-babili babagile ukuboneka kifwāne, bosa-babili bikwiyobela ukuya fipanga, bosa-babili bikwiyobela ukuya Nsingiligwa. Lōli Yumo ali nu Bumang’anyi *kangi* u Lukino, Ikyēne kikutwāla ikyēne kukwīsapo, isya iki Umwēne āyobile kyo Bwānalōli.

¹¹⁶ Ikyēne itolo kitisa kusema, kali bo bununu buki u Bumang’anyi buli, mpaka u Lukino lukwīsa. Akabalilo kākō u Lukino lukwīsa, u Moto gula gukupeligwa ukulūngusania na okutene yula mu mafuta. Kangi akabalilo kākō Kila kikipufuka, ikyēne kikipela u lupya, kangi u lupya lula lukuguta ubwēndo bulinōsa, ukwēnda kulikōsa, kabuno Umwene yo yuyo mmayolo, umusyugu, na bwilanabwila. Ubo bo busyuke. Ago go Maka

ganaloliloli ga Kyala, Bumang’anyi nu Lukino. Kētésya, “Umwène yo Mbepo uyu ikunyenyemusya.” Ikyène yo i—ikyène yo Kyakwāsya kila iki kikwāsya. Ikyène kikaya yo petulolo uyu ikwāsya; ikyène kyo Kyākwasya iki kikwāsya u petulolo. Muketile?

117 “Ugwe ubagile ukubomba nakimo kisita Une; loli na Une ugwe ubagile ukubomba ifindu fyosa.” Mũmo Umwène yo Lisyu, Umwène yo Tāta ugwābūmi. “Tāta ālindumile Une, popāpo ngukutuma Une ugwe. Bo mũmo u Tāta anyāsisyé Une nukungūta Une mu kilikyosa, une ngubōmba kyène iki kyo kyakuhobosya kwa Kyala. Lilino. Lilino, bomũmo Umwène ālindumile Une, momũmo ngubatuma Une umwe nu Bumang’anyi bulabula, kangi ikyène kikwēga u Lukino lulalula ukukibōmbēla Ikyène. Kangi ifimanyilo ifi fisakukōnda abēne bābo bikwiyobēla ukuya nu Bumang’anyi. U Lukino lwīsa kwēga u buyo Bwāke.”

118 Pauli āyobīle, “I Nongwainunu yikālīsile kwa uswe mma mu Lisyu lyène,” ukwīsila mu petulolo mwène, “lōli ukwīsila mu Kyākwasya kyōpe,” ukupela Ikyène ukwēnda. Mwākēta umwe lelo. Iyène yālīsile kwa uswe mu njila yila.

119 Ikyène yo Mbepo yulayula, uyu ālisumwīsye Umwène, uyu ānyenyemwīsye u mwītiki ugwābwanalōli ku Būmi Bwasyēpwa. Lilino kumbukilaga, nukwitendekesya. . . Lilino kētésya, bo uswe tukukīndilila pa kabalilo kitu. Kētésya, “u Mbepo yulayula,” lilino, Baroma 8:1. Lilino unko uswe itolo tubale ikyo kangi, mwa Baroma 8:1, kangi uswe twisakukētāga iki kikuyoba. Umma ndaga. Kangi komma Baroma. . . Une ngusanusya, 8:11, une nsobile.

120 Mwa Baroma 8:11, “Lōli *linga*. . .” Apo po lulipo u lutamio. Apo po bulipo u bukole Bwāke.

Loli linga u Mbepo gwa umwene (Kyala, u Mbepo Mwikemo) uyu ansusisye Yeso ukufuma ku bafwe ikwitugasya mwa ugwe, . . .

121 Lilino, mwaketa lelo umwe, “Linga u Mbepo Mwikemo ikwitugasya mu Nsingiligwa!”

122 Akabalilo kako Kyala āpelile u nnyambala Gwake ugwākwānda, Umwene ālimpelile u nnyambala gwakwanda, kangi umwene āli fyosa-fibili nnyambala nu nkikulu, mwa mbepo; ālimbūmbīle umwène mu lufūmbi lwa kīsu, ukumpela umwène kīndu. Kangi kētésya akabalilo kāko Umwène ālintēndīke Eva, ukufuma kwa Adam, Umwène akālyēgīle akayabo akangi ka mfu, Umwène ālyegīle ukufuma ku kayabo kalakala ka mfu; i Lisyu lilalila, kabuno Adamu āli Lisyu iliyōbīgwe. Muketile? Umwene ālyegīle ukufuma ku mwene, kangi polelo ukwega i. . . Umwene āli nu mbepo gwakinyambala kangi gwakikikulu. Kangi Umwène ālyēgīle u mbepo gwakikikulu ukusōkāko kwa Adam, kangi alinkubīka ikyène mwa Eva; popāpo ikyène kyo kikāli kiyabo kya mbepo

gwa Adamu, ikyēne yo mbili gwa Adamu. Polelo, ikyēne āli mbepo gwa Adam, u lukino, ulu lwānyenyemwisye u bumang'anyi bwa mbili gwāke.

¹²³ Popāpo u Nsīngiligwa ikufimbilisigwa yōpe ukuya mbili gwa mbili Gwāke, kangi kifupa kya kifupa Kyāke. Polelo ngimba umbili ugu gwakufwa gukuyaga bulebule mbili Gwake? Uswe tukufikaga ku kyene mu miniti, muketile. Ngimba ikyēne kikubōmbigwa bulebule? Bulebule? Ngimba bu bwāndūke buki ubu ubukulumba? Kētēsya.

Lilino linga Mbepo gwa umwene (Kyala) uyu afyusisye mmwanya Yeso ukufuma ku bafwe ikwitugasya mwa ugwe, umwēne yūyo āsyūsisyē Kristi ukufuma ku bafwe yōpe isa kunyenyemusya imibili gyīnu igyākufwa ukwīsila mwa Mbepo gwāke uyu ikwītūgāla mwa umwe.

¹²⁴ O, mwe! Unsonguligwa-ngāni Yula, ena, bo yu Luyūngu lwābīkīgwe pa kīsu, Yula uyu āli nu Būmi mu bēne. Bīngi ba bēne bāli bafwāno; isyēne syāli itolo mbeyu imbolano; a mīsi ni fīndu fyālyōkikye isyēne mōsa. Loli, umwe mumenye, yalipo u Mbeyu yilāmbalēle pala yitendekisyē kuli Būmi. Kyala āmenye Iyēne yālambalēle pala.

¹²⁵ Lilino, abasunguligwa-ngāni Bala bo bākwānda ukuya banyenyemusigwe na Mbepo Mwikemo, kabuno u Mbepo Mwikemo ikwisa ukwiyēgele Abake Mwene. Lilino, iki kyo kisolofu lilino, kangi yaga nsisimikisyi ukukola kanunu iki.

¹²⁶ Lilino, bo i lisuba lyātumīgwe ukukilania i kīsu, komma ukutwāli amalyālābwe, aga gāli mfu gōpe, ku Būmi, ikyēne kikāli mma ukutwāla umfu gōsa ku būmi, lōli kwāli ukutwāla i kiyabo kya mfu iki kyāsyūngutiligwe nu būmi.

¹²⁷ Komma abanyāmbāla bōsa bisakwāmbililāga Kristi. O, umma. Lōli bala bābo Kyala asayile-ngāni u Būmi, bo bayēngeligwe ukusyūngutila guma mwa mfu gwa kīsu, uyo yo Yuyo Umwene ikwisa ukunyenyemusya. Abene bo Bala.

¹²⁸ Kila, lilino, umfu gula gwābagile ukulāmbalala pala mu lisuba, nu kuyoba, “O, i lisuba lyaiyolo ili lipīle fīyo!” Ilyālābwe lila, likuyoba, “Ilisuba ili ilyaiyolo likōkya fīyo!” Lōli imbeyu innini yila, yilinkuyoba, “Ikya kyo iki une ngulōndēsya,” kangī iyēne yikwānda ukusumukila mmwanya ku būmi. Ilyēne lilinkunyenyemusya ikiyabo kila ikya mfu. Panongwa yakuti, i lisuba lyātumīgwe komma ukunyenyemusya i lyālābwe, komma ukunyenyemusya u mfu, lōli ukunyenyemusya u būmi bwa mbeyu.

¹²⁹ Lilino, u Mbepo Mwikemo ikwisa lilino. Ena, Ikyene kikātumīgwe mma...Nongwa ya fiki abandu bosa batisakwāmbililā Ikyene? Ikyene kikātumīgwe ku bene.

130 U miana ālimbulife une, “Une ndikwitika. Une ndikupasya iki ugwe ubagile ukuyoba. Linga ugwe ubagile ukusyusya abafwe, pamo kalikosa, nukubumbulusya ababine, nukusisimikisya Ikyene mu njila yiliyosa, une ngali ndikwitika Ikyene mma.”

131 Une ndinkuti, “Naloliloli umma. Ugwe gwe nsitakwitika. Ikyene kitikusanusya ni kindu kwa ugwe. Ikyene kikatumigwe kwa ugwe mma. Ikyene kitumigwe ku bala aba bisakwitika.”

132 I Ndumi yili ku mwitiki. Ku bene aba bikupyūtígwa, Ikyene kyo butoyofu; loli ku bene aba bali mwa Kristi, kangi ikiyabo kya Luyungu lula, Ubwene bo Bumi.

133 Akapango kangi akasitamunyu akanini aka undimi ikubika ilifumbi pási, pamo i lifumba lya ngwási pási pa nguku. Muketile? Ilifumbi lya ngwási ilinini lila lyáli, lōsa, umwēne āli u—umwēne āli i kiboneka-mbuhēsyā, i kipeligwa ikinini. Akabalilo kāko u ndimi uyu ābōmbile ikindu kila iki umwēne ābōmbile, ukubika ilifumbi lya ngwási pási pa nguku yaiyoli iyi. Kangi umwēne alikupānja i nguku imboneke-mbusekesya, kangi iyēne yāli i—iyēne yāli ngīndāne, akīnitu akanini. Umwēne akābonekāga ngati bala. Amayoya gāke gakāli bo gosa ga abēne, kangi umwēne—umwēne itolo . . . Umwēne āli miana unswīgīsye, umyana unnini. Kangi bōsa abāngi i nguku bālimwāgēnie umwēne u mwīnitu unkīndāne. Kangi i nguku yilikubuka ukusyūngutila . . .

134 Umwēne akakiganile nu kukigana ikyākulya umwēne āndēsyağa umwēne. Umwēne akakuganile itolo kula ukung’wala nkati nkibaga. Umwēne, akāli nakyo nakimo ikyākubōmba na kila. Polelo umwene alinkuswiga nongwanki umwene abagisenie ukuya nkīndāne ukusyūngutila kula, muli mosa. Muketile? Kangi umwene akāgonjlémo kalikosa aka . . . Umwene itolo ikulya ukukyungila umwene ukuya mūmi, panongwa yakuti umwene akābuganīle bo bugōnje bwa ikyene, muketile. Panongwa yakuti, umwēne akāli nguku mma, ukwānda itolo. Muketile?

135 Kangi i—i nguku yikukōlèla, kangi, umwe mumenye, “Amasiku ga fiswigo gakīndīle. Kikayako ikindu bo ikyo. Ingila i kipanga.” Ikyene itolo kikaatikile nubutalusyi mma, nu miana unnini. Polelo umwene alinkukōngesya ukusyūngutila i nguku mpaka i lisiku limo u māma gwāke . . .

136 I ngwási yaiyolo yāmēnye umwēne ātēlile amafūmbi mīngi mwakuti, kangi lyālipo limolyēne lyāyōngile. Umwēne āmēnye ukuti i ngwási yila yāli kubuyokumo, popāpo umwēne ikwānda pānja pa bufwīme kuli umwēne. Kangi umwēne alinkusyūngutila pamwanya pa pamwanya pa kyāmba, kangi pási mu kikoga, kangi pamwanya mulimōsa kūko umwēne ukuyako. Pa kabalilo aka, umwēne, akēne ko kabalilo kuli umwēne ukuya mpāpigwe. Akēne ko kabalilo kuli

umwēne ukuya apānjigwe pānja. Alinkuti, “Lumo kihobe iki kikwisa nu kupimba ilifumbi lyangu; lumo ilinyōmbo. Une ngamanya. Ikindukimo kilinkupimba ilifumbi lyangu. Loli une mmenye. . . Ilifumbi lila lili mminogono gangu. Une ndinagwe umwanundumyana pa buyobumo. Une ngufimbilisigwa ukufwīma umwene.”

¹³⁷ Momumo Kyala. Umwene yo Ngwasi Nkulumba yula. Mminogono Gake Umwene aamenye ukuti Umwene ikuyaga ni Kipanga. Umwene aamenye ukuti Umwene ikuyaga na bandu. Kyali kyo fiki kyafugatile abēne, kali kyo fiki abēne bāpānjigwe pāsī pa fiki, Umwēne ikufwīma. Umwēne ikufwīma kuli a Bāke Mwēne.

¹³⁸ Kangi ilisiku limo, akapāngo kikubūka, i ngwāsi yaiyolo iyi yilinkupuluka pamwanya pa kibaga. Umwene alondaga kulikosa, kangi umwene alimmwagile umwene. O, kuli ubusyūke bula, ukusyāgānia ukuti umwēne naloliloli akāli nguku, ukufuma pōsa. Umwēne āli ngwāsi! Kangi umwēne akabalilo kōsa āmanyisigwe ukukēta pāsī kuli i mbani pamo ikīndukimo mu kibaga. Lōli umwēne āpilīke ingūto, iyi yāyobīle, “Keta mmwanya injila *iyi!*” Kangi umwēne alinkukēta pamwanya pa mwēne, kangi kyālipo ikipeligwa na mapiko amafiti kalongona-mana, ga makako ukukīnda inguku syōsa isi syālipo mu kibagaz, kangi ukunjobela umwēne ukuya mwanundumiana gwāke.

Umwene alinkuti, “Māma, ngimba une mbagīle bulebule ukufika kwa ugwe?”

¹³⁹ Alinkuti, “Itolo nyēla, ānda ukukupula amapiko gāko, kabuno ugwe gwe swanga.”

¹⁴⁰ Muketile, umwene aamenye umwene aali nu mwanundumiana kubuyobumo. Kali umwene ākusigwe mu fiki, umwene alinagwe u mwanundumiana kubuyobumo.

¹⁴¹ Kangi Kyala ikumanya! Haleluya! Umwēne alinagwe ikisūnguligwe-ngāni, i Kipānga ikisayiligwe-ngāni! Umwēne āménye Umwēne ali na bānabalumiāna na banabalīndwāna, kangi u Nsingilīgwa, ikugūlīla pabuyo bumu; akabalilo kako u Mbepo Mwikemo ikwanda ukupuluka pamwanya pa kyene, kila kyāli Kikose kyakuyuganigwa. O, mwe! Umwene yo yuyo mmayolo, umusyugu, na bwilanabwila. Kakaya kapango kamo kambutūtu mma, loli bwanaloli!

¹⁴² Kali balinga bagelile ukumbula umwene, “i ngwāsi,” umwēne akāménye iki ingwāsi yāli. Lōli, umwēne āli ngwasi. Umwēne ākabagīle ukupilikisya ikyēne mpaka umwēne ākibwēne ikindukimo iki kyāndalikāga umwēne, iki umwēne āndalikāga, ndigi.

¹⁴³ Kangi akabalilo kako uswe tukukēta, komma i kipanga-kipāgūke, komma u Ph.D., komma u LL.D., komma umpalamani unnunu; lōli u mwanundumiana gwa Kyala ābūmbigwe mu

kifwāni kya Kyala, na Maka amakine ga Kyala ukwāmúla ubusúme bwa lisiku ili, ukuti Umwène yo yulayula mmayolo, umwīsyùgu, kangī bwilanabwila, yikayapo ni nguku nayimo yikuyaga pakukukolelela ugwe. Umwène ikufwīma kuli Māma gwāke. Umwène yo ngwāsi, ukwānda itolo. Umwene ikusyāgānia. Ingwāsi iyanaloli yikusyagania ubukolelo bwa Lisyu lya Kyala. Fiki? Umwene yo swanga. I ngwāsi ku i ngwāsi! I Lisyu bo lukāli nukwaligwa ulwalo, i Lisyu ku Lisyu! I Lisyu, lisīnguligwe ngāni, ku Lisyu lisīmbígwe ku sala. Umwe mukusyāgānia ubuyo bwīnu. Umwène ikufwīma ku Kyène.

¹⁴⁴ Ugu polelo, ugu umbili gwa mfu, gukunyenemusigwa nukutwāligwa na Mbepo gwa Kyala ugwakunyenemusya ku lupilikilo ku Lisyu lya Kyala.

¹⁴⁵ Mbibimbibi. Akabalilo kāko umwène ālondāga ukumanya mūmo umwène ābagīle ukufika kula nu mwène, umwène āmanyisigwe umwène akābagīle ukubōmba ikyo. “Ugwe ukabagīla ukuya pamwanyapo ukukīnda mūmo ugwe ubagīle ukunyela.” Umwène yo nguku. Muketile?

Lōli ingwāsi iyi yāyobīle, “Ikyo kyo kikaya lūlo mma.”

“Ena, keta pa nguku!”

¹⁴⁶ “Kali kyo fiki inguku sili, ugwe gwe ngwāsi. Itolo and ukubālula amapiko gala, kangī ega ukufukafuka kunīni mu gēne. Anda ukwēnda mmwanya!”

¹⁴⁷ I Lisyu ku Lisyu! “Imbombo isi Une ngubomba mwisakubombaga umwe numwe. Umwene uyu ikwitika mwa Une, imbombo isi Une ngubomba isakubombaga yope.” Muketile? “Panongwa yakuti une ndi mūmi, umwēne mūmi yōpe.” “Kangi linga u Mbepo uyu ansusisye Umwene ukufuma ku bafwe ikwitugasya mwa ugwe, Ikyene kikunyenemusya umbili gwako ugwakufwa.” Muketile?

¹⁴⁸ Ngimba Ikyene kikubomba fiki? Lilino pilikisya, ukuti umwe mwisakumanya. Kangi u Paasa uyu, une ngulōnda ukwēne kukusanusya ukōngelelāpo kwa umwe ukukīndamo u Pāsa aligwesa ābōmbilemo siku. Muketile? Une ngulōnda umwe ukulibona ilyēne. Uswe tumenye iki Ikyene kibombīle ku Mwene; loli une ngulōnda umwe muketesye ilyene, komma kisakubōmba, Ikyene kibombile kilakila kwa umwe. Muketile? Ngimba Ikyene kikubomba fiki? Ikyene kikunyenemusya u mbili ugwakufwa. U mbili ugu ugwakufwa ugu uswe tukwitugasyamo, Ikyēne kikunyenemusya ugwēne, mmasyu agangi, ukukitwāla ikyēne ku Būmi.

¹⁴⁹ Lilino, umwe mwe akabalilo kamo mwēndāga mula ni kikāmbō ikinywāmu ikikulumba nkanwa myīnu, kangī kilikyōsa, pamo i kipāmbō kya ngāmbō; kangī umwe bakīkūlu aba akabalilo kamo mwāli ni nywīli imbimba, mwīpakaga-pakaga, kangī mwēndendekaga, kangī mwāfwakaga ibūndu, ni findu bo ifyo; losa pa kamokene, i Kindukimo kilinkuywega,

kangi ugwe gwākētīle pāsi apa kangi Ilyēne lyāli Lisyu. Muketile, Ilyēne lyānyenyemwisye bwīnu. . . Ugwe ulinkuti, “Nakamo ibundu kangi mma kuli une, nabumo u bwālwa kangi mma kuli une, nabumo ubusyōbi kangi mma, nabumo ubuhiyi kangi mma, nakimo kangi mma *iki, kila*.” Muketile? U Mbepo uyu ansusisye Umwene ukufuma ku bafwe, ikwitugasyāmo mwa ugwe, isakutwāla imibili gyīnu igyākufwa, ulufūmbi lwa kīsu, mu bulāmbike. Umwe mukukēta? Ngimba ikyene kyo fiki? Ubulāmbike ku fiki? Kristi. Ngimba Kristi yo ywani? I Lisyu. Komma ubufundakyala, loli i Lisyu!

¹⁵⁰ Polelo ugwe kuyoba, ukuti, “Ifindu ifi, o, une ngwinogona ifyene fili kanunu ku bakikulu ukufwala isulubali.”

¹⁵¹ Akabalilo kako, i Lisyu lyāyobile, “Umma.” Muketile, Ikyene kikunyenemusya ugwe ku Kila. Muketile? Ugwe kukwābiligwa ku Kyene. Muketile, ikyene yo ugwe, polelo. Ikyene kikwisa ukuya. . . Ugwe kuyaga kiyabo kya Lisyu. Ikyene kyātwele u mbili gwako, komma. . .

¹⁵² Ena, ugwe kuyoba, “Ena, lilino, unko une ngubule ugwe ikindukimo. Untimi gwangu. . .” Une ndikupasya iki untimi gwinu āyobile; ikyene kyo iki i Lisyu likuyoba! Linga ugwe kulonda ukuya nguku, kindililaga nu mwene. Lōli linga u ntīmi gwāko ikuyoba mbukīndāne ukufuma ku ili i Lisyu, polelo umwēne akaya ndesyī gwa ngwāsi; uu-huu, umwēne u ndyēsi gwa nguku, muketile, komma ugwe ngwāsi. Muketile? I Swanga yikulya pa Kyakulya kya Swanga. Muketile? Ikyene kikunyenemusya!

¹⁵³ Ili Bangeli liyobile ukuti ikyene kyo kisobi ukubomba ikyo, kangi unnyambala na fyosa bo ifyo kangi fyosa ifi ugwe kubomba, ikyene kyo kisobi. Yoba, “Amasiku ga fika gakindile.” Ili Bangeli ili lyāyobile Umwene yo yulayula mmayolo, umwisyugu, na bwilanabwila. Linga abene bikuyoba, “Ikyo kyo kubala kwa minogono. Kangi ikyene kyo luko lumo lwa kubala-minogono, ukukētēla-ngāni uku. Kangi imboniboni syosa isi ni findu, fyō fyabutoyofu,” muketile, abēne bo nguku. Abene batikumanya iki Kyakulya kya ngwāsi kyo fiki.

¹⁵⁴ Lōli, nkundwe, akabalilo kāko ugwe kupilika akogo kala, kilipo i Kindukimo mwa ugwe! Ugwe gwe swanga, ukwanda itolo. Fiki? Ugwe gwe Luyungu lula, ukuti u busyūke bwa M-w-a-n-u-n-d-u-m-i-a-n-a bupāndile, kangi i Kikose kyakuyugania pa kīsu, ukutēdeka ugwe ukusyāgania ukuti ugwe gwe ngwāsi kangi komma i nguku yakipānga-kipāgūke. Umwe mukuketa ikyēne? Haa!

¹⁵⁵ “Linga u Mbepo uyu ansusisye Umwene ukufuma ku bafwe,” i Lisyu, u Lukino lwa Lisyu, “lukwītūgāla mwa ugwe, Ikyēne kyōpe kikunyenemusya umbili gwāko ugwākufwa.” Lilino bulebule uswe nyofu gwa nyofu Gwāke kangi kifupa kya kifupa Kyāke? Panongwa yakuti, mbibimbibi, bi uswe tukāli

batulwanongwa bākufwa, bākufwa, twītēdekisye ukufwa, imibili igi, Ikyēne kikunyenemusya umbili gula. Kyo fiki u *kunyenemusya*? “Kikutwāla ku Būmi.” U mbepo uyu akabalilo kamo akuganile ukunwa, ukwendendeka, ukutulwa ubulogwe, na fyōsa ifi, ikyēne kinyenyemusigwe; fiki, i kīndu kyāfwile, kangī ugwe usyūsīgwe. Ikyēne kikunyenemusya umbili gwāko ugwākufwa.

¹⁵⁶ Polelo, u mbili gwāko yo tempeli ya Lukino, panongwa yakuti (fiki?) ukufuma ku bwandilo umwe muli kiyabo kya ba Bumang’anyi. O! Apo bulipo u busyūke bwāko. Apo kilipo i Kipānga nu busyūke, nu Mwēne. Imibili igi lululu lilino ginyenyemusigwe. Muketile, ugwe upilike; ugwe kwitika. Ikyene kyasanwisye ugwe ukufuma ku kipanga ukubuka ku Lisyu. Muketile?

¹⁵⁷ U Lukino, linga Ikyēne kikwīsa pa mīsi, ikyēne kisa itolo ukupalapatika, “Amasiku ga fīka gakīndile.” Papa-papa-papa, “O, une ngwītika i Bāngēli,” papa-papa-papa, “lōli kula—kula kukayako nakimo. . .” Papa-papa-papa! Muketile?

¹⁵⁸ Lōli akabalilo kāko Umwēne ikutika yula elifu yumo okutene, “Bruuuu,” ukusōkapo umwēne ikubūka, umwe muketile. Mūmo, mwe, u Lukino lukutika Kila! Lōli Ikyēne kikutika i nguku, ikyēne kitisakubōmba nakimo ikinunu. Lōli akabalilo kāko Ikyēne kikutika ingwāsi, umwēne ikusōkāpo. Ameni! U Lukino nu Bumang’anyi! Muketile iki une ngusanusya? Iyo yo, linga umwēne yo ngwāsi iyanaloli lilino, umwēne isaku “pilikisya.”

¹⁵⁹ Unko une ngolosye i Lisimbo ilinini apa kuli umwe. Une ngwinogona uswe tusōkilēpo pa foni, lolī uswe tukālī apa. Mwikemo Yohani 5:24, Yeso āyobīle, “Umwene uyu ikupilika i Lisyu Lyāngu, kangī nukummwitika Umwene uyu ālindūmīle Une, ali nu Bumi bwabwilabwila.” Lilino keta, une ngubuka ku lukindi nu kwegā naloliloli ikyo, iki Ikyene kili, kisita kupilikisya kwamwambepo. . . Komma ukulipela Ilyene liyobege nakimo ikingi, lolī kukuyoba itolo iki Ilyene likuyoba, muketile, i lisyu ilitalusye pala, mu kiGiriki, mbwandilo, ilyene likuyoba, “Umwene uyu ikupilikisya i Lisyu Lyangu.”

¹⁶⁰ Lilino, ukusisimikisya uko ko kotalusya. Une ngubūka pāsī apa, kangī apa alipo kinwēlwa ikwīsa mula mu lukīndi, na yumo unkasi gwa nnyāmbala uyūngī pa ngōngi syāke, kangī ikutuka, nu kwegā i Ngamu ya Kyala paitolo, kangī filifyosa ifingi bo ifyo. “Yoba, ngimba ugwe gwāpilike iki undumbilili yula āyobīle? Bule ugwe?” “Ena, une mbilike Ikyene!” Ikyo kitikusanusya ukuti umwene ali nu Bumi bwa Syepwa. Muketile? Muketile?

“Umwēne uyu ikupilikisya i Lisyu Lyāngu,” umwēne uyu yo ngwāsi!

¹⁶¹ “Lilino, Nkundwe Branham, une ngulonda i Lisimbo ilyakukinda pa ikyo.”

162 Umma ndaga, “Ing’osi Syangu sikupilika a Masyu Gangu. Unhesya isyène sitisa kukonga.”

163 Bo mu nongwa ya *Bwegi Nu Kusōka*, ilisiku limo. Akabalilo kako u Mbepo Mwikemo ālimbūlile une ukuti, une nisile nāyobīle itolo yo njila yiyo Umwene ālimbūlile une.

164 Unkasi gwa ndumbilili yumo ikūmba une kulakula akupyāse, ukukemela ukunini. Umwēne alinkuti, “Une ngusakikisya ugwe kwēga u buyo bwa Kyala?”

Une ndinkuti, “Umma, mama.”

165 Alinkuti, “Ena, ugwe gwābabūlīle abēne ubutulwanongwa bwābo buhobokelīgwe.” Alinkuti, “Kugu?” Alinkuti, “Kyala mwene ali na maka.” Muketile, um’Farisai uyūngi. Muketile? . . . ? . . .

166 Une ndinkuti, “Ugwe uketile, ukuti ugwe ubagile ukumanya, ukuti, Yeso ālimbūlīle Peteri na batumigwa, ukufuma pāpo umwēne āli nu busetuli bwa Yūyo Umwēne āli.”

Umwēne ālimbūlīle Umwēne, “Ugwe gwe Kristi, u Mwanundumiana gwa Kyala.”

167 Umwene alinkuti, “Uli nsayigwa ugwe,” muketile, “mwanundumiana gwa Yona; mbili ni lilopa fikasetulamo siku Iki kwa ugwe, lōli Tāta Gwāngu uyu yo ali ku Mwanya asetwīle Ikyēne. Pa lyālabwe ili Une nisakuyēnga i Kipānga Kyāngu; ifipata fya gehena fitisakutola ukulwāna ni Kyēne. Kangi une ngukupa kwa ugwe ifungulilo; kilikyosa iki ugwe kupinya pa kisu, Une ngupinyaga Kumwanya; iki ugwe kwabula pa kisu. . .”

168 Ubo bo bula ubusetuli Bwamwakaya bwa Lisyu lipeligwe mbili. Linga Ilyene lyāli mbili mu lisiku lila ukwisila mwa Mwanundumiana, u Ndume, Ilyene yo mbili umwisyugu ukwisila mu Nsingilīgwa. Muketile? “Yūyo aligwēsa imbibi umwe mukusyumula, ku bēne isyene sisyūmulīgwe; aligwēsa imbibi umwe sikyūngīgwe, ku bēne isyēne sikyūngīgwe.”

169 Lilino, i kipanga kya Katolika kyāpīmbīle kila nukukyēga ikyēne ku bapūti bābo, lōli ikyo kyo gwamumbili.

170 Kētésya, ikyēne kyāli kyamwambepo, i Lisyu lyasetuligwe ili lyābōmbīle ikyēne!

171 Iyo yo nongwa Umwene ababulile abene ukósyā mu “Ngamu” ya Tata, Mwanundumiana, Mbepo Mwikemo. Umwene aamenye abene baamenye Uyu Umwene aali.

172 Ukuoyoba ku ndumbulili unnini ilisiku limo, umwene alinkuyoba kwa une, umwene alinkuti, “Lilino, Nkundwe Branham, une nsokile panja nukwingisania, ukubuka ku kipanga *kyakuti-kyakuti*, ikipanga kya Pentekosto.”

173 Kūko, aba kiPentekosti lilino bāndile ukulya akamenya akasyūngutile, umwe mumenye. Umwe mupilike isya ikyo,

une ngusakikisya; u kosha, u kyala-mwēsi, umwe mumenye. Kangi abēne bōsa balinkwitikisya ikyēne nu bikulya ikyēne. Unnyambala uyu alinkuti... Ikilundilo kyake—kyake kilinkubuka ku mwene; umwene alinkuti, “Iki une ngusayaga kikusayigwaga.” Lilino, ngimba ikyo kikaya iki u mpūti ikuyoba, umwene “ali na maka ukukisanusya ikyene ukugomokela ku mbili gwa Kristi”? Muketile, itolo ntāndātu gwa yumo kangi sinda gwa dazeni ugwa kīngi, itolo lulalula.

¹⁷⁴ Kangi umwene alinkuti, “Une ngulonda ukukulalusya ugwe ikindukimo.” Umwene agelaga ukubeka i nōngwa yila iya losyo mu Ngamu ya Yeso, panongwa yakuti uyu yo aali nnyambala uyu aayobile ikyene kyaali—ikyene kyaali yo ndwanakristi uyu aabombile ikyo. Umwene alinkuti, “Ngimba ugwe kwinogona ikyene kyo kyākulōndigwa ukuti u nnyambala ikufimbilisigwa ukosigwa mu Ngamu ya Yeso Kristi?”

Une ndinkuti, “Ena, nkulumba.”

¹⁷⁵ Umwene alinkuti, “Bo umwene ōsigwe mu ngamu ya ‘Tāta, Mwanundumiana, kangi u Mbepo Mwikemo?’”

¹⁷⁶ Une ndinkuti, “Ena, nkulumba. Umwene akōsigwa mma, na panandi. Muketile? Umwēne akōsigwa mma, na panandi; nayimo i Ngamu. Iyo lyo lipālo.” Une ndinkuti, “Ikyene kikalītikīsigwe mma.” Une ndinkuti, “Nongwa ya fiki—nongwa ya fiki Peteri. . .”

¹⁷⁷ Umwene alinkuti, “Ena, lilino, unko une ngubule ugwe ikindukimo.” Umwene alinkuti, “Lilino, mu Imbombo 10:49, umwene alinkuti, ‘Bo Peteri akāli ikuyoba amasyu aga, u Mbepo Mwikemo āgwiḽe pa bēne.’”

¹⁷⁸ “Loli,” une ndinkuti, “umwene alinkusanuka palapala ukusyungutila kangi alinkuti, ‘Ngimba u mundu abagile ukukanisya a misi ukuti aba balingōsigwaga?’”

¹⁷⁹ Umwene alinkuti, “Ena, ugwe gwayobaga ukukilania kula, akabalilo kanandi aka kakindilepo, isya Imbombo 19, kūko Pauli ākīndīle ukwisila ifiloboko fyapamwanya ifya Efesi, ukubāga bala abafūndīgwa.” Kangi alinkuti, “Fiki,” alinkuti, “abene bakālyōsigwe mu ngamu ya Tāta, Mwanundumiana, kangi Mbepo Mwikemo.”

¹⁸⁰ Une ndinkuti, “Umma, abene balyōsigwe ‘ku lupinduko,’ komma ku busyūle bwa mbībi. ‘Ku bupinduke,’ panongwa yakuti Yeso akāmanyikīgwe tāsi mma. I Likemo likagogigwe mma.”

Umwene alinkuti, “Ena, nongwa yafiki abene bābagīle ukōsigwa ukwandisya kangi?”

¹⁸¹ Une ndinkuti, “Unnyambala uyu ali ni fungulilo, āyobile isi, ‘Namanga ukwēne kumanyīgwāga kwa umwe ukuti yikayapo i Ngamu iyingi pāsi pa Kumwanya yipēgīgwe pakati pa bāndu, kūko umwe mubagile ukupokigwa.’”

¹⁸² Ubupoki mwēne bukubūka mu Ngamu ya Yeso Kristi. “Kilikyosa iki ugwe kubomba mu lisyu pamo mbombo, bomba ikyene mu Ngamu ya Yeso Kristi.” Yikayapo i ngamu iyingi, komma i kipanga, kisita bufyukilo, komma amapalo, pamo nakimo ikingi! Lōli, Umwēne yo Liluba lya Sharon, Ligála lya Kikoga, Ndondwa Ya Ndubunju, Alfa, Omega, Bwāndilo kangi Ubumalikisyo, Yehova-yire, -rapha, -manasseh, fyosa ifi. Umwēne kyo findu fyōsa ifi, lōli pōpe Umwēne. . . Bukayako ubupoki mu mapalo galigōsa ga gala; *Yehova*, kisita bupoki; *Liluba lya Sharon*, loli Umwene ali, nabumo ubupoki; *Tata, Mwanundumiana*, pamo *Mbepo Mwikemo*, somma bupoki. Yēne i Ngamu ya “Yeso Kristi!” Kangi polelo i Bāngēli lyāyobīle, ukuti, “Ulupīnduko nu busyūle bwa butulwanongwa bukufimbilisigwa ukumanyisigwa mu Ngamu Yāke, ukwāndila ku Yerusalemu, kangi ku fiyabo fyakubutali fiyo ifya kīsu.”

Umwene alinkuti, “Ngimba ugwe kwinozona ikyene kikupela ukukindana kulikosa?”

¹⁸³ Une ndinkuti, “Nkulumba, une ngulonda ukukulalusya ugwe i kindukimo.” Umwene na une, nu nkasi gwangu, twālitugēsye ku mēsa. Umwēne itolo alinkusema ukukilania. Ālimbwēne une, alinkubūka. . . Une ndinkuti, “Uswe twesababilili twe baArizona; uswe tukwītūgāla kuno. Kangi une, kangi uswe tuyimēnye i kanselo yītu, kangi i wōdi yītu, na fyōsa, kangi undindililakaya gwītu, undagili, filifyōsa.”

Umwene alinkuti, “Ena.”

¹⁸⁴ Une ndinkuti, “Lilino, linga une nākubūlīle ugwe, nkundwe, uku, ‘Būka ukukilania kuno kangi ukusainila kuli fyakulya fyakunamayolo, mu ngamu ya Ndagili gwa Kiyabo kya Arizona,’ ngimba ugwe ubagīle ukusainila ikyēne ngati lula? Ngimba ugwe kwīnōgōna abēne babagīle ukukyāmbilila ku mēsa yila?”

¹⁸⁵ “Fiki,” umwene alinkuti, “Une ngusakikisya umma.” Umwene alinkuti, “Nongwa ya fiki Yeso āyobīle ikyo?”

¹⁸⁶ Une ndinkuti, “Iki kyo ikyene, muketile. Fiki? Linga une nākubūlīle ugwe ‘buka kasainile kuli i fyakulya ifi, mu ngamu ya Ndagili gwa Arizona,’ kangi uswe ukuya benekeya ba Arizona, kangi tumenye yo ywāni u Ndagili, fiki, ugwe kwisakumanyaga ukusaina ikyēne mu ngamu ya ‘Sam Goddard,’ muketile.” Une ndinkuti, “Panongwa yakuti, umwene yo Ndagili gwa kiyabo. Une ndikufimbilisigwa ukubalalusya umwe. Ugwe umenye uyu Ndagili ali. Kangi, akabalilo kako Umwene ayobege, ‘Tata, Mwanundumiana, kangi Mbepo Mwikemo,’ Umwene āmenye mūmo abene bikōsyaga. Abene bāmenye Uyu Umwene āli. ‘Ing’osi Syangu sikupilika a Masyu Gangu.’ Muketile? Muketile?”

Umwene alinkuti, “O, une ngetile.”

¹⁸⁷ Lōli lilino, ikindu ikikōnge, ngimba ugwe kwitikaga? Muketile? “Umwene uyu ikupilika i Lisyu Lyāngu, nu

kummwitika Umwene uyu ālindūmīle Une, ali nu Bumi ubusitakumalika.” Kangi akabalilo kāko ubu ubupya u Būmi Bwasyèpwa bukwītūgàla mwa ugwe, Ikyène kyo kyākubagila.

¹⁸⁸ Akabalilo kāko umwe mwambilile Mbepo Mwikemo uyu lilino, uyu abene babombile ku Pentekosti; abēne bāli bo lukino, lilino u Lukino lwāfīmbilisigwe ukwīsa. Abene balitike. Umwe mumenye, abinitu abanunu aba Baptisti bikutubula uswe, “Akabalilo kako uswe tukwitika, uswe tuli nakyo Ilyene.” Loli, abene bakalinakyo Ikyene, napāpo abene baliitike.

¹⁸⁹ Imbombo 19, abēne bālitike, lōli abēne bakāli nakyo Ikyène. “Ngimba umwe mwāmbilile u Mbepo Mwikemo ukufuma pāpo umwe mwālitike?” Muketile? Abēne bāli nu Bumang’anyi, kanunu lōsa, panongwa yakuti abatumigwa bāli . . . Pamo, uye ngusanusya, Apollosi āmanyisyāga ku bēne nu kusisimikisya ukwīsila mu i Bāngēli, u Bumang’anyi, ukuti Yeso āli yo Kristi, lōli abēne bakāli nalo u Lukino mpaka nalino. Muketile? Ikyo kyo ikyène. Umma ndaga.

¹⁹⁰ [Ubuyo ubusitakandu pa tepi—Nsimbi] . . . -mang’anyi, ugwe gwe mukugūlila uli ni kikole, u kugūlila.

¹⁹¹ Lilino, akabalilo kāko ugwe kwēga u Lukino, ugwe unyenemusigwe ukufuma ku kyākufwa ku kisitakufwa. Ikyène kikupela u mbili gōsa ukwīsa ku bulāmbiko ku Lisyu. Ikyène kisakukupela ugwe ukubōmbela mbukīndāne, ukukēta mbukīndāne, ukwītūgàla mbukīndāne. Ikyène itolo kisakukupela ugwe nkīndāne.

¹⁹² Lilino kēta . . . [Ubuyo busitakandu pa tepi—Nsimbi]. . . nyenyemusigwe. “Umwe mwe akabalilo kamo mwāli bafwe mu butulwanongwa ni ngilano, kangi ingisi, Umwēne asūmwīsyē.” Ukwīsila mu fiki? “Mbepo Gwake uyu ansusisye Yeso,” pa lubunju lwa Paasa, “ukufuma ku bafwe. Kangi linga Ikyene kikwituugasya mu mibili gyakufwa,” lilino ketesya, “Ikyene kyōpe kikunyenemusya, kikutwala ku Buumi, kikupela ikyeene kyākwīlāmbika ku Lisyu.”

¹⁹³ Lilino, ugwe ubagile bulebule ukwīyobēla ukuya nagwe Mbepo yula, kangi ukwisopa gwimwene kubutali ni Lisyu? Uge unyenemusigwe ni kindukimo ikingi. Kabuno, Ikyène kisa kunyenemusya imibili gyīnu imifwano ku Lisyu. Naloli, Ikyène kisakubomba.

¹⁹⁴ Ugwe ukabagila ukubopa kisita Ikyène. Ugwe itolo kwisa kupalapatika, linga ugwe utikwītika fyōsa ifya Ikyène. Linga ugwe uli ni kiyabo mafuta kangi kiyabo mīsi, ugwe utīsakuya pakubūka kulikōsa. Muketile? Ugwe kufīmbilisigwa ukwēga ikyène mia kwa mia yumo, mafuta. Linga ugwe utikubōmba, ugwe kwāsilya-kunyuma, kangi ugwe ukaya nago na maka nagamo. Muketile? “Lōli une—une ngwītika iki, lōli une ndikwītika *Kila*,” papa-papa-papa-papa. Ugwe utikubūka nakumo kulikōsa.

195 Loli, o, akabalilo kako ugwe kwegu ubwisyusye! Unko ulwene lumulike pa ikyo, i Lisyu lililyosa lyo Bwanaloli!

196 Polelo ketesya lilino, bo uswe tukwigala, ketesya iki. Ketesya, ikylene kifwene itolo bo—panini imbeyu yilambalele pasi.

197 Lilino, nukwitendekesya, umwe mususigwe. Umwe musyūsigwe akabalilo kâko umwe mwāmbilile u Mbepo Mwikemo mwa umwe. Umwe musyūsigwe palapala akabalilo kala. U mbili gwīnu gusyūsigwe mukugūlila.

198 Kêta akambeyu akanini. Byāla akēne mu mfu. Akene kakufimbilisigwa ukunwa ukufuma ku nyībũko Yāke, amīsi aga gikusulula pāsi. Kangi bo iyēne yikunwa, iyēne yikugutila mmwanya kwa Umwēne, ukwisa fiyofiyo ngati ubufwāne bwa mbeyu iyi yābūkile mu mfu. Muketile?

199 I Kipanga kikwisa injila yila, ukwisila mu kwitikisigwa, ukukemesigwa, ulosyo lwa Mbepo Mwikemo, lilino mu butekete. Muketile? U Mbepo gwa Kyala isile ukwisila mu ikyo.

200 Kangi u mbepo gwa kisu isile ukwisila mwa ndwananakristi, injila yilayila, kangi lilino ikuteketa lōsa mu mububwēne ubukulumba bwa fipanga, muketile, ikindu kyosa.

201 Kangi u mundu pamwane ikwīsa i njila yila. Kilikyosa kikubomba pa yilayila, pa lugelelo lulalula lwa Kyala, panongwa yakuti Umwene yo yuyo mmayolo, umusyugu, na bwilanabwila. Kētēsya, pa njila yāko, ukukula ku bwīsusye bwa busyūke, ulongosigwe na Mbepo!

202 Bo i lisuba, l-i-s-u-b-a, likukwāna a kamela akanini kala aka kakunwa ukufuma ku nyībũko ya Kyala, itolo kakūmilisya. . . Muketile, ikylene kibagile itolo ukunwa ukufuma ku kindu kimokyene. Ugwe konelela a mafuta pāsi pa ka mbeyu akanini kala; kugoga akene. Uko ko kutalusya. Ugwe kōnelēla amīsi amalūlāle, amīsi gaiyolo aga gakaya kanunu, akēne kabwāpuligwe, ikyēne kīsa kutulila u bukūle. Ikyēne kitisa kupāpā ikipaso. Ngimba uko kutalusya? Lōli ugwe kōnelēla aganalōli amanunu amatōfu amīsi gāfūla, ameni, kisita imikota imitēndekigwa-nu-mundu mu gēne, itolo galeka agēne gīse ukufuma myānya kumwanya, kangi kētēsya a kamela kanini kala. Gakayapo a mīsi nagamo gīsakukusya kala ngati amīsi gāfūla. Ugwe kubīka aba kolorini ni fīndu mu gēne, ngati ugwe kugela ukutukemusya uswe nakyo, kangi, ikīndu kyākwānda ugwe umenye, ikyēne kikugoga i kimela kila.

203 Ikyo kyo iki kitamisye umwisyugu. Abēne bikugela ukubapa abēne amīsi ukufuma ku nyībũko yafipanga-fipāgūke, kangi ikyēne kikutulila u bukule. Muketile? Lōli unko umwēne ayege na:

Isaga kũko indondobya-sya-ndungwa sya kisa sikumulika;

Mulika mōsa ukusyūngutīla une pamusi na
pakilo,
Yeso, u Lumuli lwa kisu.

Polelo ugwe uli nakyo ikyene, polelo.

Uswe twisakwenda mu Lumuli, u Lumuli
ulumogi lula,
Kikwīsa kūko indondobya-sya-ndungwa sya
kisa sikumulika;
Itolo mulika mōsa ukusyūngutīla une!

204 Ega i nyībūko ya isyakutēndekígwa-nu-mundu ukufuma kwa une! “Ni nyībuko nayimo une njimenye, nakimo lōli i Lilopa lya Yeso!” Iyo yo yōsa i Nyibuko iyi une ngulonda ukumanya. Unko i Lisyu litugasye mwa une, Ntwa; onelela Ilyene nu Mbepo Gwako.

205 Kētēsya, lilino, linga u Mbepo yula uyu āfyusīsye Yeso ukufuma ku lipūmba, ikwitugasya mwa ugwe, ugwe mbugūlilo ulinabo u Būmi; lōngosigwe na Mbepo, ukunyenyesya i Lisyu kwa ugwe, ukwītika Ilyēne. Ikindu ikinini kikūmilisya ukugutīla mmwanya bo ikyene kikukula.

206 Kētēsya, pa Pentekosti, imibili gyābo gyānyenyemusigwe ku Būmi u bupya. Kēta i kipāmba kya abalutēnde abanini.

207 Ngimba une ngukolelela umwe kabalilo katali fiyo? [Ikilundilo kikuyoba, “Umma.”—Nsimbi.] Kēta, une ne itolo ndūngwile mōsa, ikyo kyo ikyēne, ngwīpilika kanunu. O, mwe!

208 Kētēsya, abēne bāli balutēnde. Kētēsya. Lōli, abēne bāli nu Bumang’anyi. Muketile? Loli abene bosa bālitugesye kunyuma nkati mula, bikuti, “O, une ngutīla abene. O, une ngutīla ukubuka nukutēndeka ubwīyobelo, panongwa yakuti, o, bosa bala abakulumba ba bishopu ni findu panja pala. O, une ngutīla ukubōmba. Abapūti bala ni findu, une ngutīla ukutēndeka ubwīyobelo bula, ngutīla une ngwisa kuyoba une ngwītika pa Mwēne. O, une ngabagila itolo ukubomba ikyo, umwe muketile.”

209 Lōli, lōsa mwa mbimbibi, u Likino lukwīsa. Ena. Kangi ngimba Ikyēne kya bōmbīle fiki? Ikyēne kikālīswile imbepo syābo syēne mma, nkati, lōli Ikyēne kyānyenyemwīsye u bumang’anyi bwābo. Imibili gyabo gyānyenyemusigwe. Abēne bakālī bālutēnde kāngi mma. Abēne bābūkīle palapala panja pa kisyo kya bāndu. Ena, nkulumba. “Umwe banyambala ba Yūdai, kangi umwe mwe mukwitugasya mu Yerusalemu!” Kuko, bo u Lukino lukālī ukwīsa, abene bāli itolo ba bumang’anyi. Muketile? “Umwe banyambala mwe mukwitugasya mu Yerusalemu, unko iki kimanyigwe kwa umwe, kangi pilikisya ku masyu gangu! Aba bakaya bagāle mma, bo umwe mukusakikisya.”

210 Une ndi yumo gwa bēne. *Iki* kyo Kila! Une ngubanāngisyāga umwe iki ikyene kili. Ikyene kyo Lisimbo. *Iki* kyo Kila! Kangi

une bwila njobile, “Linga *iki* kikaya Ikyo mma, unko une nkyunga *iki* mpaka Kila kikwisa.”

211 “Umma, iki kyo Kila iki kâyobelîgwe nu nsololi Yoeli, ‘kangi ikylene kisa kubonekaga mmasiku ga bumalikisyo, ikuti Kyala, Une nisakonelelaga u Mbepo Gwangu pa mbili guligosa.’” Muketile, u Lukino lukwisa nkati mu bumang’anyi. Abêne bakâli balutênde kângi mma.

212 Mwe bamo ba umwe bându mwe mukutîla ukuti u nkikûlu yumo isakukuseka ugwe panongwa ya kuya ni nywîli indali, pamo mwalekile ukufwâla ifyakupakapaka; mwe bamo ba umwe banyâmbâla aba bo bâlutênde ikipângânio kyâko kisa kukusopa ugwe pânja akabalilo umwe mukôsyâ i kilündilo kyînu mu lôsyô Lwammasimbo; umwe mukulôndîgwa ukwiyîgalîla mwîbène mu kyûmba kyapamwanya mpaka u Lukino lukwisa. Uko ko kotalusya.

213 Ikyêne kyâlyândwîle abêne. Ikyêne kyânyemusîgwe abêne. Ikyêne kyâtêndîke abêne bakîndâne. Abêne bâli bându basanusîgwe, ukufuma pala ukubûka nkyêni. Ikyêne kyâbanyenyemwîsyê abêne, ukufuma ku bûmi ubukûlu ubwa kuya gwâlutênde, ukuya ngati Ngalamu ya kikolo kya Yuda. Abêne nalolîli bākētène ni kugogîgwa, kukomelelîgwa ku fîpîngîka, kukomelelîgwa kumwanya-ukuya-pâsi, kôkîgwa, kusopîgwa mu mbako sya ngalamu. Nakamo kangi mma bâlutênde, ukufwâna na bêne. Bufwe bukâli nu bupônjôli nabumo pamwanya pa bêne, na panandi. U Lukino lwâli mu bumang’anyi. Ena, nkulumba. Ikyêne kyânyenyemwîsyê u mbili gwâbo ugwâkufwa.

214 Lilino pilikisya. Apa kilipo ikîndu ikîngi, kuli busisîmikisye. Ikyêne kyo fîyo kyânyenyemwîsyê abêne mu njîla yîmo mpaka (Umwe mumenye fîkî?) abêne bafyûsîgwe mmwanya mmabuyo Gammwanya, kangi imîbili gyâbo igyakufwa gyanyenyemusîgwe fîyo mpaka injobelo yâbo yâlyândwîke. Ikyêne itolo... Ikyêne kyânyenyemwîsyê i njobelo yâbo. Ikyo kyo iki i Bângêli lyâyobile. Kangi, imîbili gyâbo igyâkufwa ukuya gînyenyemusîgwe, i njobelo yâbo yânyenyemusîgwe. Amînogòno gâbo gânyenyemusîgwe. Imbepo syâbo syânyenyemusîgwe. U bûmi bwâbo bwânyenyemusîgwe. Abêne bânyenyemusîgwe, lôsa palikîmo! Abene bagelîle ukuyoba, kangi balînkutolîgwa ukuyoba mu njobelo yîliyosa îya mundu. Abêne bâli bânyenyemusîgwe fîyo mu Kuyapo kwa Kyala mpaka abêne bâyobile mu lulîmi ulupya, i njobelo ya Kumwanya. Whuu! Go Maka gaki agakunyenyemusya!

215 “Linga u Mbepo uyu ansusîsyê Yeso ukufuma ku bafwe ikwitugasya mwa ugwe,” o, aleluya, “Ikyêne kisakunyenyemusya umbîli ugwâkufwa.” Ikyêne kisa kupela ugwe ukubômba ifîndu ugwe ukâbômbâga pabutasi. Abene baaliswîle na Maka agakunyenyemusya akabalîlo kala. Muketile?

216 U mbili gwāko gukaya gwakwīlāmbika ku butulwanongwa kangi mma; ugwe, ifinyonywo fyāko.

Umwene ikuyoba, “Sōka panja apa!”

Ugwe kuyoba, “Igala undomo gwako.”

“O, uswe tulinakyo ikinywamu ukukinda fyosa . . .”

“Igala undomo gwako.” Mwe, ugwe uli swanga!

217 Ngimba umwe muketilemo siku mūmo ubwapayēne i ngwāsi iyaiyolo yikwēndēla? Umwēne atikunyēla ngati ilinyōmbo mma, muketile, ku kilikyōsa ikifwāno, kangi fyōsa i fibolano filāmbalèlè pāsi. Umma, nkulumba. Umwēne ikwēnda nulwītūfyo.

“Igala undomo gwako.”

“O, apa kilipo ikyākulya ikinunu ukukilania *kuno*.”

218 “Kikaya kya une. Muketile, ikinyonywo kyāngu kyāndwike. Ikinyonywo kyāngu kyo kikīndāne. ‘Kabuno u mundu atisakuya nu bumi pa kisu i kibole kyene, loli ukwisila mu Lisyu lililyosa ili likusoka ukufuma nkanwa mwa Kyala.’” Ingwāsi iyanaloli inyenemusigwe yikwītūgāla na Ikyo. Ameni!

219 O, kangi Umwene asumwisye mmwanya Kristi ukufuma ku lipūmba, ukwītūgāsyā mwa ugwe, asūmwisye umbili gwāko ugwākūfwa ku Kuyapo Kwāke. Ugwe kukyagania Ikyene. Ugwe ukaya gwabususilwa kangi mma. Ugwe gwe swanga. Ugwe utikulōnda ifindu fya nkīsu. Ugwe gwe mwanundumiana nu mwanundinwana gwa Kyala. Ugwe kulya ku Nyībuko iyi i kīsu kimenye nakimo isyāke. Ugwe kunwa Ikyēne. Umunduyumo amenye. . . Ikisu kyapasi kitikumanya nakimo ikya ikylene. Ugwe kulya a Manna amafisigwe aga ikīsu gakamanyamo nakimo siku ikya Ikyēne, kabuno ugwe gwe ngwāsi. Umwe munyenemusigwe kūko umwe mubagīle ukwisa ku Kyēne. Umwe mukabagīla ukufika ku Kyēne pāsi *apa*, umwe mukufimbilisigwa ukufika pamwanya *apa*. Ugwe kufimbilisigwa ukuya nyenyemusigwe, ufyūsīgwe mmwanya kula, ukuti Ikyēne kisa kukunyenemusyāga.

220 Ngimba abene bābombile fiki? Abene bayobile mu njobelo iyingi. Ili Bangeli lyāyobile abene bābombile. “Abene bayobile mu lulimi lulilosa pasi pa Kumwanya.”

221 Ngimba ugwe ubagīle ukwīnogōnēla ukuti, gila imibili gyākufwa igi gili nkati mula, kuyoba, “Ena, une ngamanya, lilino, kali une mbagīle ukwitika iki pamo mma?”

222 Lōsa pakabalilo kamo, abēne bānyenyemusigwe fiyo mpaka ubukifu bwa Ngalamu ya kikolo kya Yuda bulinkugwa nkati mwa bēne, pamwanya pa Kikose kyākuyugānia. O, i Ngwāsi yili yīsile ukukōlèla a Bāke Mwēne! “Kangi abēne bakāgiganīle mma imyūmi gyābo ku bufwe.” Ameni.

Kangi kwisakuyangako abingipo aba bisakupa
 ililopa lya bñmi lyābo
 Panongwa ya Nongwainunu iyi iya Mbepo
 Mwikemo nu mwelesyo Gwāke unkesefu.

223 Kangi u Mwanundumiana abagisenie ukuya—asetuligwege kangi, mwa Nsīngiligwa mu lisiku lyabumalikisyo; a Maka gakunyenemusya gikufimmbilisigwa ukwīsa, nyenyemusya abēne pānja pa ifi ififwāno ifipānga-fipāgūke ni fimanyisyo, ku Lisyu lya Kyala lilyabumi. O!

224 Umma, Ikyēne kyabasūmwīsyē abēne ku Bñmi ubupya. Ikyēne kikubōmba ikindu kilakila kwa uswe lilino. Kētēsya, polelo, abēne bāli banyenyemusigwe fiyo mu Maka amanyenyemusye gala! Lilino une . . .

Pilikisya kifuki lilino. Une ngugela ukubanāngīsyā umwe.

225 A Maka gakunyenemusya gakāli itolo mu mōyo gwābo, lōli Agēne gāli mōsa ukukilania abēne. Ikyēne . . . Komma itolo u Lukino lukwīsa nkati, ukunyenemusya, lōli Ikyēne kyānyenyemwīsyā u bumang’anyi. Umwe mukuketa iki une ngusanusya? Abēne bāli basūmusigwe fiyo mpaka indimi syābo silinkwanda ukuyoba mu njobelo iyīngi. Abēne bāli banyenyemusigwe fiyo na Maka ga busyūke bwa Kristi, mpaka abēne babīkīle amaboko gābo . . . Abēne bāli banyenyemusigwe fiyo na Maka gakunyenemusya, mpaka, akabalilo kāko abēne bālāmbalike amaboko gābo pa babine, abēne balinkubūmbulūka. “Ikyēne kikunyenemusya umbili gwāko ugwakufwa.” Abēne bāgāngwike, ukwisila ukulāmbalika pamwanya amaboko gābo.

226 Kangi u Mbepo ānyenyemulāga ubwinake bwābo palikimo na Kyala, mpaka abēne bāli babanyenyemusigwe fiyo mu Kuyapo kwa Kyala mpaka, akabalilo kāko u mñndu āfwīle nu moyo gwāfwīle, Ikyene kyālinkolīle umwene ukugomokela ku bumi kangi. Amenī! Lwimiko! Lilino une ngwipilika mwiputi.

227 Uko ko kutalusya, bānyenyemusigwe! Komma kwēne ukuti ubusyūke Bwāke bwāli kuli Mwēne, lōli kuli aligwēsa isakwīgāna, ku Luyūngu ulusūnguligwe-ngāni ulu lulāmbalēle pala. Nyenyemusya, kikunyenemusya u mbili ugwākufwa!

228 Abēne bālambalike amaboko pa babine; abēne bābumbulwike. Abēne bālipūtīle; mwa Mbepo abēne bāyibwēne imboniboni, ukukōlēla abafwe ukugomokela ku bñmi. Uko ko kutalusya. “Kyanyenyemusyaga umbili gwābo ugwakūfwa.”

229 Linga Ikyene kikwisa mwa ugwe; linga ikyene kikuyaga lūlo . . . Lilino, ugwe ubagila ukuyoba ikyene kyo momumo; loli linga ikyene kikuya lulo, ifimanyilo ifi fikukonga ikyo, umwe muketile. “Ikyēne kikunyenemusya umbili gwāko ugwākufwa.” Ikyēne kisa kukunyenemusya ugwe.

²³⁰ Lilino, ketesya, ukunyenyemusya mu Kuyapo kwa Kyala. Fiki? Umwene aali yo Mbepo gwa Kyala uyu aafyusisye Yeso ukufuma ku lipumba. Kangi, u Mbepo gwa Kyala, “Une ngupa abène u Būmi Bwāsyépwa,” bufumile ku lisyu lya kiGiriki, linga ugwe kukētésya ikyène mosa, Zoe, iki kikwēndesya Ikyène ukukīndamo mwa ugwe kangi polelo ukunyenyemusya (gābo) gōpe na mīnogòno gābo.

²³¹ Lilino kéta. Ngimba ugwe ubagile bulebule ukuyoba ukuti u Mbepo yula ikwitugasya mwa ugwe? Palema nalinga ugwe ubobile filifyosa ifi ugwe gwinogwine kyaali kitalusye, apa bulipo u buketi bwako ukuti kali ugwe uli nakyo Ikyene pamo mma. Linga u Mbepo uyu āli mwa Kristi ali mwa ugwe, Ikyène kōpe kikunyenyemusya ugwe ku Lisyu, namanga Umwēne yo Lisyu. Kangi linga ikyène, kikukānikāna, kikunyenyemusya ugwe ukusōkako ku Lisyu, polelo ikyène kikaya Mbepo gwa Kristi! . . . kupāsyā iki ugwe ubōmbile, mpaka Kila kikwēndesya ugwe mu Lisyu. “Ing’osi Syangu sikupilika a Masyu Gangu, kangi isyene sisakuya na bumi ni Lisyu lililyosa,” i Lisyu lililyosa! Une nayobaga pa ikyo lisiku ilingi.

²³² Mama gwangu mwene, umwene akindile lilino, kangi umwene ali nkikulu unkindane. Kangi umwene aali, umwe mumenye, ukufwana sinda gwa Kimwenye, kangi umwene aali nswigisye. Loli nkati mula umwene aali mundu uyu akagogwaga injosi. Loli une ndikwinogona. . . Umwene āli ni njosi sina pamo sihana, bōsa bwa būmi bwāke. Loli akabalilo kosa umwene agogwile injosi, ikyene kyāli kyabwanaloli. Umwene āli ni njosi, ikyene kyāli kyabwanaloli.

²³³ Une ngukumbukila akabalilo kamo akabalilo kako une ndinkwanda ukulumbilila, ifyinja fingi ifi fikindilepo. Uswe twītūgalaga papapa pamwanya apa pa nsebwe, papapa pamwanya apa. Une nālumbililāga papapa apa ku kipanga iki. Kangi umwene agogwile i njosi, ukuti une nalimile apa palubafu lwa mafyūkilo matatu. Kangi une nālīmīle, ngulumbilīla kwa aligwesa, ukuti abène bikufimbilisigwa ukwenda pamwanya pa mafyūkilo aga bo abène bakāli ukutika unsebwe-unywāmu. Kangi pa nsebwe-unywāmu gulipo ulunini uluboneke-lwāambo ulukindi ulwēlu, lukubūka kulakula nkati mu—mu—mu figigo fya Kumwanya, ku kipata kya nyāambo. Kangi u lwāambo lula lwākindilisigwe pānja ukubuka ku mwanya kwa mafyūkilo aga. Linga yila yikaya Ndumi yangu katikati umwisyugu: ukwitikisigwa, ukukemesigwa, ulosyo lwa Mbepo Mwikemo! Kangi une nāyobāga ukuti u mūndu ikufimbilisigwa ukwisa ukwisila mu mafyūkilo matatu aga, ukuya mbagile ukwēnda unsebwe-unywāmu gula. Kangi nāyobile ukuti. . .

²³⁴ Alipo unkikulu uyu ālisileko. Lilino, ugwe umenye u luko luki ulwa filato abāndu bafwale ifyinja malongo matatu na fihano ifi fikindilepo. Ālipo u nkīkūlu ālisileko, āfwēle ifinywāmu ifilato ngati abène bikufwāla umwīsyūgu, ifilato

fya kitēnde-ikisōngōle. Kangi umwēne ālisile kifuki. Kangi une ndinkuti, “Gulila panandi, kalumbu. Ugwe ukabagila ukwēnda unsebwē-unywāmu gula na ikyo.” Kangi une ndinkuti, “Ugwe—ugwe, ugwe ukabagila ukubōmba ikyo.”

²³⁵ Kangi umwene alinkuti, “Aa!” Umwene alinkuti, alinkukelengania ku bosa abakikulu, alinkuti, “Komma ukwitika umwene. Umwēne yo nnyāmbāla unsyūtāno. Muketile? Komma ukwītika umwēne. Une ngubanāngisyāga umwe une mbagīle ukwitikisīgwa, ukukemesīgwe, kangi ukwīsusīgwe na Mbepo Mwikemo, kangi ngāli ngwenda ikyo.” Kangi umwēne... Une itolo ndinkundeka umwēne abūke. Ndinkutoligwa ukubōmba kāngi mma isya ikyēne, ndinkutoligwa ukummwīmika umwēne. Kangi umwēne alinkunyēla pa nsebwē-unywāmu. Kangi umwene alinkukéta kunyuma kwa kalumbu, alinkuti, “Muketile, une nābabūlīle umwe!” Umwene alinkwanda ukubopa mmwanya, kangi umwene...

²³⁶ Umwe mumenye, mumo i Bangeli lyāyobile, mu Yesaya, untu gwa 5, ukuti abene bikuyaga nago “amakosi amanyululuke.” Abēne bikufimbilisīgwa ukubōmba; abēne balīnusīgwe ukukilania, muketile. “Ikunyātuka bo...” Abēne bikufimbilisīgwa ukubōmba, bikufimbilisīgwa ukutwōnga, “Ukunyātuka bo abēne bikubūka, ukutēndēka ukukong’onda ni fitēnde fyābo; muketile, abānabalindwana ba Siyoni mu lisiku lyabumalikisyo.”

²³⁷ Kangi umwēne alinkwānda pamwanya pa nsebwē-unywāmu gula, itolo nubukafu mūmo umwēne ābagīle ukubōmbela. Kangi, ukukīndapo akabalilo, u nsebwē gulinkuya mfinyupo kangi mfinyupo. Umwēne alinkwānda ukubebeluka, ikunyātuka bo *lula*, kangi ukusōka umwēne alinkubūka.

²³⁸ Kangi mama āyobile, “Inguto inyāli isi une mbilikemo siku mbūmi bwāngu, āli nkīkulu yula ikugwa mu ndapi sila ni lyōsi, ikubūka pāsī, pāsī bo lula.” Alinkuti, Une “ndinkusyumbutuka nukuyoba, ‘Muketile?’”

²³⁹ Umwene itolo āpilikīle kilikyosa loli i Lisyu limolyene, muketile, kilikyosa loli i Lisyu limolyene. Naloli, abakikulu ba kiPentekosti babagile ukupokigwa, ukukemesīgwe, nu kwisusīgwa na Mbepo Mwikemo, kangi polelo ukutoligwa. Naloliloli. “Umundu atisakuya nu bumi nu nkati gwene, loli ni Lisyu lyosa ili likusoka.” Muketile? Muketile? Kangi umwene ātoligwe Ikyene. Kangi bo une njobile, muketile, umwene āngali ākindilīle, losa kanunu, loli, muketile, umwene ātoligwe ukupilikisya; ukumbula umwene iki kyāli pankyeni. Kangi Umwēne āsīmīle i Nongwainunu ukwisila mbafūndīgwa, batumigwa, kangi Kimanyisyo kya batumigwa na basololi, na fyosa bo ifyo, kangi abene batisakupilika.

²⁴⁰ Lilino kètèsya a Maka amanyenyemusye aga, *Zoe*, ukutwāla i Lisyu, i linogōno ili lyāli mwa Kristi lyāli mwa ugwe polelo. Une ngugela ukubanangisya umwe, ukuti, umwe, akabalilo kako umwe mufyukile. Akabalilo kako Kyala ansusisye Yeso ukufuma ku bafwe, Umwene aafyusisye umwe, numwe. Kangi kōpe ukunyenemusya ku Būmi, nu Mwēne, umwe mwe lilino munyenemusigwe ku Būmi, palema nalinga ugwe gwāli lōli ikyakubagilila mu minogono Gāke, lōli Kyala ākētīle fyōsa mwa Umwēne, ku kumālīsa, muketīle. Akabalilo kako Kyala aketege pasi pa mbili . . .

²⁴¹ U Mbepo ālindekīle Umwene, mu Ngunda gwa Getisemani. Umwene āfimbilisigwaga ukufwa, u nnyambala. Kumbukilāga, binangu, Umwēne akāfimbilisigwāga ukubōmba ikyo. Yula āli Kyala. Kyala apakīle umbili gula, ugu gwāli mbili gwa mūndu. Kangi Umwene akāli . . .Linga Umwene ābagīle ukubuka kula, ukuya Kyala, Umwene angali akafwamo siku uluko lula lwa bufwe; akabagila ukungoga Kyala. Loli Umwene akāfimbilisigwe ukubomba ikylene.

²⁴² Loli, kumbukilaga, Umwene alinkubuka kula na ugwe mwa Umwene. Muketīle, Kyala akapāgulamo siku u Nsingiligwa ukufuma ku Ndume, mpaka na lino. Polelo akabalilo kako Kyala aketege pasi pa mbili gwa Kristi, Umwene aketaga fyosa-fibili ikinyambala ni kikikulu. Ikyene kyosa kyatabuligwe mu mbili gumogwene. Muketīle? Abene bo yumoywene, lilalila, i Lisyu lilalila. I Lisyu lilalila, lyāyobīle isya Ndume, likuyoba isya Nsingiligwa.

²⁴³ Ena, u Nsingiligwa abagīle ukwisa bulebule, nukutoligwa ukwibonesya kilikyosa iki kyafingiligwe ku Mwene; kangi u Ndume ikwisa, kangi Umwene atikuyaga Nsingiligwa? Lōli akabalilo kāko Umwēne ābōmbīle kilikyōsa, kope nukusisimikisya ikyēne ukwisila mu kwifyūsa Mwēne ukufuma ku bafwe, ukufuma apo, polelo atiku u—u Nsingiligwa ikufimbilisigwa ukubomba ikindu kilakila, kikuya katikati iki i Lisyu lyāyobile Umwene isakuyaga mmasiku ga bumalikiyo aga? Ngimba Umwēne atikufimbilisigwa ukugomokelamo mwa Malaki 4? Ngimba Umwēne atikufimbilisigwa ukubonekela pabwelu mūmo ikyēne kyāyīlīle mmasiku ga Sodomu? Ngimba ikisu kyapasi kitikufimbilisigwa ukuya katikati bo ikylene kili? Ngimba ifindu ifi fikaya kwilingania ukupelesye kwa Lisyu lya Kyala lipeligwe limanyigwe kwa uswe?

²⁴⁴ Mulimōsa, bīnāngu, une mmenye une ngubakyūnga umwe akabalilo katali, amaminiti kalongo na mahano bo fikāli ifyākulya, lōli lumu une nisakumalisya ukufika pala. Loli ketesya, keta kuno, kyo kindu ikipelesye ikylene kili. Une ngamanya akabalilo kako une ngwisakubakēta umwe kangi. Muketīle?

²⁴⁵ Kēta, kètèsya iki. Lōli Kyala ākētīle-ngāni u Nsingiligwa

mwa Ndume. Haleluya! Muketile, ukumpoka Unkasi Gwake, bo yu Adamu, Umwene alinkufimbilisigwa ukubuka nu Mwene. Adam aamenye iki umwene ābombaga; Eva akāmenye iki umwene ābombaga, loli Adamu alyendile panja nu nkasi gwake. Muketile? Kangi Yeso ālyēgīle ubuyo bwa Nkasi Gwāke kangi alinkuya butulwanongwa ku Mwēne. Kumbukaga, Umwene alinkuya ugwe, Umwene alinkwima ulufundo lwako, ukuti ugwe ubagile ukwima mbuyo Bwake. Umwene ālīmīle mbuyo bwāko, ukuti ugwe ubagīle ukwīma mbuyo Bwāke. Lo lugano luki! Bo bulilanisi buki! Ngimba uswe tukukāna bulebule ubwēne? Ngimba uswe tubagīle ukubōmba kalikōsa lōli ngana Umwēne, mwinangu? Une mbagile ukusyala pa ikyēne isala, lōli unko uswe tukīndilile nkyēni pabutalipo panini.

²⁴⁶ Ngati ubwendelemo bwa kipentekosti umwīsyūgu, kangi ukwisa kwa Mbepo Mwikemo mu lisiku lyābumalikisyo ili, bo kifīngigwe, kili ngati kyakutumula ku fikalatasi fya bwenenakyo. Muletile?

²⁴⁷ Lilino, ugwe ubagile ukwega ubwenenakyo. Naloliloli. Muketile? Umwe mubagile ukweega ubwenenakyo ku buyo, loli ikyo pope kitikusanusya ukuti ikylene kyo kyinu. Umma, nkulumba. Yumo kunyuma kula ābagile ukwisa nkati nu kubika ukwiyobela pa kyēne. Lōli akabalilo kāko ugwe kuya nu lutumulo, ulu lukunāngisya ukuti kilikyōsa iki kiyīlemo siku kyākulwāna nu lwēne kisōsigwēpo, mpaka ukugomokela ukufuma ku lwālo. Ngimba ikyo kyākutalūsyā?

²⁴⁸ Kangi akabalilo kako u nnyambala ayobīle ukuti umwene ikwitika i Lisyu, kangi polelo akabalilo kako u Mbepo Mwikemo ikwisa, Ikyēne kyo lutumulo lwa bwenenakyo. Kangi ikyo kikupa ugwe ulwītikisyo, akabalilo kāko ugwe ulunalo ulutumulo lulo, ukuti akayabo kalikōsa ka ikyo kyāko kya ugwe, kangi kilikyosa kili pa ikylene kya ugwe. Ameni! Kangi ikyo kikupa ugwe u lutumulo, akabalilo kāko u Mbepo Mwikēmo ikwisa pa lulagilo lwa bwenenakyo ubu būbo Kyala ākētīle kunyuma kula bo ulwalo lwa kisu lukāligwa, nu kubika ingamu mwa Buku gwa Bumi; lōli āpāpīgwe ukwisila mu nnyāmbāla nu nkīkūlu, nu kulāmbīkigwa ku butulwanongwa, kangi atobesīgwe isya butulwanongwa. Loli akabalilo kako une ngwitika pa Kyene, une nālyāmbilile ubwenenakyo; loli akabalilo kako u Mbepo Mwikemo isile, Ikyēne lwāli lutumulo ukuti kilikyōsa kyākulwana na une, kali māma gwāngu ābōmbīle ikyēne, tāta gwāngu ābōmbīle ikyēne, u mbūya gwāngu ābōmbīle ikyēne . . .

²⁴⁹ Ngati u nnini, umwāna gwa linyīki une nālīmīmwīpūtīle, amaminiti manini aga gakīndīlepo, ikyo kīsīle ukwīsīla ukufuma ku bapāpi-bīsukulu. Ifisilisi filīnkugwa pāsī, kangi pa mwāna, une nāyobīle.

²⁵⁰ Lōli akabalilo kāko u lutumulo lwīsīle, Ikyēne

kilinkusyūmulapo, ukōmola kilikyōsa. Une ne nkolelela lutumulo kokuti. Amen! Kangi ukuya nsisimikisye mūmo u Mbepo uyu āsyūsisiye Kristi ukufuma ku bafwe, une ndinalo ulutumulo lwa bwenenakyo ukuti une ndi kiyabo kya Mbili gula, nu lutumulo lwa Mbepo Mwikēmo ukutēdeka u mbili guli gwa Lisyu ukuya mūmo pānja itolo katikati mūmo Ilyēne lyābōmbile mwa Mwēne, mumo Umwene āfingile mu lisiku lwabumalikisyo. U lutumulo! Imbibi syāngu syōsa syalyōmoligwe, syōsa imbibi syāko syalyōmoligwe, ni Lilopa lya Yeso Kristi, kangi u Mbepo Mwikemo isile ukuya lutumulo ku lulagilo lwa bwenenakyo ukuti Kyala aambebe une ukwisila mu lipyana, ukwisila mu kumanyilanganila. O, mwe!

²⁵¹ Kyo fiki iki ugwe kukitila? Fyōbēne Umwene alinkuti, “Komma ukutila; Une ne Umwēne uyu āfwile kangi ndi mūmi kangi; kangi une ndi mūmi kwa bwilanabwila; kangi ndi ni fungulilo sya bufwe na gehena.” Komma ukupasya isya nakimo. Bōpe ubufwe bukaya pakukufulasya ugwe. Kētésya. Kimogi!

Unko uswe tubūke mbibimbibi itolo lilino.

²⁵² U lutumulo lwa bwenenakyo! U kumeleligwa kutabuligwe. Kilikyōsa ukulwāna ni kyēne kyōmoligwe. Ha-ha-ha-ha! Lwimiko! Une mbagile ukubombela mbutoyofu, loli une ngwipilika kanunu. Ketesya. Muketile? O, ikikalata kyabwenenakyo, ngimba umwe mukusyagania iki kila kikusanusya? Ngimba umwe mukusyāgania iki kila kikusanusya, nkundwe? Kikayapo nakimo kibagile ukwēga ikyēne ukufuma kwa ugwe. Amen. Une ne nkoleléli. Amen. Kyo fiki i . . .

²⁵³ Ko kulalagiligwa kuki? Une lilino mfunjila pa fyakukabapo fyāngu, ifya bufwe Bwāke, ukusyīligwa, kangi ubusyūke. Umwene alinkuya une, ukuti une mbagile ukuya Mwene. Lilino, Umwene alinkuya monangi, ukuti une mbagile ukuya mwanundumiana, ameni, nukukolelela ifikalata fyabwenenafyo. “Kabuno ifika ifi fisakukongaga abene aba bikwitika,” muketile, ifikalata fyabwenenafyo!

Lilino nakalinga, bo . . . Uswe tulinago amaminiti kalongo ukōngelelāpo.

²⁵⁴ Unko uswe lilino kētésya, mbibimbibi, ukunyenemusya kwa Mbepo. Une ngubanangisyaga umwe ifimanyilo fimo ukuti umwe mukupilikisyaga. Kēta, lilino kētésya iki, iki “a Maka agakunyenemusya” kya kimanyisyo kyāngu. Ukufuma pápo u Mwanundumiana afyukile mmwanya, kēta mumo Ikyene kyābombile pa bene pa Pentekosti, iki Ikyene kyābombile ku bene, iki gala a Maka gakunyenemusya gābōmbile ku bēne. Ikyēne kyanyenemwisye abēne.

²⁵⁵ Lilino unko uswe tukētésye iki Umwēne ābōmbile pa Stefani. Stefani ālīswile na Maka agakunyenemusya. Ngimba uko kukaya kotalusya? Muketile, umwēne ālīswile na Maka

agakunyenemusya. Ikyēne kikālimpelile umwēne ukuya gwālūtēnde. Umwēne alinkuyoba, “Umwe būmano-makosi kangi basitakubūtigwa mu ndumbula ni mbulukutu, umwe akabalilo kōsa mukupīnga u Mbepo Mwīkēmo; mūmo abatāta bīnu bābōmbile, momūmo mukubōmba umwe. Aliku yumo gwa basolilo uyu ānāngīsye pāmja u kwīsa kwa Ngolofu Yula, abatāta bīnu bakālīntūnyile?” O, mwe! Kyābōmbile ikindukimo ku mwene. Naloliloli, umwene aliswile na Maka gakunyenemusya.

Kangi abene balinkuti, “Uswe twisakunsōsyāga ngapo umiana yula!”

²⁵⁶ Kangi akabalilo kako umwene afwege, abene balinkuntunya umwene; kangi untu gwake unnini umpelakisa, amabwe gikukoma ukulwana nu gwēne bo lula. Umwene alinkukēta mmwanya nukuyoba, “Une ngukubona Kumwanya kwīgwīke.” Agakunyenemusya a Maka gābōmbelāga. “Une ngukēta ku Mwānya kwīgwīke, kangi Yeso imile pa kiboko ikitalusye ikya Kyala.” Ikyo kyo iki a Maka gakunyenemusya gābōmbile kuli u Stafani.

²⁵⁷ Kētēsya umwīnitu uyūngi, āli na Maka gakunyenemusya aga, ingamu yāke āli Filipu. Umwēne āliswile fīyo na Maka gakunyenemusya. Umwēne āyaga nu lukulumba u lukomano ulunywāmu ukusuluka ku Samaria. Abōhēsī bayaga pakukagigwa panja. Abāndu balyōsigwe mu Ngamu ya Yeso Kristi. Abēne bāli nu lukomano ulwanaloliloli. Kangi u Mbepo aayobile ku mwene, o, u—u Lukini lukwīsa pāsī, kangi Ikyēne kilinkuti, “Sōkako ku lusasano ulu.” Loli ngimba abalumbilili bikuyobaga fiki? Kitikupela ubukindane bulibosa nabumo iki abene bikuyoba. Muketile? Umwene aliswile na Maka gakunyenemusya. Umwēne āli na peturolo, kangi u—u Lukino lwāgwāga pāsī pa mwēne. Kilinkuti, “Bukaga panja mu lulangalanga.”

²⁵⁸ Kangi umwēne ālimmwāgīle umfule pala, nu kummōsya umwēne nu Ngamu ya Yeso Kristi; u nnyāmbāla yumoywēne, uyu ālyēgīle i Ndumi ukusuluka ku Etiopia. Uko kotalusya? Kangi umwēne āpilikīle Kyala.

²⁵⁹ Mu kupilikila kwa Kyala, linga ugwe ukosigwamo siku mu Ngamu ya Yeso Kristi, bomba ikyene, kangi kētēsya a Maka gakunyenemusya gikukupimba ugwe mmwanya lēlo. Muketile?

²⁶⁰ Akabalilo kāko Stefani ābōmbīle ikindu ikikulumba iki . . . pamo, komma Stefani. Lōli Filipu ābōmbīle ikindu ikikulumba iki, ukuleka ulusasano ulukulumba lula nukupilikila ingomelesyo sya Kyala, akabalilo kāko umwēne āfwanikīsye, ukwīsila mu kwīsusya . . . Ukwīsila mu kōsya u mfule uyu, mu lupilikilo kwa Kyala, umwēne ālisusīgwe fīyo na Maka gakunyenemusya mpaka Ikyēne kilinkunyaka umwēne ukusōkāpo. “Ikyene kisa kunyenemusya umbili gwako ugwakufwa, linga u Mbepo uyu yuyo afyusisye mmwanya Yeso

ukufuma ku bafwe.” Ikyène kyālinyenyemwīsyē Filipu mpaka umwēne akābonike kuli lumo amamailosi mia na malongo mahano, ukukilania kubuyobumo ubūngi, ukukilania mu kīsu ikīngi. Ikyène kyānyenyemwīsyē umbili gwāke ugwākufwa. Ngimba umwēne ābōmbīle bulebule? Umwēne āliswīle fiyo na Maka gakunyenyemusya.

²⁶¹ O, Kipanga kya Kyala gwabumi, uswe tukabagīla ukwīma ukusyūngutila apa pa tubele-twa-sukali utunini utu uswe tukōnga ukusyūngutila apa umwīsyūgu. Uswe tukufimbilisigwa ukuya bīsusigwe kangī bīputāno lōsa, na Maka gakunyenyemusya, mpaka u kunyenyemusya kula Mbepo Mwikēmo! Uswe tukufimbilisigwa ukunyakiligwa, ilisiku limo, mu Kunyakiligwa kula. Ena, nkulumba. Amenī! O, mwe!

²⁶² Nhobokela ubuyobelo bula. Une nīnogonāga isya māma uyu ikutēndēka utusaka utunini tula, uswe twālisibīle, panongwa ya mwāna. Mwebamo ba umwe bamāma baiyolo mukukūmbukīla ikyēne. Akāna akanini akaiyolo kakufika kukukūta; ugwe kwēga u kofi yumo unyāno nu tusukali tumo, niēmba ikyēne lōsa mu kasaka kangī uno umwēne afipege pa kyēne, itolo ukunsūbisya umwēne. Gakayamo na maka mu kila. Ikyēne kisakungōga umwēne. Muketile? Yula ugwaiyolo kafeini nkati mula, ni fīndu, panini ukunogesya ukumpela umwēne ukumila ikyēne pāsī, ikyēne kikutwāla kafeini mwa umwēne.

²⁶³ Uswe tukatele ni findu fila bo ifyo. Gomokela kunyuma! Umwe mwe ingwasi; gomokela ku Lisyu lya Kyala! Yaga bāmīnyōfu; nakimo kibagile ukufulasya ubwīpīlike bwīnu, polelo umwe muli bābūke ukufuma fyōsa ifikosyasoni fya mūndu. Kilikyosa iki aligwesa ikuyoba ukulwana na ugwe, ikyo itolo kikutwala u lugano ulwingipo. Amenī. Kangī, a Maka gakunyenyemusya, unyakiligwe mu Fyakumwanya, i ngwāsī iyi yitalile yipululwīke pamwanya pa nguku, kubutali kula mabuyo Gakumwanya mwa Kristi Yeso! O!

Ikyēne āli Filipu. Kila kyālinyenyemwīsyē umwēne, kyalinyakile umwēne ukunsōsyāpo.

²⁶⁴ Unko uswe twēge u nnyāmbāla uyungi. Ālipo unnyāmbāla ni ngamu ya Enoki. Lilino, umwēne ālyēndīle ni Lisyu lya Kyala lililyōsa, ku fyīnja bamia bahano. Umwene āli nu buketi, ukuti, “Une ngaya na kabalilo kamokene aka nātōlīgwe i Lisyu Lyāke.” Umwēne alinkuya fiyo mwīsule na Maka gakunyenyemusya akabalilo kāko u Lukino lwālīntīkile umwēne, pa bula u Bumang’anyi, umwēne akālongdigwaga nu kufwa mma; umwēne ali nkwēgigwa mmwanya ku Kāya. Itolo alinkwānda u kwēnda. Umwēne āli fiyo. . . Ngati Filipu, umwēne āli fiyo mwīsusigwe na Maka gakunyenyemusya, mbuyo bwa kubūka ukukilania ku Gaza nu kubūka ku buyo ubūngi, kūko, abēne bālīmwāgīle umwēne ukufyūka nkati mu filoboko fyāpamwānya kula. Mbuyo bwa njila yila, umwene alinkubuka itolo, o, alinkuti, “Une ne

nnyambala nkangale, mulimosa. Une itolo ndinago amīngi fiyo a Maka gakunyenye musya, une itolo nisa kwēnda panja pa kisu.”

²⁶⁵ Ago go galagala a Maka gakunyenye musya aga uswe tilinago lululu lilino. Muketile, Ikyēne kisa kunyenye musya u mbili gwāko gwākufwa. Ngimba ikyo kikaya kitalusye? Ikyēne go Maka gakunyenye musya.

²⁶⁶ Enoki, nu buketi ubupelelesye bula, ukuti, “Kilikyōsa Kyala ālimbūlile une ukubōmba, une nābōmbile ikyēne. Kilikyosa iki une nkibwene Umwene āyobile kwa une ukubomba, une mbombile ikyene.” Kangi umwēne alinkuya fiyo mwīsule nu—nu Lukino, pamo—pamo Bumang’anyi, mpaka, akabalilo kākō a Maka gākunyenye musya gālīntīkile umwēne, u Bumang’anyi, Ikyēne itolo kilinkunsumuisya umwēne mulamula mmwanya. Umwene alinkwenda ukukīndilila ukusōkapo pa kisu, ku Mwanja.

²⁶⁷ Lilino, lilino kētēsya, pa Eliya. Ukufuma . . . Kēta, Eliya, u nsololi unkulumba yula, unnyambala mu lisiku lyake. Nhobokela une. Nkundwe, kalumbu, mu lisiku lila umwēne ābakolelenie bala abakīkūlu abapaka-kisyo, bala a baYesebeli na baAhabu. Kangi ālimile mpaka . . . Kangi nayumo, ābonekaga ngati, ālimile nu mwene. Kangi umwēne ākemile, nu kunyāfūla, nu kwīma pānja pala, kangi Kyala ālimpakikīsye umwēne nu kuntūla umwēne mu buyo bulibōsa. Umwe mumenye, umwinitu unkangale alinkuya nkatale ilisiku limo. Umwene alinkuti, “Une ngukangala, polelo une ngabagila ukubuka pabutalipo.” Umwēne ākīndililāga nkyēni, une ngusakisya, ifyīnja malongo mahano-na-mana mbukusi; nalōli nkāngāle, kangi ikwēnda ukusyūngutila pala, kangi umwēne ālisusigwe fiyo na Maka gākunyenye musya. Umwe mumenye fiki? Umwene ākētīle ukukilania Yorodani.

O Kyala! Une mbagile kifuki ukuketa ulubafu ulungi. Ngimba ukubagila ugwe?

²⁶⁸ Isusigwe fiyo na Maka gākunyenye musya, mpaka, umwēne ākētīle i gilēta litulikigwa ukukilania kula, i falasi simo isya Moto kangi i gilēta lya Moto, yitulikigwe ku kipiki kimo ukukilania kula. Umwene alinkwenda itolo ukukilania ikisōko nu kubūka ku Kāya, kisita nukufwa. A Maka gākunyenye musya kātumile, gāpelile i gilēta ukusuluka pāsi ukufuma ku Mwānya nu kūmmwēga umwēne mmwanya. Nukupimba ikijāsi kyāke nukusopa ikyēne ukugomokela kwa Eliya. Uko ko kotalusya.

²⁶⁹ Lilino, polelo umwinitu yula alinkupimba unselekesye gula, ikyakwegelela kya Kipanga kangi, muketile, alinkupimba unselekesye gula. Lilino, umwēne ābōmbile kabili-kōsa i fika, iki kyo kyākwēgelēla i Kipānga ni Kipānga. Muketile? Eliya ābōmbila fina; umwēne ābōmbile lwēle. Muketile, lilino, umwēne āli—umwēne āli maka mabili, panongwa yakuti umwēne āsūmīle kuli ilyēne. “Ifindu ifikulumbapo ukukinda

ifi une ngubomba mwisakubombaga umwe.” Muketile? Lōli umwēne āli fiyo mwisusigwe na Maka gākunyenemusya, na filifyōsa, mpaka umwene ābombīle fyosa ifi, kabili-kōsa, iki Elisha ābombīle, ukukinda mumo umwene ābombīle. Kangi ketesya, umwene ali nu bumi mpaka ukufwana ifyinja malongo lwēle pamo malongo mahano na mana mbukusi, umwene ali nkusi kangi umwene—umwene afwile. Umwēne alinkufwa, kangi abēne—abēne balinkummwēga umwēne pānja nukunsiyila umwēne.

²⁷⁰ Umwe mumenye, mulimōsa, a Maka gākunyenemusya gala gakālindekile umwēne. Ifyinja fīngi, fīngi ukufuma pala, akabalilo kākō u nyōfu gwābolile ukufuma ku fifupa fyāke, umwēne ālāmbalele nkati mwīpūmba limo. Kangi abene bapimbile unnyambala umfwano ilisiku limo, kangi abene balimbwene undugu, kangi abene itolo bāsopīle u nnyambala uyu pamwanya pa fifupa fya Elisha. Gālipo a Maka gākunyenemusya mīngi fiyo pa fifupa fila mpaka u nyāmbāla yula alinkunyēla mmwanya ku būmi kangi. O!

²⁷¹ “Ikyēne kisakunyenemusya umbili gwāko gwākufwa.” Palema nalinga mfwāno kangi mbolano mu lipūmba, kangi pōpe a Maka gākunyenemusya gala gāgonile pamwanya pa mfu gula. Aleluya! Uu! “Umwene uyu afyusisye mmwanya Kristi ukufuma ku bafwe yope anyenyemusyē umbili gwako ugwākufwa.” U Eliya kunyuma kula, Elisha na Eliya . . .

²⁷² Kumbukila, u nyāmbāla umfwāno yula, u nsololi yula, isusigwe na Maka gākunyenemusya gala, alāmbalele mu lipūmba kangi abolile ukumalika; gālipo mīngi fiyo a Maka gākunyenemusya, mpaka, abēne bāsopile u nyāmbāla umfwāno pa mwēne, umwēne alinkwīsa ku būmi. Umwēne ākālī ābagīle ukubika amaboko pa babine, bule umwēne? Amenī. Mwaketa lelo umwe.

²⁷³ Kangi kumbukilaga, uswe twe nyōfu gwa nyōfu Gwake, Yeso Kristi. “Uswe twe mbili gwa mbili Gwake, kangi ififupa fya fifupa Fyake.” O, yikayapo injila nayimo iyakusōkēla ukufuma ku kyene. Uswe twisakusyuka, kangi ikyo kyo kyosa. Ugwe kwisa kusyūka, ikyo kyo kyōsa.

²⁷⁴ Pāsa ikusanusya ukukinda itolo u lwiho. Ikyēne kyo kyōpe lilino, namanga imibili gyītu ginyenyemusigwe nu Mwēne kangi uswe tukwītūgāsya mmabuyo Gammwanya.

²⁷⁵ Kangi u mbili ugu gubagīle ukubola mu nyānja; ugwēne kubagīle ukubola mu mfu; pabagīle lumo ukusita kufwāna ubwisusye bwa supuni bwa malīto; lōli umwēne ikwīsa pānja. Kabuno, u Mbepo uyu āsyūsisye mmwanya u Ntwa gwāngu ukufuma ku bafwe anyenyemwīsyē umbili ugu ugwākufwa. Ikyēne kinyenyemwīsyē u mbili gwāgo ugwākufwa. Kangi uswe tuli bākukabapo Bāke ba busyūke Bwāke, insyuransī Yāke ya Būmi Bwāsyēpwa iyi une nguyobapo mbwīngi fiyo, umwe

mumenye. Yo nongwa Umwene alinkuti, “Komma ukutila.” Umwene abagile ukumanya.

²⁷⁶ Kabuno mumo Pauli áyobile, “Bufwe, kali kugu ukasufi kako? Lipumba, buli kugu ubuponjoli bwako? Une nîswile na Maka gâkunyenemusya. Ndaga kwa Kyala, Yûyo ikupa ubupônjólí ukwisila mwa Ntwa gwítu Yeso Kristi.” Ena, nkulumba! Gâkunyenemusya a Maka. O, mwe!

²⁷⁷ Umwene yo mûmi kwa bwilanabwila, “yulayula mmayolo, umwisyugu, na bwilanabwila.” Bahiburi 13:8. Kêtésya, Mesiya, umpakígwe Yula; momûmo yo Nsingiligwa Gwáke, u Mesiya-nkîkûlu, muketile, umpakígwe Yula.

²⁷⁸ Kêtésya, u bufwe butikwîmika a Maka ga Kyala agâkunyenemusya. Bufwe bukabagila ukwîmika Ikyêne. Akabalilo kâko ugwe ulinakyo Ikyêne, Ikyêne kyo Kyâsyêpwa. Kukayako nakimo kikuyaga pakukyîmika Ikyêne. Ugwe ukabagila ukukoleka Ikyene; ugwe ukabagila—ukabagila ukubomba nakimo ku Kyene. Ugwe kwîtûgàla u bûmi bwâko pânja, ikyo pôpe kitikwîmika Ikyêne; itolo bo bununu bo mûmo Ikyêne kyâli.

²⁷⁹ Ketesya, Mõse îswile na Maka gala amanyenyemusye. Ngimba umwene âli? Umwene aali nsololi uyu i Lisyu likwisako. Umwene aali kiyabo kya Lisyu. Umwene aali Lisyu lya lisiku lila. Ngimba ikyo kitalusye? Kangi ukufuma pâpo umwêne âfwîle, ifyînja bamia lwele, pa Kyâmba Lwânduko, pala umwêne âlîmîle, na Eliya. Uko ko kotalusya? A Maka gakunyenemusya, bufwe butikwêgamo siku Ikyêne ukusôsyâpo. Umma, umma. “Une nîsa kusyûsya ikyêne mmwanya kângi.” A Bândûmi bikwîsa; bâlinsyîlile umwêne pâsi pala mu kikoga. Umwêne âbolile kangi akîndile, ififupa fyâke fyâkîndile, na filifyôsa ifîngi, lôli a Maka gâkunyenemusya gakâli gâli pala. Ikyêne kyâlinsûmwîsye umwêne nukuntwâla umwêne kula. Kangi pala umwêne âlipo, imile pala. Kêtésya.

²⁸⁰ Ugwe kuyoba, “Ngimba ikyo kitalusye, Nkundwe Branham, ukufuma pa fyinja bamia lwele?” O, mwe!

²⁸¹ Linga umwe mubagîle ukubala mwa Matai, une ndinalyo i Lisimbo, Matai 27:51. Umwe mubagîle ukusîmba, ukusimba îlyêne pâsi. Akabalilo kako bosa bala kunyuma kula, aba balitike ukuti Umwene ayaga pakwisa. . . Ili Bangeli liyobile apa, bo Umwene isile, abene baali bikugona mu mfu. Amanyenemusye a Maka gâli pamwanya pa bêne, kangi abêne bâli kiyabo kya Mwêne, abîkêmo bala. Abêne bâli kiyabo kya Mwêne, panongwa yakuti abêne bâlitîke pa Mwêne.

²⁸² Nukwitendekesya abêne bâli nu Bûmi bula, ukwisila mu likemo lya ng’osi, uluhombo, iki kikabagîlêmo siku ukutwala imbepo ya ng’osi ukugomokela pa mûndu. Bule isya lilino nu Mbepo gwa Mundu, Kyala Mwene, pa ugwe, muketile, go Maka gâkunyenemusya gâkôngelelâpo malinga

uswe tuli nago! Lōli ukwīsilā mu luhōmbo kuli ubutulwanōngwa kwāpēgigwe a kang’osi, mu kwēgelēla. Iki uswe tuli nakyo kikaya kyākwegelēla; ikyēne kyo kilwana-ni-kyākwegelēla. Ngimba uswe tukutila fiki? Kangi abinitu bala aba bāli nu luko lwakwimilīla, ukusosola ku busyūke Bwāke, nukubūka kula ku lipūmba ni lyēne.

²⁸³ Bo u Yobu kunyuma kula āli pāsi pa lulūsānio ulukulumba, mwe, kilikyōsa kyēgigwe ukufuma ku mwēne! U mōhēsi āyobile, “Unko une nje nagwe umwēne. Une nisa kumpela umwēne ukukuguna Ugwe ku kisyo Kyāko.” Kangi polelo umwēne alinkwābula.

²⁸⁴ Alinkuti, “Komma ukwega ubumi bwake.” Kangi umwene ābombile (umwene) fyosa loli ukwega u bumi bwake.

²⁸⁵ Kangi unkasi gwake alinkusanukila ukulwana nu mwene. Alinkuti umuyi gwake gulinkuya nhesya ku mwene. Mmasyu agāngi, umwēne—umwēne āngāli alinakyo nakimo ikyākubōmba nu mwēne. Umwēne akālinganile umwēne kangi mma, itolo ukungūtīla umwēne kubutali. “Yobu, ugwe kupela kisa! Fiki ugwe utikunguna itolo Kyalā, nukufwa?”

Alinkuti, “Ugwe kuyoba bo nkikulu ntoyofu.” O, mwe!

²⁸⁶ Muketile, umwene ākolīle kulakula ku iki umwene aalinakyo. Lilino, umwene aali nsololi. Umwene alinkuti, “Une ngaya ntulanongwa mma. Une ndwele ilikemo ilipīgwe.” Ameni. Umwene aamenye apa umwene aaliimile. Umwene aali pa Lisyu. Kali abangi baayobile fiki, umwene aali palapala pa Lisyu. Polelo isala ingulumba yila. . . Alinkuti, “Ugwe kuyoba bo nkikulu untoyofu.” Umwene alinkuti, “U Ntwa apele, u Ntwa asosisyepo; fiki, yisayigwege i Ngamu ya Ntwa!” Alinkuti, “Une ngwisa nkisu iki kisita kalikosa. Une nisile kuno, gwangelebune, une nisakusooka panja injila yilayila. Yisayigwege i Ngamu ya Ntwa!” Itūgēsye pala, akonywīke lōsa mmalyūlu, abāna bāke bafwile, umwēne āli ntikigwe-nu-bulōndo, kangi abīnāke bāke bōsa bāsanwike ukulwāna nu mwēne, abakipānga bāke, filifyōsa ifīngi, ikwing’wāla mwēne ni i. . . Kangi kyo mpelankisa nki untolwe! Nayumo gwa umwe mukīndīlemo siku mu ikyo tāsi. Pōpe, umwēne ākolīle ku Lisyu lila.

²⁸⁷ Umwēne āli swanga. O, mwe! Ugwe ukabagīla ukukyūnga ili ikikīngo pamwanya pa fisige fyāke akabalilo kōsa. Umma, umma. Pakabalilo kamokene, imile pa Lisyu lila, ngimba fiki fyabonike? Imyanya gilinkusubula kunyuma, ifilunduma filinkwanda ukulunduma, injasi yilinkwanda ukumwekuka, kangi Yobu alinkuketa mmwanya kangi alinkuyibona imboniboni, alinkuti, “Une mmenye u Ntabuli gwangu ali nu bumi. Ku masiku gabumalikisyo Umwene isakwimaga pa kisu iki. Kangi palema nalinga ukufuma pāpo ifwīngili sya nkipapa syonāngīle umbili ugi, ififupa na fyōsa, a Maka gākunyenemusya gala gisakuyaga pala. Une nisakumbona

Kyala pa nimwene, Yūyo une nisakukēta kwa nimwēne. Amaso gāngu gisakwīsa kēta kangī komma uyūngi.” Ngimba uko kutalusya? “Palema nalinga indepa syāngu siyege silyēkigwe nkati mwa une, palema nalinga ukufuma pāpo ifwīngili sya nkipapa isi sili mu mbili gwāngu lilino, sisakugōnānga ugwēne.”

²⁸⁸ Umwe mumenye, ifwīngili sya nkipapa sitikwīsa kwa ugwe. Ifwīngili yila yitalile yili mwa ugwe, isyāko gwīmwenē ifwīngili sya nkipapa. Ngimba umwe muketesisyemo ikyo? Ukukubīka ugwe mu ibokosi, kangī bīka ilyēne likupililigwe kisita mbepo mōsa; i mbāni sisa kukulya ugwe mōsa, itolo kifwēne, ’nongwa yakuti isyēne sili mwa ugwe. Ugwe gwe itolo kipambo kya mbāni, ukwānda itolo na, nkati mula.

²⁸⁹ “Palema nalinga ifwīngili sya kipapa, ifwīngili syāngu sya kipapa sikunyonanga une, umbili gwangu, loli mu mbili gwangu une nisakumbona Kyala.”

²⁹⁰ Kangī pa lubunju lwabusyūke lula! Lwimiko! Aleluya! Matai, unsīmbi unkulumba uyu, 27:51, alinkuti, “Ukufuma pāpo Umwēne āsyūsīgwe ukufuma ku bafwe, ukuti abikēmo ba Lwītikāno Ulukúlu, bingi ba bala aba bāgonile ndufumbi lwa kīsu, bikufyūka ukufuma ku lipūmba, nukwingila nkaya nukubonekela ku bingi.” Gala a Maka gākunyenyesya, gākāli pa fifupa fya Eliya akabalilo kako fikaliko ififupa kangī’mma, gākāli pa Yobu akabalilo kāko lukālipo ulufūmbi ulwakwīsūla isupuni lusyēle ukufuma ku mbili gwāke. Lōli a Maka gākunyenyesya gala gākāli gāli pala.

²⁹¹ “Linga u Mbepo uyu uyu ansusisye Yeso ukufuma ku bafwe ikwitugasya mwa ugwe, Umwēne isakunyenyesya umbili gwāko gwākufwa.” Kētésya, nakalinga lilino.

²⁹² Ugwe kuyoba, “O, une ngunyonywa une nālītūgésye kunyuma...” Umwe mukwitugasya nkabalilo akanunupo. Lilino linga umwe mwesa...

²⁹³ Une nguketa umwe mukusimba pāsi a Masimbo gamo. Umma ndaga, sīmba pāsi Batesaloniki Gwakwanda 4:16. Kētésya bo bumogi buki, muketile. Mu i... “Abikemo, bala aba bagonile mwa Kristi, Kyala isakutwalaga nu Mwene,” muketile, abikemo mwipumba, bikutusya. Bo yu Eliya āli; bamo bo yu Elisha āli; muketile, bamo mwa bene bikusūsīgwa, bamo bisakusōsīgwa, bamo bisakuyāga mu lipumba. Abēne bisakubūkāga nu Mwēne. “I Ngangabwite ya Kyala yisakukūta, kangī abafwe mwa Kristi bisakusyūka tasi. Kangī uswe twe tuli bumi kangī tusyele twisakunyakiligwaga palikimo na bene, ukwakwagana nu Ntwa mmwanya.” A Maka gākunyenyesya pa būmi; a Maka gākunyenyesya pa bafwe. Muketile?

²⁹⁴ Galagala gala a Maka gākunyenyesya ga Kyala gatwāligwe mu bōsa-babili ba basololi aba. Kēta ku ngamu syabo, syo kifuko sifwēne, Elisha, Eliya. Muketile u Nsingilīgwa nu Ndume? Yumo mwa bene yo Tata Yeso; uyungi yula yo Nka.

Yeso. Umwe muketile, kifuki kilakila, itolo—itolu pakati pa—pa Umwene na Umwene. Muketile?

²⁹⁵ Eliya, kangi kéta mumo ikyene kikwimililigwa apa. Lilino, Elisha... Alyégigwe mmwanya mu bunyakiligo, ikwimila i Kipanga, umma ndaga, Eliya; kangi Elisha átúsísyé mpaka ubusyúke. Muketile? Ikyène kyo itolo ngati njuni, yikulóndígwa amapiko mabili ukwiyímika mwène. Muketile? I Kipanga kyámililigwe palapala pala mu basololi babili bala. “Kabuno uswe twe tuli búmi kangi tusyéle ukufika ku kwisa kwa Ntwa, tutisakupínga abéne aba bikugon’utulo; kabuno i Ngangabwite ya Kyala yisakukuba,” amapiko gósa-mabili gikwísaga palikimo, kangi uswe twisakupululuka ukusókàpo, haleluya, ukupululuka ukusókàpo. Nongwa, (fiki?) nkati mu búmi, pama bafwe, gala a Maka gākunyenyemusya gakáli gikwítúgala.

²⁹⁶ Kètésya. Kumbukilága, kumbukilága lilino, abasúmwsísyé ukukéta iki ifindu ifi fili. Kètèsya a Maka gākunyenyemusya a lisiku ili. Kumbukilaga, uswe tunyenyemusígwe. Pakaya patali fiyo, kuli ubutùli. . .

²⁹⁷ Kangi une—une ngwinogona u Ntwa gwítu áyobíle, kangi yópe ábómbíle Pauli, “Iki u Tāta álināngísyé une, Une ngakolelile nakimo kunyuma. Une ngubabúla umwe.” Kangi mmasiku aga agabumalikisyo akabalilo káko uswe tukukéta a Maka Gáke gākunyenyemusya pamwanya pa uswe, Umwène nu kutupa kwa uswe a Maka gākunyenyemusya, ukukéta ababine ukubúmbulusígwa. Uswe tukétile a Maka Gākunyenyemusya gikubómba pakati pa uswe, ngati Ikyène kyáli akabalilo kala pa béne mmasiku agapabwāndilo, muketile, muketile Ikyene kikutwala kunyuma ukwisila mu mboniboni nukusyusya abafwe, muketile Ikyene kikupela ababine ukuya kanunu.

²⁹⁸ Ilisiku limo une nambúlaga yumo, unnini Donavon Weerts apa, une ngusakikisya mwesa mumenye umwene. Une náli mmwanya ngufwíma nu mwene. U mwinitu unnini. . . Umwene yo miana nnunu nnini. Umwene ikwisa apa ku kipanga. Umwene isa. . . Itolo umwinangu unnunu fiyo. Kangi umwene itolo. . . Umwene alinkuti, “Ngálondile ukukutamia ugwe.”

²⁹⁹ Une ndinkukéta, kangi imbulukutu yáke, yilinkusanuka injila yósa, nkati pánja. Kangi une ndinkuti, “Ugwe ulinkafu, Donavon?” Mmwegile itolo umwene pa kiboko, bo *ulo*, kangi kansa. Une ndinkuti, “Donavon, kyo fiki iki kitamisyé ni mbulukutu yako?”

³⁰⁰ Umwene alinkuti, “Ngamanya, Nkundwe Branham. Ukufwana imyesi mihano-na-gumo, imyesi mihano-na-mibili, kangi itolo ikumilisia ukuya. . .”

Une ndinkuti, “Nongwa ya fiki ugwe ukáyobíle ikindukimo isya ikyène?”

301 Alinkuti, “Une—une ngālundaga ukukutamia ugwe, Nkundwe Branham.”

Une ndinkuti, “Ngimba ugwe umenye iki ikylene kili?”

Alinkuti, “Une ndinayo i fundo.”

302 Une itolo ndinkubika ikiboko kyangu pa mwene, ngayobamo siku i lisyu. Amasiku mabili ukufuma pala, likālipo ni likoko limo. Ngimba ikyēne kyo fiki? A Maka gākunyenyemusya, muketile, Ikyēne kisa kunyenyemusya umbili gwāko ugwākufwa. Imbulukutu yāke āngāli yilyēkigwe, u bōngo bwāke āngāli bukilandile, muketile, umwēne āngāli afwile. Lōli, a Maka gākunyenyemusya! Muketile?

303 Kangi ilisiku limo akabalilo kāko une nākatele, nimwēne, kifuki... Une ndinkuti, “Linga ugwe... Ndumiana, ugwe kinunupo kindililāga, ugwe uli ni fyinja malongo mahano mbukusi. Ugwe, linga ugwe kubombaga kalikosa kwa Ntwa, ugwe kinunupo uyege mwēngo nu kubōmba ikyēne. Ugwe kuya nkangale.” Muketile? Kangi pala ulubūnju lula, a Maka gākunyenyemusya gikwisa, kangi Umwēne alinkunyitikisya une ukukēta pamwanya pa kikīngo, kangi une ndinkubabona bōsa ba mwē ukukilania kula. Uu-huu. Muketile? Umwene alinkuti, “Fyōsa ifi ugwe gwafiganilēmo siku, kangi fyakuganile ugwe, ifyene fikupigwa kwa ugwe.” Muketile? Une nababwēne bōsa ukukilania kula bo lula. Ngimba ikyēne kyāli fiki? Maka Gākunyenyemusya.

304 Yohani u nsetuli ālisusigwe iswīle na Maka gākunyenyemusya, uyu ālīmīle mmwanya kangi ākētīle u bumalikisyo ukufuma ku bwāndilo.

305 Yesaya aaliswile na Maka, kangi aalimile pala nukumbona u Fyinj’elifu na fyosa.

306 Maka Gākunyenyemusya! “Kangi linga Mbepo uyu aafyusisye Kristi ukufuma ku bafwe, ikwitugasya mwa ugwe, Ikyēne kisa kunyenyemusya umbili gwāko ugwākufwa... umbili gwākufwa.” Kumbukilaga, a Maka gākunyenyemusya!

307 Kēta iki uswe tukētīle mu lisiku ili. A Maka gākunyenyemusya gīsile kwa uswe, ukwīgūla i Fungilo Sihano-na-sibili. Ngimba ikyo kyāli fiki, amahala ga mūndu yumo? Umma, a Maka gākunyenyemusya ga Kyala. Muketile, a Maka gākunyenyemusya ga Kyala gāyobile-ngāni iki āngāli kikuboneka pa buyo. Muketile, a Maka gākunyenyemusya ga Kyala gāpelile i kīsu ukubīkil’ubukēti ku Kyēne, ikyēne kyo Bwānalōli. U Gwandumi gwa Ntwa, une nababulile umwe, ālipo ukusyūngutila, mu Mbanda ya Moto; a Maka gākunyenyemusya galinkwītīkisya i kīsu ukubīkil’ubuketi ukuti Ikyēne kyo Bwānalōli. Kangi, mu ikyo, abēne bakāmenye iki Ikyēne kyāli; kangi uswe twāmēnye, itolo kēta injila *iyi*, kangi Ikyēne yo Ntwa gwītu pamwanya pala, umwe muketile.

308 Umwene yo Yuyo Uyu āligwīle i Fungilo sila. Umwene yo Fūngilo sila, panongwa ya Lisyu lya Kyala lyosa, kangi Kristi yo Fūngilo isi syāligwīke. Ngimba kyo fiki ukwīgula kwa Fifūngilo polelo? Ukusetula Kristi.

309 Kangi a Bāndūmi bahano-na-babili abakulumba, aba bīmīlīlāga i Fipānga Fihano-na-fibili fyosa fimalike, kangi uswe tukābagile nukukibona Ikyēne. Abēne bābōmbīle, abēne balinkwēga ikipīcha, komma uswe. Kangi pala Umwene alipo, imile pala, Ndongi gwa Gwapamwanya; ukunangisya ukuti Umwene yo Alfa na Omega, u bwandilo nu bumalikisyo. Ko kwīlingānia kuki! Maka gākunyenemusya gābōmbile ikyo kwa uswe.

310 Maka gākunyenemusya gītīkisye uswe ukukēta ukwīsa Kwāke. Maka gākunyenemusya gatunyakile uswe ukufuma ku bufwe ukubuka ku Būmi. Maka gākunyenemusya gikupa ukumanyila-ngāni; ukumanya kyo fiki kyo kisobi na ugwe, ni kyo fiki kyākubōmba; iki ugwe ubombile, kangi iki ugwe ukaalondigwaga ukubombigwa; kangi iki ugwe ubagisenie ukuti ubombile, kangi iki ugwe kuyaga. Maka Gākunyenemusya, fyosa ifindu ifi!

311 Gwītu Ntwa Yeso yo fīyo īswīle na Maka gākunyenemusya, Umwēne āli gōsa ga Ikyēne, palikimo. Umwēne āli fīyo īswīle na Maka gākunyenemusya, Umwēne āyobile iki, “Umwe bongotola u mbili ugu, kangi une nisakusumunya ugwēne mmwanya mmasiku matatu.” Yoba isya lwīsūbilo mu Maka gākunyenemusya! “Bongotola umbili ugu, kangi Une ngwisa . . . i tempeli iyi, kangi Une nisakuyitwāla iyēne mmasiku matatu.”

312 Fiki, nongwa ya fiki Umwene abagile ukuyoba ikyo? Umwēne āmēnye ukuti ikyēne kyāsīmbīgwe isya Mwēne, muketile, ukuti ikyēne kyāsīmbīgwe kya Mwēne, ukwisila mu Lisyu lya Kyala ili likabagile ukutolīgwa. I Lisyu lyāyobile, “Une ndisakwitikisya u Mwikemo Gwangu Yumo ukuketa ububole, kangi ndisakuguleka u moyo Gwake mu gehena.” Kangi Umwēne āmēnye ukuti gala a Maka gākunyenemusya āngāli gikusumunya Umwēne mmwanya, ukuti pala āngāli patikuyapo akambakasya kamokene kabolile.

313 Umwene alinkuti, “Umwe bongotola i tempeli iyi, kangi Une nisakukitwāla iyēne ukugomokela kangi mmasiku matatu.”

314 Fiki? Ubwēne bwāli busololi, i Lisyu lya Kyala. Kangi ubusololi, linga Ilyēne lyo Lisyu lya Kyala ilyabwanaloli, likabagīla ukutolīgwa. Kangi ubusololi bulabula kangi i Lisyu lya Kyala ili lyāyobile Umwene isakunysusya Umwene, likuyoba ukuti uswe tutalile tufyusīgwe nu Mwene. Yo nongwa Umwene alinkuti, “Komma ukupasya.” Kangi ukwene kusimbīgwe, ukuti, “U Mbepo uyu ali lilino, aali mwa Umwene, lilino mwa uswe, yope ikunynemusya umbili gwitu ugwakufwa.” Lutēnde mma,

mwĩnàngu, u M-w-a-n-u-n-d-u-m-w-a-na asòkìle mmwanya. U Mwanundumiana asòkìle. Umma . . .

³¹⁵ Lilino kèta ku busanuke. Uswe twāli, aligwesa, twimililigwāga pala. Kwāliko u bīkémò aba bāli nu būmi aba banyakiligwe, ālipo u Eliya imile pala; kangi pala pālīmìle Mōse, abīkémò abafwe bīmìlìlì- . . . Kangi, bosa-babili ba abēne bāli na Maka gākunyenyemusya. Kali yumo āfwile, kangi u yūngi akāfwile, abēne bōsa bali pala.

³¹⁶ Ketesya, o, keta ifi uswe lilino tukukéta mmasiku ga bumalikisyo aga. Ikindu kilakila iki Umwene áfingile, Yohani 14:12. Lilino kéta . . . [Ubuyo busitakandu pa tepi—Nsimbi.] Naloliloli.

Abāndu bikuyoba, “Ugwe kwīyobéla ukuya na maka?” Umma, umma, umma.

³¹⁷ Uswe tuli itolo bo bēne ku Kyāmba Lwānduko, muketile. Naloliloli, uswe tutikwīyobéla a maka. Lōli, uswe, mūmo—mūmo abēne bāli . . . Pa Kyāmba Lwānduko, abēne bakāyobāga, Mōse, ukuyoba, “Muketile ywāni, keta ywāni une ndili,” abafūndigwa bikuyoba, “keta uyu une ndili, keta uyu une ndili.” Umwe mumenye iki kyāboníke? Kētésya, abēne bālìmbwéne Yeso ìmikígwe. Ikyo kyo kyōsa abēne bālōndága ukukéta kìmìlìligwe, Yeso ìmikígwe.

³¹⁸ Kangi momūmo kiyilile ikyene umwisyugu, uswe tutikugela ukuya mundu yumo unnywamu. Uswe tutikupasya iki abandu bikuyoba isya uswe. Ingamu yitu yikaya nakimo; iyene yo Ngamu Yake. Ubumi bwitu, ikyene kyo nakimo; ikyene kyo Bumi Bwake. Ikyēne kyo Maka Gāke, komma a maka gītu. Kangi kilipo ikīndu kimokyēne ntiga iki uswe tukiganīle ukubōmba, ko kumbona Umwēne ìmikígwe. Kangi ikyene kikuyaga bulebule? Akabalilo kako Umwene ìmikígwe mwa uswe, ukwisila mu busyuke Bwake ubu buli mwa uswe. Uswe tukumbona Umwene ìmìlìligwe kangi mūmo Umwene aali, umwisyugu.

³¹⁹ Ngimba umwe mupilikisye kila? Muketile, ikinyonywo kyītu kikaya ukuya bīmìkígwe. Ikinyonywo kyītu kikaya ingamu yimo inywāmu mma. Ikinyonywo kyītu kikaya ukufyūsya i kipānga kimo, pamo ukupela bīngipo mu sukulu ya pa Ndungu, pamo kugela ukutwāla nkati, ukupīnga-mbupinye, ukugutìla nkati, ukupa ikibunganie kya pikini, pamo ukutwala indondwa, utulumiana pa sekelo, pamo ikindukimo ikingi bo ikyo. Ikyo kikaya kinyonywo kyītu. Ikinyonywo kyītu kyo kukéta Umwēne ìmikígwe. Mwimikigwe, (fiki?) komma nu bwitūfyebwa-gwimwene; loli mwa uswe, u bumi bwitu, ukusisimikisya Umwene yo mūmi kangi mūmi mwa uswe.

³²⁰ Linga une mbagile ukwīyēga nīmwēne panja pa njila, ukuti akabalilo kāko William Branham nukwīnogonelako mma, kangi ugwe komma ukwīyīnogonelaka mma, mpaka uswe tubagile ukukéta Yeso ìmikígwe pakati pa uswe. Kéta Umwēne,

ikyo kyo kinyonywo kyĩtu. Ikyo kyo i gākunyenyē- . . . kikupa uswe a Maka gākunyenyemusya. Kangi ikyene kikutupa uswe ubuhobofu, ukumanya ukuti uswe tuli nu Mwene, fyosa-fibili mbili ni kifupa kya Umwene, ukuya Nsingiligwa gwa Umwene; kangi ukuketa injila silasila Isyāke isisimikisigwe, ukusisimikisa mwa uswe ukuti Umwēne yo lilino asyūkile ukufuma ku bafwe. Muketile?

³²¹ Yo nongwa Umwene āyobīle, “Ulutende mma”, kabuno lilino, kētésya, uswe tutabuligwe nu Mwene, kangi lilino tusyūkile nu Mwene. Ikyo kyo iki Pāsa ikusanusya ku bāndu, “tusyūkile nu Mwēne”! Ketesya. Lilino uswe tuli nu Mbepo Gwake mwa uswe, ifikalata fyabwenenafyo fihombigwe lōsa.

³²² Umma, ugwe utikuyoba, “Ena, une ngusubila une ngufwānisyaga ikyene.” Ugwe utalile ufwānisye ikyene. Komma, “Une nīsa kukitēndekága ikyēne.” Une ndalīle ndēndīke ikyēne. Une ngatēndekémo siku ikyēne; Umwēne ātēndīke ikyēne kuli une. Muketile? Komma une; Umwene! “Ena, Nkundwe Branham, abene bikuyoba. . .” Une ndikupasya iki abene bikuyoba. Pala Umwene āfwānisye ikyene, kuli une. Ikyo kyo kyōsa une ngulōnda, une ngupākisyapo.

³²³ Une itolo—une ngulonda ukumbona Umwene ikwibonesyāmo. Ngimba ugwe ubagile ukukibomba bulebule ikyene, ukunkōléla Umwene pāsi? Umma. Umwene ali mwa ugwe. Muketile, Umwene ali mwa ugwe. “Ena, polelo, Ntwa, linga une mbagile ukwīyèga nīmwene panja pa njila, Ugwe ubagile ukwibonesya. Nimwene. . . Ngimba Ugwe ubagile ukubomba bulebule ikyene? Panongwa yakuti Ugwe gwāsayile ikyene lūlo. ‘Bosa aba Tāta ambele Une bisakwisaga.’” Kētésya. Lwimiko!

³²⁴ Nu buketi bōsa bula bubūnganisigwe, na uswe lilino ulubūnju ulu, o, une ngwīnogōna isya lwimbo lula:

Pa lubunju lula ulwabusyūke,
Bo ingubo sya bufwe sisa kulepulgwa,
Uswe twisakusyuka, (Aleluya!) uswe
twisakusyuka.

³²⁵ Umwe mukwitika ikyo? Uswe twisakusyuka! Mwa Umwēne uswe tukuya kiyabo kya Mwēne, u Paasa, ikyakubutĩtu ikisetuligwe ikya Kyala mūmo ikyēne kyāli akabalilo kala, ikya Būmi ukufuma ku bufwe. Uswe tuli lilino būmi, bābo bāli akabalilo kamo bafwe mu butulwanongwa ni ngilanio. I Fungilo yābwanalōli iya Paasa yibongotwīle ubufwe ukufuma kwa une, kangi une ndi mumi. I Fūngilo ya Pāsa, ku bwāndilo, yābongotwīle i fūngilo ya fūngilo ya Roma, i Fūngilo ya Pāsa, ukuti Umwēne āfūngililigwè mōsa. Kangi abanyambala, akabalilo kako abene baafwile, baakindile; loli Umwene alinkulasulania ikifungilo nu kusetula isyakusofu. Kangi lilino Kyala, ukwisila mwa Mbepo Mwikemo Gwake,

alepwile ikifungilo ukufuma ukusyungutila ubumi bwitu, kangi Kristi asetuligwe kabuno Umwene ikwitugala mwa uswe, kabuno lilino uswe tunyenyemusigwe nu Mwene. O, ilyani ukufuma pa lyani!

Uswe twisakusyuka, (Aleluya!)
 Uswe twisakusyuka! (Ameni!)
 Pa lubunju lwabusyuke lula,
 Bo imbaso sya bufwe sibongotwike,
 Uswe twisakusyuka, (Aleluya!) twisakusyuka.

³²⁶ O, ngimba umwe mukahoboka! Une nsangalwike fiyo! Kubutali kunyuma kula, mu kanini akasyenga ka malasya ulubunju lumo, ifungilo syalepuligwe, kangi une nasyukile nu Mwene, ikipeligwa ikipya. Maka Gake gakunyenenyemusya; u Mwanundumiana asokile.

³²⁷ Pakaya patali mma, une nabuligwe akapango akanini aka u—u ndobanswi. U mwinitu yumo asokile panja kangi alinkumwingsy'imbombo u ndobanswi unkangale ukummwegela panja iswi pa Kiloboko Kyakubwngililo. Abene balinkubuka panja ulubunju lula.

³²⁸ Linga aligwesa gwa umwe mulobileko panja pala kuli i mbasa, fiki, umwe mumenye ifi fikubombigwa, icyene kikufukapo ukuya naloliloli kwakifunienie panja pala. Une ngumbona ukundwe gwangu unnini, Eddie Byskal, pasi pala, undumbilili ku baMwenye panja pala. Kangi uswe twalobile, twibene, panja pa fila ifiloboko.

³²⁹ Popapo u ndobanswi uyu ali luko lwa nsitakumanya, umwe mumenye. Umwene abukile ukuloba, kangi abene balinkusema panja. Ukugulila ku bwelu ukwisa, umwe mumenye. Kangi abene—kangi abene balinkutoligwa ukupilika ingangabwite-yakifunienie kangi mma, kangi u ndobanswi uyu alinkuya losa gwulutende, alinkuti, “Yoba, uswe tukusemela panja kwa sumbi! Hey!” Alinkuya losa gwulutende.

³³⁰ Umwene alinkuti, “Ikala pasi, mwanundumiana. Itugala pasi.” Undobanswi ugwaiyolo, kimyemye, umwe mumenye. Umwene amenye iki umwene aayobaga. Alinkuti, “Gulila itolo mpaka ilisuba likufyuka mmwanya, polelo uswe tubagile ukuketa kuko uswe tuliko.”

Ugwe kuyoba, “Ngimba une mbagile ukuya gwa Methodist? Baptisti? Pentekosti?”

³³¹ Gulila itolo. U Mwanundumiana ikwisa mmwanya, uswe twisakuketa kuko uswe tuliko. Umwene yo Lisyu. Gulila mpaka ugwe kuketa i Lisyu likubonesigwa, likumulika ukukilania u Luyungu, i Kikose ikiyuganie, uswe twisa kuketa kuko uswe tuliko. Ngimba ugwe unganile Umwene?

³³² Nsobile une mbakyungile umwe pakatali aka. Balinga ba umwe mukuyaga pakusyala ukukilania kuli ikilo iki? O,

gomokela kunyuma kangu polelo, namayolo aga, muketile. Kifuki isala ya buhano-na-bubili? Ngimba ugwe uli nagwe umunduyumo uyungi? [Nkundwe Neville ikuyoba, “Umma.”—Nsimbi]

Unko uswe twinamisye imitu gyitu.

³³³ Ngimba alipo yumo apa, pamo bingi, uyu akaya nago a Maka gākunyenemusya mwa ugwe? U Mwanundumiana amulike ukukilania, kangu gwītūgèsye mi kipānga iki, ugwe upilikisye ku matepi, kangu pōpe u Mbepo akakunyenemusyāmo siku ugwe mpaka ugwe gwābagile ukukōnga i Lisyu lya Kyala, ukuti umwe bakikūlu kangu umwe banyāmbāla mubagile ukupilikila i Lisyu lililyōsa ili Umwēne asimbile! O, ikyo kyo kindu kibibi. Bule linga ugwe kuyaga u luyungu ulufwano, kisita Bumi mwa ugwe? Lōli kilipo ikindukimo mwa ugwe, iki kikukubūla ugwe, “Une—une ngulōnda ukufyuka, ulubunju ulu. Une ngulonda ukufyuka ukufuma ku buyo ubu une ndimo. Une ndikulōnda ukuya itolo mbeyu infwāno, ukulekigwa ku mfu ni kisinga-kibolano. Une ngulōnda ukusyūka.”

³³⁴ Ngimba ugwe kufyusyaga ikiboko kyako, yoba, “Nyīputila une, nkundwe”? Kyala akusaye ugwe. Kyala akusaye ugwe. Mwe, keta amaboko; yikayapo injila napanandi kuli ukukōlēla kwa pa kigemo. Iki uswe tukukikōlēla ukukōlēla kwa pakigemo, abandu bikwisa pala ukusyungutula i kigemo, une ngaya fiyo mma pa kyene, mulimosa. Ikyo itolo kyalyōngeleligwēko ku kipanga mmasiku ga lusasano lwa Methodisti. Muketile?

³³⁵ Ili Bangeli liyobile, “Mumo bayilile ubwingi aba bitikaga,” muketile, “balinkosigwa.” Kilipo ikitubwi apa, kiswile na misi, kikugulila ku mwīgāne aligwēsa uyu itendekisye ukufwa ku bwene.

³³⁶ Lilino, ugwe ubagile ukusyiligwa nkati, utubalilo twingi, mu Ngamu ya Ntwa Yeso; lōli mpaka u luyungu lula lo Būmi, muketile, Ikyēne kitisakunyenemusya ikyēne. Umma, umma, umma. Losyo lwa misi luli bo ndungwa iyi yāgwile ukufuma kumwanya; iyēne yibagile ukugwa pa luyungu, lōli, bukapapo u Būmi pala, iyēne yikabagila ukuya nu nyūmi.

³³⁷ Loli linga ulōsyo lwanaloliloli lula ulwa misi, ulwa bufwe kwa gwimwene, kangu umwe mwitendekisye ukufwa ku kilikyosa iki umwe mumanyisigwemo ni fimanyisyo ni fipanga-fipāgūke, iki kikukīndana ni Lisyu, kangu ugwe kwisa kwēnda ukuya mwanundumiana pamo mwanundīndwāna gwa Kyala, kangu ugwe kusanusya ikyēne mu ndumbula yāko, kētēsya iki u lōsyo lwa misi lula lukubōmbāga kwa ugwe ulubunju ulu. “Pinduka, aligwesa gwa umwe, kangu ōsigwāga mu Ngamu ya Yeso Kristi ku busyūle bwa busobi bwāko, ubutulwanongwa bwāko, kangu umwe mwisa kwāmbilila i Kikose, ikyabupikiyuganigwe. Ugwe kwisa kwāmbililaga u Lukino, Mbepo

Mwikemo. Kabuno ulufingo luli kwa umwe, kang'i bosa abene. Ku ngulilo syosa, ikylene kisakuyaga."

³³⁸ Tāta Kyala, une—une njobile ku butali, kang'i negile akabalilo kingi ka bandu, lōli, Ntwa Kyala, kukayako nakumo ukwīmīkigwa ku kyēne. Ikyēne itolo kikufwāna ugwe itolo kufimbilisigwa ukuleka nu kusōkàpo, nu kugomokela. Uswe tukwitugasya nkisu ikyakufwa, pakati pa bandu aba bikufwa; ni Ndumi ya Bumi, kang'i nu buketi bwa busyuke. Gwempala Kyala, uswe tukuyaga itolo bākufwa akabalilo kamo, kang'i ngimba ikyēne kisakuyaga fiki linga uswe tukuleka u lusako ulu lukutukilania uswe?

³³⁹ Indūmbūla syītu sikōkya; imyōyo gyītu ginyenyemusigwe; aba bābo bīsile nkati. Kang'i bīngi apa bikupilika i Ndumi iyi ulubunju ulu. Ena, babili pamo batatu bafyūsīsyē amaboko gābo. Abēne bikulōnda ukwitika, Ntwa. O, naloliloli imbeyu yila yikaya mfwano mma, Ntwa. Ngimba abene babagile bulebule ukufyusya ikiboko kyabo bo ulo? Kilipo ikindukimo. O Kyala, ikylene kyo bwēne bwaiyolo, ikylene yo nkasi gwa Yobu imile pala, ikuyoba, "O!" Loli, Ntwa, itikisya ukuti Yobu yula, u mwitiki yula, īngilege nkati, ulubunju ulu, ukufwa lōsa, kang'i ukusyīlīgwa apa mu lōsyo lwa mīsi.

³⁴⁰ I ndondobya-sya-ndunga isi sīsile ukufuma ku Mwanya, i Lisyu Iya Kyala ili likuyoba Ilyēne lisakusukapo ubutulwanongwa bulibōsa nu kusyūla ubwēne! Umwe gōsīgwe mu Ngamu ya Yeso Kristi, ngimba kyo fiki? Ubusyūle bwa butulwanongwa bwāko, mbībi sisyūlīgwe mu Ngamu ya Yeso Kristi.

³⁴¹ Bali, polelo, Tata, bali. . .Linga abēne babine, abēne bali endaga pānja babūmbulwīke. Bali, linga abēne bo balemale, abēne bali endaga pānja pāsi pa Maka ga Mbepo Mwikēmo. Linga abēne bafumile pakuya batulwanongwa, abēne bali endaga pānja basukīgwe kang'i bēlu. Kang'i u bumang'anyi, ukwisila mu kubuka nkati; u Lukino lukwīsa ukufuma ku Mwanya, u Mbepo Mwikēmo, nu kubanyaka abēne ukusōkàpo, Ntwa. Nyenyemusya umbili gwābo ugwākufwa, polelo uswe twīsa kupilika isyānaloli indimi imbya, amaka ga Kyala, lugano ulusitakuyobigwa, ilipyāna lyākufwa ni lipyāna lyābūmi; kang'i u Kristi unsyūsīgwe, u Mbili, u Nsīngilīgwa ukwimila Umwene pa kīsu.

³⁴² Tāta, abēne bo Bāko. Abēne bafyūsīsyē amaboko gābo. Une ndumbilīle i Lisyu. Lilino, Tāta, bāmbilīla abēne, une ngwīpūta. Mu Ngamu ya Yeso Kristi, une ngusuma ikylene. Ameni.

³⁴³ Ugwe unganile Umwene? Ngimba Umwene akaya nswigisye? Ngimba ugwe gwīkutisīgwe ukuti ugwe gwe kiyabo kya busyūke bwa Pāsa, ukuti ugwe gwāfyūkile nu Mwēne? Fyusya ikiboko kyāko. Ugwe gōngeligwēmo.

344 “Bāna bāngu abanini,” mūmo Pauli ābagīle ukuyoba. Komma ukugela ukummwēgelēla umwēne, lōli, u lugano, une mbaganile umwe. Une ngubuna mmisebwe na filifyōsa ifīngi, ukufika kuno, ukwīsa kukuyoba kwa umwe. Ukufyuka ukufuma ku lulangalanga, ukukilania ifilundi fya matalala, na fyosa, ukufika kuno. Uswe tukubeluka mu ndege. Umwe mukwendesya ukukilania ikisu, ukuti uswe tubagile ukwisa palikimo. Uswe tугanene yumo nu nnine.

345 Uswe tuli kiyabo kya yumo nu nnine. Komma ugwe ukummwitikisya Sētāno ukukubūla ugwe kalikosa akangi. Ukuya kiyabo kya yumo nu nnine, uswe tuli kiyabo kya Mwene. Kangi uswe twe benekaya bīnītu ba Kitangalala, ukwikyēla isayo isi, palikimo, isya busyūke.

346 Kangi lilino, muketile, lilino ugwe gwe utalile usyūsīgwe. Akabalilo kāko Kyala ālinsyūsīsyē Umwēne, Umwēne ākusyūsīsyē ugwe. U Mwanundumiana yo itolo lilino pa ugwe, kangi lilino ugwe kukula mu Būmi bwa bulēnge mūmo Umwēne āli, ukuya nsyūsīgwe lōsa mu lisiku ilya bumalikisyo lila. Ifyakugūlīla fyāko, ugwe ulinafyo lilino. Nongwa ya fiki ugwe kumanya? U moyo gwāko gwālyāndwīke, bule ugwēne? U mbili gwāko gwīsīle mu lupilikilo ku Kyēne, bule ugwēne? Mu lupilikilo (kyo fiki, i kipanga?) i Lisyu, ili lyo Bumi, polelo ugwe lilino unsyukile ku bafwe. Ikyēne yo Paasa, na Yeso na une. Ikyēne yo Pāsa, na ugwe na Yeso. Kangi ikyēne yo Paasa, na ugwe, une, na Yeso. Uswe twesa tuli. . . Pamo, Yeso, ugwe, kangi une, uswe twesa tusyūsīgwe palikimo.

347 Kangi uswe twīsya kufyūka ku lisiku lya bumalikisyo, palema nalinga imbepo syītu sikusōkāmō mmibili gyītu, palema nalinga imibili gyītu gikugw’ingami, igyēne gilībūkāga ku lufūmbi, igyēne gili okigwāga mōsa, igyēne gili yaga nkati pāsi pa nyānja. Ili Bangeli lyāyobile, “U Gwandumi ālyonile panja pa nyanja, na filifyosa ifi fyāfwile filinkwisa pamwanya.” Kikayapo nakimo iki kibagīle ukutufisa uswe, pamo ukutupāgūla uswe, ukufuma kwa Kyala uyu uswe tunganīle kanunu fiyo, uko kutusyūkisyē uswe palikimo.

348 Kyala akusaye ugwe. Une mbakyungile umwe apa akabalilo katali. Linga abandu bala bakāli pa telefoni sila, abene naloliloli. . . Ku masenti malongo mahano pa miniti yimo, abene naloliloli bahombile, ulubunju ulu. Lōli, une ndinkutoligwa itolo ukwīma pa sala yila, une itolo nāfīmbilisīgwe ukubūka nkyēni.

349 Lilino, u Ntwa itikisyēge, une ngugomokelaga ikilo iki, ukuyoba na umwe kangi. Kangi linga une ngabagila, kangi polelo umwe mwesa mukumanya. . . Une ngusakisya uswe tukaya nakamo. . . pamo umma. . . Uswe tuli pa telefoni kangi mma? Komma pa telefoni kangi mma.

350 Umwe mumenye kuko une ngubuka, bule umwe? Africa! Une ngolile ku kabalilo katali; ku fyiya une ngelile ukugomokela.

Lilino i mboniboni, u Mbepo gwa Ntwa atendendekisye injila iyi. Abene balinkuti, akabalilo kako abapelakisa abāndu bala bāpilike ikylene, ukuti une ngālisile akabalilo kabumalikisyo kāko une nāli kula, abēne bālambalele pāsi pamusi na pakilo, nu kwilūmbusya nu kukūta, kangī bikuyoba, “Ntwa, ngimba uswe tubōmbile fiki?” baelifu ba abēne. Abandu bala batikwitika abene balinago u moyo. Muketile? Kangī abene balinkulila kangī abene balinkukuuta, kangī abene balinkulila.

³⁵¹ Komma ukubatumila nalimo ilisyu pankyeni. Nalamba komma. Muketile, linga u lwitikisyo lula lwābagile ukubōneka ukubūka ukukīndamo kula nu kufika pakati pa balūmbilili bala, abēne āngāli bikunyīmika une palapala pala. Une ngufimbilisigwa ukubūka nkati ngati mfwimi. Une ngubūkaga kwa mwēhe uyu ātwēle imisigo gwa sitima kalongo na sihanona-sibili ukusuluka nu kwīsa ukusuluka ku lukomano. Une ngufika ukubūka kula nu kufwīma ku kiyabo kyāke. Kangī une ngubuka nkati, i pasipoti yangu kangī kilikyosa kikukōléla ku mfwimi, komma ububōmbelo bwa bwipūti.

³⁵² Polelo apene pikuyaga ngapo yumo unkundwe uyu ikwāgana na une, ikuyoba, “Nongwa ya fiki ugwe ukaya nulukomano ulunini kuli uswe?” A mastadia gatelile gāsīmīgwe. Abēne batikumanya nukumanya ikyēne. Muketile? O, lwīmiko!

³⁵³ Iputa ukuti u bwīgāne bwa Kyala butisa ku pīngigwāga. Ukuti, umoyo gwangu ugu gukūtile kuli Africa ukufuma pāpo une nāsōkilepo, une ndi yaga gwākubagila ukugomokela kangī, polelo ukubatwāla umwe i ndumi ya lukomano ulukulumba. Une lumo ndisakukubona umwe kangī mma, ukufuma umwisyugu, mpaka une ngugomokela. Uswe tukubūka, itolo mmasiku manini lilino, lyākalongo lya Meyi. Ngimba umwe mwisa kunyīpūtila une?

³⁵⁴ Kumbukilaga, ugwe ukalumanya lo lutamio nki luliko, mpaka ugwe kutika pala; abagānga abābulosi pa lubafu lulilosa, kangī u mōhēsi, kangī komma ukwinogona abene batikumanya isyakubomba. Muketile? Kangī ugwe kinunupo umenye iki ugwe kuyobelapo, akabalilo kāko ugwe kwīma pankyēni pa bēne. “Loli une mmenye mwa Yūyo une nītike, kangī une mbepēkīgwe Umwēne yo abagile ukukyūnga kila kīkyo une nkyūngīsye ku Mwēne ukugūlila ilisiku lila.”

Lilino, filipo ififunga fimo filambalele apa.

³⁵⁵ Gwempala Kyala, bo i Ndumi iyi ulubunju ulu, iya busyuke, kangī une nimile apa, Ntwa, kangī ngusisimikisya ni Lisyu ukuti gala a Maka gākunyenemusya gali nkati mwa mwāna ugwākwītika. Polelo, pa kwītika, mu lwītiko, ukuti a Maka gākunyenemusya gala gāndwile ubūmi bwāngu. Kangī abandu aba bikwitika, Ntwa, kangī Ikyene kyanawisye ubumi bwabo. Kangī uswe tukusumila yumo ku nnine.

356 Une ngulambalika amaboko gangu pa fifunga ifi, ukuti . . . Aliyaga Kyala, Uyu abasūmwisye Yeso Kristi nukuntwala Umwēne ukufuma ku bafwe, kangu u Mbepo yula uyu āsyūsisye Umwēne ukufuma ku bafwe, itūgalege mu mbili gwītu.

357 U Mbepo uyu āli pa mbili gwa Elisha, ukuti, ukufuma ukuya mfwano kangu nakimo lōli fifupa, ugwēne gwāli nago a Maka gākunyenyemusya mu gwēne. Ifiboko fya batumigwa fyāli nago a Maka gākunyenyemusya mu kyēne. A minogonēlo ga batumigwa, ubukētēlo bwa batumigwa, i—i ndimi sya bītiki, syōsa syāli na Maka gākunyenyemusya.

358 Lilino gala a Maka gākunyenyemusya gāliyaga, bo une ngulāmbalika i Lisyu ili pa fyēne, kangu amaboko gāngu ukwimilila u mwenenakyo, ni lipyāna, lya gala a Maka gākunyenyemusya, Ikyēne kili nyenyemusya guligōsa gumo mwa gila imibili imibine, kangu abene batendekigwe ukuya kanunu kangu, Kyala, ukwisila mu Ngamu ya Yeso Kristi.

359 Ukwēne kulinga yaga kwēne mma ku fifūnga ifi, lōli kuli abāndu bala pānja pala mu kilūndilo, aligwēsa uyu ikukubilwa. Abāna abanini bala, abāndu abakusi, kilikyosa iki abene bali, gala a Maka gākunyenyemusya gali nyenyemusyaga abēne lululu lilino, mu Ngamu ya Yeso. Amen.

360 Lilino, balinga bali nago a Maka gākunyenyemusya? Lilino lāmbalika amaboko pamwanya pa yumo nu nnine, linga gala a Maka gākunyenyemusya gali mwa umwe.

361 Lilino, kilipo ikīndu kimokyēne ukukipīnga Ikyēne, ukukilāmbika, ikyo kyo busitakwītika bwāko. Unkikulu apalamāsisye umwenda Gwake, apeligwe mbumbulusigwe; unsikali gwa kiRoma ukufunyiligwa nkisyo Kyaake, nukubuuka ku gehena. Muketile? Polelo ikyene kyāli . . . ikyene kikwēgēla kūko ugwe uliko. Ngimba ugwe kwitika Ikyene? Ngimba ugwe kwitika Ikyene?

362 Lilino une ngulonda umwe ukwinamisya imitu gyinu nukwiputila pa yumo nu nnine. Itolo—itololo ipūta palapala panja, yoba itolo, “Ntwa, umundu uyu” . . . Muketile, itolo iputilaga yumo nu nnine.

363 Gwempala Kyala, uswe tukubomba iki mu Ngamu ya Yeso Kristi, i Ngamu ntiga yipēgigwe pakati pa mūndu kūko uswe tubagile ukupokigwa pamo ukubumbulusigwa. Abāndu aba, bābo bo bāmyītu benekaya ba Kitāngāla, u mwenenakyo gwa Maka gākunyenyemusya, nyenyemusya Ikyēne ku bēne, Ntwa, itolo lilino. Kangu u Mbepo alibūkāga ukufuma ku ngwāsi ukubūka ku ngwāsi, ukufuma ku Lisyu ukubuka ku Lisyu, mpaka ubwisusye bwa Yeso Kristi bupeligwe ukuboneka mu gogōsa gwa mibili, kuli kipalamasye, kyamwambepo, pamo kilikyōsa abēne balinakyo ulufūmbwo bwāke, bo uswe tukulāmbalika amaboko gītu pa yumo nu nnine. Mu Ngamu ya Yeso Kristi.



UKWENE KO KUPANDA KWA LISUBA KYA65-0418M

(It Is The Rising Of The Sun)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Epurelo 18, 1965, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2024 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org